

# **LOMAA**

**Baulo fiev bun Lomaa Zingh**

**Jiu-baang Nyei fiex**

Porv Mengh Mienh:

Zeuz, Yauzsing (BA, MAR, MDiv.)

## Lomaa Sou Nyei Bun-Ginc

### I. JIEX GORN WAAC – 1:1-17

- A. Baulo gorngv jiex gorn waac – 1:1-7
  - 1. Fiev fiensex mienh: Baulo – 1:1
  - 2. Gorngv taux nyei hoc-dauh: Kuv fiensex – 1:2-6
  - 3. Zipv fiensex mienh: Siensex Giduc mienh yiem Lomaa – 1:7
- B. Baulo oix mingh Lomaa zingh – 1:8-15
  - 1. Zorng-zengx gorngv ninh oix mingh– 1:8-10
  - 2. Weic haaix nyungc Baulo oix mingh – 1:11-15
- C. Fiensex nyei domh hoc-dauh – 1:16-17
  - 1. Kuv fiensex se Tin-Hungh nyei domh qaqv, haih njoux yietc zungv siensex nyei mienh – 1:16
  - 2. Kuv fiensex biux mengh cing-nzengc nyei Tin-Hungh hhangv haaix nor bun mienh caux ninh haih horpc hnyouv – 1:17

### II. SIENX TIN-HUNGH NYEI GORN-NDOQV - 1:18-11:36

- A. **Tin-Hungh dingc zuiz:** Tin-Hungh biux mengh ninh nouz (qiex jieuz) haic mienh mangc piex ninh – 1:18 – 3:20
  - 1. Dingc zoux waaic sic nyei mienh – 1:18-32
    - a. Tin-Hungh biux mengh ninh qiex jieuz fai nouz – 1:18-32
    - b. Tin-Hungh ganh biux mengh bun mienh hiuv duqv ninh – 1:19-20
    - c. Mienh maiv zipv dongh hiuv wuov dauh Tin-Hungh – 1:21-23
    - d. Baamh mienh kungx jaa zoux waaic sic camv jienv mingh – 1:24-32
  - 2. Dingc douh ganh duqv longx/fiou gong daqv nyei janx – 1:2-16
    - a. Weic maiv kangv goiv hnyouv– 2:1-5
    - b. Weic ganh zoux nyei gong – 2:6-11
    - c. Weic ei jienv leiz-latc zoux– 2:12-16
  - 3. Dingc Yiutai mienh nyei zuiz – 2:17-3:8
    - a. Kungx maaih leiz-latc hhangv se maiv gauv – 2:17-24
      - (1) Maaih Mose leiz-latc – 2:17-20
      - (2) Njaaux mienh ganh maiv ei zoux bun janx ki Tin-Hungh – 2:21-24
    - b. Kungx jiex gaatv nyei leiz hhangv se maiv gauv – 2:25-29
    - c. Yiutai mienh maaih haaix nyungc gauv longx zoux Janx – 3:1-8
      - (1) Jiex gatv nyei leiz maaih lamh longc nyei fai– 3:1-2
      - (2) Tin-Hungh laengz nyei waac niv – 3:3-4
      - (3) Tin-Hungh maiv baengh fim fai – 3:5-8
  - 4. Dingc Lungh ndiev mienh nyei zuiz – 3:9-20

- a. Dingc nyei zuiz: Yietc zungv zuqc zuiz nyei qaqv gunv jienv – 3:9
- b. Zorng-zengx: Ging-sou nyei waac – 3:10-18
- c. Dorh daaih longc: Mouz lanh mienh zuqc Tin-Hungh siemv – 3:19-20

**B. Njoux En:** Cing-nzengc nyei Tin-Hungh biux mengh bun baamh mienh hhangv haaix nor haih caux ninh horpc hnyouv-3:21-8:39

1. Caux Tin-Hungh horpc hnyouv; Tin-Hungh bun mbuo ninh nyei cing-nzengc maengc – 3:21-5:21
  - a. Porv mengh hhangv haaix nor caux Tin-Hungh horpc hnyouv – 3:21-31
    - (1) Mbuo hiuv duqv hhangv haaix nor horpc – 3:21-23
    - (2) Tin-Hungh baeqc-baeqc ceix nyei en – 3:24-26
      - (a) Yesu Giduc zuoqc mienh nzuonx – 3:24-25c
      - (b) Yesu Giduc zoux ziec nyei ga'naaiv – 3:25d-26
    - (3) Duqv caux Tin-Hungh horpc hnyouv weic sienx Yesu – 3:27-31
  - b. Nyungc zeiv biux mengh caux Tin-Hungh horpc hnyouv – 4:1-25
    - (1) Apc^laa^ham hhangv haaix nor caux Tin-Hungh horpc hnyouv – 4:1-3
    - (2) Porv mengh Tin-Deic Douh 15:6 ; 4:4-25
      - (a) Maiv zeiz nyei: Apc^laa^ham maiv zeiz caux Tin-Hungh horpc hnyouv weic- 4:4-15
        - 1) Ninh zoux nyei kuv gong – 4:4-8
        - 2) Ninh jiex gatv nyei leiz – 4:9-12
        - 3) Ninh ei Leiz-latc – 4:13-15
      - (b) Zeiz nyei: Apc^laa^ham duqv njoux fai caux Tin-Hungh horpc hnyouv weic:- 4:16-22
        - 1) Sienx Tin-Hungh – 4:16a
        - 2) Apc^laa^ham nyei sienx fim biux mengh - 4:16b-22
      - (c) Apc^laa^ham nyei nyungc zeiv bun taux ih jaax sienx nyei mienh – 4:23-25
  - c. Maaih lamh hnamv weic duqv caux Tin-Hungh horpc hnyouv – 5:1-11
    - (1) Maaih lamh hnamv caux baengh orn – 5:1-2
    - (2) Orn-lorqc yiem naanc zingh – 5:3-5
    - (3) Mbuo maaih lamh hnamv weic Giduc zoux nyei gong - 5:6-11
      - (a) Tin-Hungh bun cing ninh hnamv zuiz mienh -5:6-8
      - (b) Tin-Hungh bun cing ninh hnamv sienx nyei mienh– 5:9-10
      - (c) Weic Yesu Giduc bun mbuo caux ninh duqv horpc hnyouv. Sienx Giduc nyei mienh horpc zuqc ceng – 5:11
  - d. Caux Tin-Hungh horpc hnyouv beiv mangc– 5:12-21
    - (1) Weic Aa^ndam nyei zuiz, yietc zungv zuiz-mienh – 5:12
    - (2) Aa^ndam nyei zuiz, Tin-Hungh hlo nyei en – 5:13-17
    - (3) Laaix Aa^ndam zoux zuiz zuangx mienh zuqc dingc zuiz. Laaix nduqc dauh Yesu Giduc zoux kuv sic zuangx mienh ziouc duqv bungx nqoi – 5:18-19
    - (4) Zuqc hnamv taux nyei sic – 5:20-21
2. Leih zuiz daaih nitv fatv Tin-Hungh; Tin-Hungh bun mbuo ninh nyei cing-nzengc maengc– 6:1- - 8:39

- a. Siensex Giduc mienh caux zuiz – 6:1-23
- (1) Siensex Giduc mienh duqv bungx nqoi maiv zuqc zoux zuiz nyei nouh – 6:1-14
- (a) Njaaux taux zien leiz – 6:1-11
- 1) Naaic nyei waac – 6:1
  - 2) Dau nyei waac – 6:2-11
    - a) Dau nyei waac – 6:2a
    - b) Weic haaix nyungc – 6:2b-10
      - i) Ei zoux zuiz...daic mi'aqv – 6:2b
      - ii) Caux Yesu juangc daic – 6:3-7
      - iii) Caux Giduc juangc maengc ziangh – 6:8-10
    - c) Kuinx nyei waac – 6:11
- (b) Dorh zien leiz daaih longc – 6:12-14
- (2) Siensex Giduc mienh zoux Tin-Hungh horpc nyei nouh – 6:15-23
- (a) Naaic nyei waac – 6:15a
- (b) Dau nyei waac – 6:15b-23
- 1) Gorngv nyei waac – 6:15b
  - 2) Porv mengh gorngv nyei waac – 6:16-23
    - a) Muangx haaix dauh waac-benx nouh – 6:16-20
    - b) Zinh ndaangc (vs.) ih zanc – 6:21-23
- b. Siensex Giduc mienh caux Leiz-ladc – 7:1-25
- (1) Siensex Giduc mienh bungz nqoi yiem leiz-ladc mi'aqv – 7:1-6
- (a) Leiz-ladc nyei hatc maaz – 7:1
- (b) Dorng jaa nyei nyungc zeiv porv mengh leiz-ladc – 7:2-3
- (c) Dorh daaih longc: caux Giduc dorng jaa – 7:4-6
- (2) Leiz-ladc bun mbuo hiuv duqv zuiz – 7:7-25
- (a) Leiz-ladc caux zuiz – 7:7-12
- 1) Naaic nyei waac – 7:7a
  - 2) Dau nyei waac – 7:7b
  - 3) Leiz-ladc nyei gong – 7:7c-11
    - a) Zuiz nyei eix-leiz – 7:7c
    - b) Zuiz lorz qangx nduov – 7:8
    - c) Zuiz dorh daic – 7:9-11
  - 4) Nzutv norz waac: Leiz-ladc cing-nzengc nyei – 7:12
- (b) Leiz-ladc caux daic – 7:13-25
- 1) Zuiz bun mienh daic – 7:13
  - 2) Tin-Hungh nyei leiz, caux baamh mienh – 7:14-25a
    - a) Beiv mangc leiz caux mienh – 7:14
    - b) Baamh mienh ganh maiv maaih za'eix – 7:15-20
      - i) Simv ndutv zuiz – 7:15-17
      - ii) Zoux horpc – 7:18-20
    - c) Baamh mienh nyei hnyouv maaih i diuh leiz doic-dekc – 7:21-25a
  - 3) Nzutv norz waac: i nyungc leiz-ladc – 7:25b

- c. Siensex Giduc mienh caux Singx Lingh– 8:1-39
- (1) Siensex Giduc mienh duqv bungx nqoi yiem Singx Lingh – 8:1-11
    - (a) Maaih Singx Lingh nyei mienh maiv zuqc dingc zuiz – 8:1-4
      - 1) Njaaux nyei ei-leiz – 8:1
      - 2) Weic haaix nyungc – 8:2
      - 3) Porv mengh – 8:3-4
    - (b) Singx Lingh dorh nyei maengc caux ei baamh gen nyei maengc – 8:5-11
      - 1) Beiv mangc caux porv mengh – 8:5-8
        - a) Njaaux nyei leiz – 8:5
        - b) Porv mengh – 8:6-8
      - 2) Beiv mangc caux dorh daaih longc– 8:9-11
        - a) Njaaux nyei leiz – 8:9
        - b) Duqv nyei – 8:10-11
  - (2) Singx Lingh dorh Giduc mienh zoux nyei – 8:12-30
    - (a) Maiv zeiz ei baamh mienh nyei hnyouv nyunc zoux– 8:12-17
      - 1) Gorngv nunz nyei waac – 8:12
      - 2) Weic mbuo daic ei baamh mienh nyei hnyouv hanc zoux nyei mv baac ziangh weic Singx Lingh-8:13 -17
    - (b) Diev ih zanc buangh zuqc nyei kouv naanc – 8:18-30
      - 1) Weic nga'haav oix duqv nyei njang-laangc– 8:18-25
        - a) Gorngv nyei waac – 8:18
        - b) Zorng-zengx – 8:19-25
      - 2) Weic Singx Lingh zanc-zanc tengx mbuo-8:26-27
      - 3) Weic Tin-Hungh jaa-ndaangc ginv daaih – 8:28-30
  - (3) Siensex Giduc mienh maaih laamh hnamv yiem Yesu– 8:31-39
    - (a) Buatc yiem Zangc Diex caux Siensex Giduc mienh-8:31-34a
      - 1) Zangc Diex goux mbuo – 8:31
      - 2) Zangc Diex ceix nyungc-nyungc bun – 8:32
      - 3) Zangc Diex bun mbuo caux ninh horpc hnyouv– 8:33-34a
    - (b) Buatc yiem Yesu Giduc caux siensex ninh nyei mienh– 8:34b
    - (c) Buatc yiem siensex Giduc mienh nyei maengc dongh ninh mbuo buangh zuqc kouv naanc nyei ziangh hoc – 8:35-39
      - 1) Naanc zingh, kuonx hnyouv, mienh zoux doqc – 8:35-37
      - 2) Zuqc zeix daaih nyei ga'naaiv hoic – 8:38-39

**C. Maiv haih guaix Tin-Hungh:** I<sup>saa</sup>laa<sup>en</sup> mienh ganh nqemh maiv zipv kuv fienx – 9:1- 11:36

1. I<sup>saa</sup>laa<sup>en</sup> mienh nqemh maiv zipv nyei – 9:1-29
  - a. Baulo nzauh taux I<sup>saa</sup>laa<sup>en</sup> mienh – 9:1-5
    - (1) Nzauh nyei – 9:1-2
    - (2) Zorng-zengx zoux bun nzauh – 9:3
    - (3) I<sup>saa</sup>laa<sup>en</sup> se Tin-Hungh ginv nyei mienh – 9:4-5
  - b. I<sup>saa</sup>laa<sup>en</sup> nqemh, maiv zipv, se maiv doic-dekc taux Tin-Hungh laengz nyei ngaengc waac – 9:6-13

- (1) Tin-Hungh maiv bungx ndortv ninh laengz nyei waac– 9:6a
  - (2) Zorng-zengx gorngv Tin-Hungh se ziepc zuoqv – 9:6b-13
    - (a) Da'yietv: Ginv Isakc – 9:6b-9
    - (b) Da'nyeic: Ginv Yaakopv – 9:10-13
  - c. I^saa^laa^en mienh nqemh, maiv zipv, doic-dekc Tin-Hungh taux ninh nyei baengh fim – 9:14-29
    - (1) Gorngv taux Tin-Hungh nyei baengh fim nyei jauv– 9:14-18
      - (a) Sic: Tin-Hungh maiv baengh fim fai? – 9:14a
      - (b) Dau: Maiv zeiz, Tin-Hungh korh lienh– 9:14b-15
      - (c) Nzutv zunv gorngv: Tin-Hungh oix korh lienh haaix dauh se ei ninh ganh nyei za'eix – 9:16-18
    - (2) Tin-Hungh korh lienh caux hnyouv ndaauv – 9:19-29
      - (a) Zeix daaih nyei mienh maiv haih mbuox zeix ninh wuov dauh Ziouv, Tin-Hungh maaih hatc maaz ei ninh ganh nyei za'eix zoux– 9:19-21
      - (b) Tin-Hungh zoux hnyouv ndaauv– 9:22-29
        - 1) Biux mengh yiem Janx caux Yiutai mienh – 9:22-24
        - 2) Maiv gaengh cuotv gorngv ndaangc – 9:25-29
2. I^saa^laa^en nqemh maiv zipv kuv fiensex zic duqv nouz – 9:30- 10:21
    - a. Weic I^saa^laa^en mienh maiv sienx Tin-Hungh– 9:30-10:4
      - (1) I^saa^laa^en mienh ganh nqemh – 9:30-33
      - (2) Baulo gengh oix I^saa^laa^en mienh sienx – 10:1
      - (3) I^saa^laa^en maiv mengh baeqc Tin-Hungh nyei jauv – 10:2-4
    - b. Weic I^saa^laa^en mienh maiv mengh baeqc yiem loz Ging-sou njaaux gorngv sienx Tin-Hungh ziouc duqv caux ninh horpc hnyouv – 10:5-13
      - (1) Sienx ziouc duqv caux Tin-Hungh horpc hnyouv– 10:5-10
      - (2) Janx caux Yiutai mienh fih hngangv nyei zuqc sienx – 10:11-13
    - c. Weic I^saa^laa^en nqemh ziouc piatv ziangh hoc– 10:14-21
      - (1) Zunh kuv fiensex bun I^saa^laa^en mienh– 10:14-17
        - (a) Zuqc zunh kuv fiensex – 10:14-15
        - (b) I^saa^laa^en mienh mv zeix dauh-dauh zipv kuv fiensex– 10:16
        - (c) Zuqc haiz Giduc nyei doz cingx haih sienx– 10:17
      - (2) I^saa^laa^en mienh ganh nqemh mv baac gorngv jaev–10:18-20
        - (a) Da'yietv gorngv jaev: maiv haiz kuv fiensex– 10:18
        - (b) Da'nyeic jaev: I^saa^laa^en mienh maiv mengh baeqc- 10:19-20
      - (3) I^saa^laa^en mienh zuqc dingc – 10:21
3. I^saa^laa^en se maiv yietc liuz nqemh fai maiv zipv kuv fiensex – 11:1-36
    - a. I^saa^laa^en maiv zeix dauh dauh nqemh– 11:1-10
      - (1) Baulo ganh nyei zingh ginx– 11:1
      - (2) Tin-Hungh maaih ninh ginv nyei mienh- 11:2-10
        - (a) Tin-Hungh ganh ginv – 11:2a
        - (b) Yiem E^li^yaa nyei ziangh hoc– 11:2b-3
        - (c) Yiem ih jaax hnoi nyei ziangh hoc – 11:5-10
    - b. I^saa^laa^en maiv yietc liuz nqemh Tin-Hungh – 11:11-24
      - (1) Duqv nyei fuqv weic I^saa^laa^en nqemh kuv fiensex– 11:11-15

- (a) Janx duqv Tin-Hungh ceix fuqv– 11:11-12
- (b) Baulo zoux gong-zoh douc kuv fiensex bun Janx– 11:13-14
- (c) Mienh maanh duqv zipv Tin-Hungh nyei fuqv – 11:15
- (2) Tin-Hungh laengz dorh I^saa^laa^en nzuonx – 11:16
- (3) Ga'lanv ndiangx nyei eix-leiz – 11:17-24
  - (a) Donv Janx maiv dungx zoux maux–11:17-22
  - (b) Tin-Hungh oix zorqv ga'lanv nquaah aengx daux jienv ninh nyei zien ndiangx (I^saa^laa^en mienh aengx nzuonx daaih sienx kuv fiensex) – 11:23-24
- c. I^saa^laa^en mienh nzuonx daaih sienx Tin-Hungh – 11:25-32
  - (1) I^saa^laa^en mienh maiv yietc liuz hnyouv ngaengc – 11:25
  - (2) Tin-Hungh oix njoux yietc zungv I^saa^laa^en – 11:26-27
  - (3) I^saa^laa^en mienh qiexx Tin-Hungh korh lienh– 11:28-32
- d. Ceng Tin-Hungh weic ninh nyei cong-mengh – 11:33-36

### III. GIDUC MIENH HNANGV HAAIX NOR YIEM – 12:1-15:13

#### A. Caux gorx-youz – 12:1-21

- 1. Weic haaix nyungc mbuo zoux dongh mbuo zoux nyei– 12:1-2
  - a. Fungx bun Tin-Hungh hnangv ziec nyei maengc – 12:1
  - b. Bun Tin-Hungh goiv yienc nyei maengc – 12:2
- 2. Nyungc-nyungc mbuo zoux nyei – 12:3-21
  - a. Nyiemc ganh zoux faix maiv dungx zoux maux – 12:3-8
    - (1) Nunz nyiemc ganh zoux faix– 12:3
    - (2) Weic haaix diuc zuqc nyiemc ganh zoux faix – 12:4-5
    - (3) Maaiah nyei zingh nyeic longc weic Tin-Hungh – 12:6-8
  - b. Weic maaiah hnyouv hnamv mienh – 12:9-21
    - (1) Hnamv sienx Giduc mienh – 12:9-13
      - (a) Ziepc Zuoqv hnamv – 12:9-10
      - (b) Jorm hnyouv– 12:11-12
      - (c) Maaiah hnyouv ndaauv – 12:13
    - (2) Hnamv maiv gaengh sienx nyei mienh– 12:14-21
      - (a) Ceix fuqv bun – 12:14-15
      - (b) Ziepc zuoqv hnyouv– 12:16
      - (c) Maiv dungx jaauv win – 12:17-21

#### B. Caux hungh jaa – 13:1-14

- 1. Muangx hungh jaa– 13:1-7
  - a. Hatc nyei waac – 13:1a
  - b. Weic haaix diuc – 13:1b-4
    - (1) Weic zuqc Tin-hungh liepc hungh lingc – 13:1b-2
    - (2) Weic zuqc jien-fouv zoux Tin-Hungh nyei bou – 13:3-4
  - c. Lomh nzoih dingc hnyouv– 13:5-7
    - (1) Muangx hungh jaa – 13:5
    - (2) Cuotv nzou-zinh bun hungh jaa – 13:6-7

2. Kuinx mienh lanh hnamv lanh – 13:8-10
  - a. Eix-leiz – 13:8a
  - b. Weic haaix diuc – 13:8b-10
3. Zuqc zoux kuv sic weic zuqc – 13:11-14
  - a. Ih jaax nyei ziangh hoc – 13:11-12b
  - b. Zoux puix yiem njang nyei mienh – 13:12c-14

### C. Caux mau fai henv nyei gorx-youz – 14:1-15:13

1. Kuinx mienh lanh horpc zuqc nyienz jienv lanh – 14:1-12
  - a. Weic Tin-Hungh zipv ninh mbuo – 14:1-5
    - (1) Hatc: zipv sienx mau nyei mienh – 14:1
    - (2) Da'yietv nyungc zeiv: Taux nyanc nyei ga'naaiv – 14:2-4
    - (3) Da'nyeic nyungc zeiv: longc jienv nyei hnoi – 14:5
  - b. Weic ninh mbuo benx Ziouv nyei mienh – 14:6-9
  - c. Weic ninh mbuo oix zuqc Ziouv siemv zuiz– 14:10-12
2. Kuinx sienx henv nyei mienh maiv dungx zoux haaix nyungc dorngc bun sienx mau nyei mienh – 14:13-23
  - a. Nzauh heix taux gorx-youz nyei eix-leiz – 14:13-21
    - (1) Gorngv nyei eix-leiz: maiv dungx nduov mienh baamz zuiz–14:13
    - (2) Zoux nyei: cau-fim taux sienx mau nyei mienh– 14:14-18
    - (3) Nzutv norz: zoux weic bun maaih baengh orn nyei yiem weic lanh tengx lanh ceix jiez daaih – 14:19-21
  - b. Sienx fim nyei eix-leiz – 14:22-23
    - (1) Sienx fim henv – 14:22
    - (2) Sienx fim mau– 14:23
3. Kuinx sienx henv nyei mienh tengx sienx mau nyei mienh – 15:1-6
  - a. Sienx henv nyei mienh oix zuqc tengx mau nyei mienh – 15:1-4
    - (1) Orn nyei waac – 15:1-2
    - (2) Zuotc nyei nyungc zeiv – 15:3-4
  - b. Daux gaux tov dongh diuc hnyouv – 15:5-6
4. Kuinx lanh zipv lanh – 15:7-13
  - a. Kuinx zipv mienh – 15:7a
  - b. Zoux nyungc zeiv zipv mienh: Yesu Giduc– 15:7b-12
    - (1) Giduc zipv mienh – 15:7b
    - (2) Giduc weic haaix nyungc zipv mienh – 15:8-12
      - (a) Yesu zoux weic Yiutai mienh – 15:8
      - (b) Yesu zipv Janx– 15:9-12
  - c. Daux gaux weic bun maaih lamh hnamv – 15:13

### IV. SETV MUEIZ WAAC – 15:14 - - 16:27

- A. Weic haaix nyungc Baulo fiev naaiv zeiv fienx (muoz deic) – 15:14-21
  1. Hiuv nzengc horpc zuqc zoux nyei/hlo yiem Giduc – 15:14



2. Baulo zoux Giduc nyei bou tengx Janx – 15:15-21
  - a. Baulo bungx laangc nyei fiev – 15:15
  - b. Baulo zunh kuv fienx – 15:16
  - c. Baulo zoux nyei gong – 15:17-21
  
- B. Baulo hnamv oix mingh Lomaa zingh – 15:22-33
  1. Ninh maaih hnyouv oix mingh Lomaa zingh– 15:22-24
  2. Ninh zuqc mingh Ye^lu^saa^lem zingh dorh gapv daaih nyei nyaanh bun ninh mbuo ndangc– 15:25-29
  3. Ninh oix Lomaa zingh nyei mienh tengx ninh daux gaux – 15:30-33
  
- C. Baulo jangx taux nyei mienh caux gorngv nunz hnyouv – 16:1-27
  1. Ninh ceng Fe^mbi – 16:1-2
  2. Ninh jangx taux nyei gorx-youz – 16:3-16
  3. Ninh heuc faix fim taux zunh jaav leiz nyei mienh – 16:17-20
  4. Caux Baulo juangc gong zoux nyei mienh juix waac – 16:21-24
  5. Setv mueiz Baulo ceng Tin-Hungh – 16:25-27

# **LOMAA**

## Jiex Gorn Waac

1. Mienh hnangv haaix nor gorngv taux naaiv buonv sou?
  - a. Ki^so^dom "mienh yietc norm leiz-baaix doqc nzunc bun muangz"
  - b. Mar^tin Lu^ther "Cing-nzengc nyei kuv fienv bun ninh duqv zipv njoux en"
  - c. Yo^han We^sa^le "Haaix hnyouv jorm dongh ninh haiz mienh doqc Lomaa"
  
2. Weic haaix diuc hoqc taux Lomaa naaiv buonv sou?
  - a. Weic zuqc hiuv duqv Lomaa sou se hiuv duqv sienx Yesu Giduc nyei jauv-louc
  - b. Weic hiuv duqv sienx Giduc nyei gorn-ndoqv (hnangv haaix nor caux Tin-hungh horpc hnyouv, hnangv haaix nor leih zuiz daaih nitv fatv Tin-Hungh)
  - c. Sienx Giduc nyei mienh horpc zuqc hnangv haaix nor yiem, ziangh, caux zoux horpc Tin-Hungh.
  
3. Fiev fienv nyei mienh?
  - a. Lomaa 1:1 "Giduc Yesu nyei bou" Baulo
  - b. Lomaa 6:17; Gong-zoh sou 9:1-7 "Yesu zoux Ziouv gunv nyei mienh"
  - c. Lomaa 11:13;15:15-20 "Zoux gong-zoh douc Tin-Hungh nyei waac bun Janx"
  
4. Fiev nyei ziangh hoc?
  - a. Yiem Da'yietv nzunc Baulo mingh zoux haengh douh nyei gong: A.D. 48-49
  - b. Yiem Da'nyeic nzunc Baulo mingh zoux haengh douh nyei gong: A.D. 50-52
  - c. Yiem Da'faam nzunc Baulo mingh zoux haengh douh nyei gong: A.D. 56-57 fiev yiem Ko^lin^to\*\*\*
  
5. Yiem haaix fiev naaiv zeiv fienv?
  - a. Lomaa 15:25 (sienx gorngv fiev yiem Ko^lin^to)
  - b. Lomaa 16:1 Fe^mbi tengx Ken^ke^lie jiu-baang zoux gong-Ken^ke^lie leih Ko^lin^to 4 mi hnangv
  - c. Lomaa 16:23 Baulo hitv Gaa^atc nyei biauv; 1 Ko^lin^to 1:14 Gaa^atc yiem Ko^lin^to jiu-baang

## 6. Zipv fiex nyei mienh?

## a. Lomaa jiu-baang hngangv haaix nor jiex gorn? Buo nyungc buac:

- (1) Yiutai mienh sienx Yesu yiem Ben<sup>de</sup>^kotv wuov hnoi nzuonx mingh Lomaa zingh...mbuox janx taux Yesu Giduc...janx sienx
- (2) Baulo dorh sienx nyei mienh weic zuqc ninh gorngv jienv ninh mbuo nyei mbuox. Lomaa 16

## b. Maaih haaix nyungc jiu-baang mienh?

## (1) Jiu-baang mienh

*Lomaa 16:3-5 -Bitc<sup>sinc</sup>^laa caux Aa<sup>ki</sup>^Naa nyei biau v jiu-baang (Mangc Gong-zoh 18:-3 Baulo buangh yiem Ko<sup>lin</sup>^to zingh, ninh mbuo I hmuangv se Yiutai mienh, yiem I<sup>aa</sup>^li guoqv (Lomaa jiu-baang) biaux daaih yiem Ko<sup>lin</sup>^to)*

*Lomaa 16:10 -Aa<sup>litv</sup>^to<sup>mbu</sup>^latv nyei biau v mienh*

*Lomaa 16:11-Naa<sup>siv</sup>^sac biau v zong mienh*

*Lomaa 16:14-Sa<sup>sinv</sup>^ki<sup>latv</sup>, Faa<sup>le</sup>^gon, He<sup>metv</sup>, Batc<sup>lo</sup>^mbatc*

*Lomaa 16:15 Fi<sup>lo</sup>^lo<sup>gatc</sup>, Yu<sup>lie</sup>, Ne<sup>le</sup>^atc, O<sup>lim</sup>^batc*

## (2) Janx camv nyei yiem naaiv norm jiu-baang, maiv zeix Yiutai mienh

- (a) *Lomaa 1:5; 11:13 “Janx” camv yiem naaiv norm jiu-baang*
- (b) *Lomaa 1:13 Oix tengx camv fngx Janx sienx*
- (c) *Lomaa 9:2-3 Baulo heuc Yiutai mienh “yie ganh nyei fngx”*
- (d) *Lomaa 11:13 Baulo caux Janx gorngv*
- (e) *Lomaa 16 Nzengc-nzengc Janx nyei mbuox*

## 7. Weic haaix diuc Baulo fiev Lomaa fiex?

- a. Ninh gorngv yiem Lomaa 15:24, ninh oix mingh Saa<sup>ben</sup> guoqv, oix Lomaa zingh jiu-baang tengx ninh cuotv jauv.
- b. Ziex nzunc (ziex hnyangx) oix mingh Lomaa zingh (Lomaa 1:13)

- c. Mingh zunh kuv fiensex yiem Lomaa zingh (Lomaa 1:11-15)
  - d. Njaaux ninh mbuo taux sienx wuonv nyei gorn-ndoqv bun ninh mbuo sienx henv (Lomaa 1:11)
  - e. Fi^mbi mingh Lomaa Zingh
8. Fiensex Nyei Domh hoz dauh: **Kuv fiensex se Tin-Hungh nyei domh qaqv, haih njoux yietc zungv sienx nyei mienh...Kuv fiensex biux mengh cing-nzengc nyei Tin-Hungh hnangv haaix nor bun mienh caux ninh haih horpc hnyouv**

## **LOMAA**

### **Buonv-Ginc**

#### **I. Jiex gorn waac: Tin-Hungh ginv Baulo daaih zoux gong-zoh yaac bun ninh maaih Singx Lingh nyei zingh nyeic weic tengx Lomaa jiu-baang sienx gauh henv 1:1-17**

A. Baulo nyei jiex gorn waac biux mengh Tin-Hungh paaiv ninh zunh kuv fiensex taux maanc fingx mienh 1:1-7

1. Baulo gorngv ninh nyei gong - 1:1

*Yie, Baulo, zoux Giduc Yesu nyei bou. Tin-Hungh ginv yie daaih zoux gong-zoh yaac paaiv yie zunh ninh nyei kuv fiensex.*

a. Zoux Giduc Yesu nyei bou: "Bou" wuov joux waac nyei eix-leiz se

b. Tin-Hungh ginv yie daaih zoux gong-zoh: Gong-zoh se

c. Paaiv yie zunh ninh nyei kuv fiensex: Tin-Hungh nyei kuv fiensex

2. Kuv fiensex gorngv ninh nyei dorn Yesu Giduc-1:2-6

a. Zinh ndaangc Tin-Hungh laengz jiex nyei– 1:2

*Naaiv kuv fiensex zinh ndaangc Tin-Hungh laengz liuz aqv, yaac longc ninh nyei douc waac mienh fiev jienv wuov Ging-Sou*

Yiem Loz-Ngaengc Waac

b. Kuv fiensex nyei gorn – 1:3-6

*Kuv fiensex gorngv ninh nyei dorn, mbuo nyei Ziouv Yesu Giduc nyei jauv-louc. Yesu Giduc cuotv seix daaih benx dauh baamh mienh, zoux Ndaawitv nyei Zeiv-Fun. 4 Cing-nzengc nyei Singx Lingh yaac bun cing Yesu zoux Tin-Hungh nyei Dorn, weic zuqc Yesu daic mingh, Tin-Hungh longc domh qaqv bun ninh aengx nangh daaih. 5 Laaix ninh, Tin-Hungh ceix en bun*

*yie mbuo tengx Giduc zoux gong-zoh weic dorh maanc fingx mienh sienx kaux ninh yaac muangx ninh nyei waac. 6 Liemh meih mbuo Lomaa Zingh nyei mienh Tin-Hungh yaac heuc daaih benx Yesu Giduc nyei mienh mi'aqv.*

1) Giduc-Yesu (1:3)

Cuotv seix: Benx Ndaawitv nyei zeiv-fun  
 Zoux sai-mienh: Div mienh yiem Tin-Hungh nyei nza'hmien  
 Zoux Douc waac mienh: Div Tin-Hungh yiem mienh nza'hmien  
 Singx Lingh bun cing Yesu zoux Tin-Hungh nyei dorn (1:4)

2) Yesu nyei Maengc:

Ndangc ninh benx baamh mienh: Singx Dorn  
 Benx baamh mienh  
 Ninh nyiemc ganh zoux faix: Fe^lipv^poi 2:5-8  
 Daic mingh/aengx nangh daaih  
 Tin-Dorngh Diex bouh ninh faaux: Yiem Tin-dorngh

3) Yesu nyei mbuox: mbuo nyei Ziouv Yesu Giduc

Singx Lingh zoux nyei gong:  
 1. Bun cing Yesu zoux Tin-Hungh nyei Dorn  
 2. Bun Yesu aengx nangh daaih

4) Weic Yesu ceix Gong-zoh

Yesu ceix en bun mienh zoux gong-zoh  
 Sienx kaux ninh yaac muangx ninh nyei waac (Giduc nyei leiz, Kuv fiensex)

3. Zipv fiensex mienh yiem Lomaa zingh - 1:7

*Yie ziouv fiev fiensex bun meih mbuo yiem Lomaa Zingh nyei zuangx mienh, dongh Tin-Hungh hnamv yaac heuc benx ninh ganh nyei mienh wuov deix. Tov mbuo nyei Zangc Diex Tin-Hungh caux Ziouv Yesu Giduc ceix en ceix baengh orn bun meih mbuo*

Yiem biau v nyei jiu-baang:

*En –weic Tin-Hungh nyei en mbuo duqv njoux*

*Baengh orn-maaih baengh orn weic duqv caux Tin-Hungh horpc hnyouv*

B. Baulo gorngv nyei waac caux ninh nyei hnyouv ndongc haaix oix buac Lomaa jiu-baang biux mengh ninh oix mingh Lomaa zingh– 1:8-15

1. Zorngh zengx gorngv ninh oix mingh - 1:8-10

*8 Da'yietv, Yesu Giduc bun yie weic meih mbuo zuangx mienh laengz zingh yie nyei Tin-Hungh, weic zuqc lungh ndiev mienh haiz gorngv meih mbuo sienx duqv longx. 9 Tin-Hungh, dongh yie buangv hnyouv tengx zoux gong zunh ninh nyei Dorn nyei kuv fiensex wuov dauh, haih tengx yie zoux zorngh-zengx. Ninh hiuv duqv yie haaix zanc daux gaux yie tih taux meih mbuo. 10 Yie oix mingh meih mbuo naaic lauh haic aqv, mv baac mingh maiv ziangh. Yie tov Tin-Hungh, se gorngv ei ninh nyei za'eix, koi jauv bun yie ih zanc maaih qangx duqv mingh meih mbuo naaic.*

a. Ninh laengz zingh jiu-baang weic ninh mbuo nyei sienx fim (1:8)

b. Ninh zanc-zanc buangv hnyouv nyei daux gaux weic ninh mbuo (1:9)

c. Ninh tov Tin-Hungh koi jauv bun ninh maaih qangx mingh (1:10)

2. Weic haaix diuc ninh oix mingh – 1:11-15

*Yie za'gengh! oix buatc haic meih mbuo, weic bun meih mbuo duqv Singx Lingh nyei zingh nyeic ziouc tengx meih mbuo sienx gauh henv. 12 Yie gorngv nyei se, meih mbuo duqv buatc yie nyei sienx fim, yie yaac duqv buatc meih mbuo nyei sienx fim, laanh ziouc haih tengx laanh sienx gauh henv. 13 Zuangx gorx-youz aac, yie oix meih mbuo hiuv duqv yie jiez ziex nzunc hnyouv oix mingh meih mbuo naaic mv baac maaih sic zorv jienv, mingh maiv ziangh. Yie oix mingh meih mbuo naaic tengx mienh sienx Yesu hnavg yie tengx camv-fingx Janx sienx nor. 14 Maiv gunv haaix nyungc mienh, yiem mungv fai yiem lomc nyei, doqc jiex sou fai maiv doqc jiex sou nyei, yie ndongc haaix zungv qiemx zuqc tengx. 15 Weic naaiv yie za'gengh oix zunh kuv fienv bun meih mbuo Lomaa Zingh nyei mienh. Kuv fienv nyei domh qaqv*

a. Weic bun Singx Lingh bun ninh nyei zingh nyeic fai en zingh (1:11-12)

Bun zingh nyeic (1 Te<sup>saa</sup>lo<sup>ni</sup>gaa 2:8) Singx lingh bun njaaux nyei  
Lanh orn lanh, lanh ceix lanh

b. Weic oix duqv nyei Biouv (naaiv joux waac maaih 3 nyungc nyei eix-leiz):

Singx lingh dorh nyei sienx Giduc mienh, ziangh Singx Lingh nyei Biouv (Gal. 5:16-25; Yo<sup>han</sup> 15)

Zoux cing-nzengc, kuv sic nyei biouv/zingh nyeic-leic zinh yiem Tin-dorng (Lomaa 6:22; Fi<sup>lipv</sup>poi 4:16-17)

Siang-sienx fai siang-Siou Biouv (Lomaa 16:5 Yo<sup>han</sup> 4) Naaiv deix buo nyungc eix-leiz se juangc joux waac gorngv yiem janx Gekc waac.

c. Weic ninh qiemx Tin-Hungh...Zunh kuv fienv

Mungv-Gekc-doqc jiex sou  
Lomc-Janx maiv doqc jiex Gekc sou

- C. Fienx nyei domh hoz dauh: **Kuv fienv biux mengh cing-nzengc nyei Tin-Hungh weic mienh sienx kaux Yesu Giduc duqv caux ninh horpc hnyouv (duqv ninh nyei cing-nzengc maengc)** 1:16-17 *Yie zungv maiv nyaiv kuv fienv weic zuqc naaiv kuv fienv se Tin-Hungh nyei domh qaqv haih njoux yietc zungv sienx nyei mienh, njoux Yiutai Mienh ndaangc, nqa'haav cingx taux fingx-fingx Janx. 17 Naaiv kuv fienv biux mengh Tin-Hungh hnavg haaix nor bun mienh caux ninh horpc hnyouv, se yiem gorn oix zuqc sienx yaac sienx taux setv mueiz. Hnavg Ging-Sou fiev jienv gorngv nor, "Haaix dauh sienx kaux Tin-Hungh ziouc caux Tin-Hungh horpc hnyouv, wuov dauh duqv ziangh jienv."*

1. Kuv fiex- se *Tin-Hungh nyei domh qaqv weic mienh sienx kaux Yesu Giduc ziouc duqv njoux.*

Njoux nyei Qaqv: Ging-sou  
 Njoux mienh cuotv: Deic nyouqc  
 Njoux bun mienh bieqc: Tin-dorngh  
 Hnangv haaix nor duqv njoux: Sienx Yesu Giduc  
 Njoux nyei mienh: Yiutai, fingx-fingx Janx

2. Kuv fiex -*biux mengh cing-nzengc nyei Tin-Hungh weic mienh sienx kaux Yesu Giduc ziouc duqv caux Tin-Hungh horpc hnyouv*

Haa^mbaa^guke 2:4 "*Haaix dauh sienx kaux Tin-Hungh ziouc caux Tin-Hungh horpc hnyouv*"

Janx nyei waac gorngv se gorngv haaix dauh duqv caux Tin-Hungh horpc hnyouv fai duqv *Tin-Hungh nyei cing-nzengc maengc oix zuqc maaih sienx fim fai maengc biux mengh sienx* (Tin-Hungh nyei waac, Yesu)

## II. Tin-Hungh bun mienh caux ninh horpc hnyouv weic mienh sienx kaux Yesu Giduc – Tin-Hungh nyei Dorn (1:18-11:36)

A. Tin-Hungh dingc baamh mienh nyei zuiz biux mengh lanh lanh mienh qiemx zuqc Tin-Hungh nyei cing-nzengc maengc, qiemx zuqc sienx ninh – 1:18-3:20

1. Tin-Hungh dingc baamh mienh nyei zuiz weic zuqc baamh mienh nqemh maiv zipv Tin-Hungh 1:18-32

a. Tin-Hungh biux mengh ninh qiex jiez fai nouz – 1:18

*Tin-Hungh yiem wuov tin-dorngh biux mengh ninh nouz haic mienh mangc piex ninh, yaac nouz haic mienh zoux nyei yietc zungv waaic sic. Ninh mbuo zoux nyei waaic sic muangh jienv zien leiz, maiv bun mienh hiuv*

1. Pou-tong nyei laauc yaangh

\*Zeix daaih nyei ga'naaiv

\*Mienh nyei hnyouv

\*Bun lanh-lanh mienh

2. Lengc jeiv nyei laauc yaangh

\*Tin-Hungh nyei waac

\*Douc waac mienh, Yesu

\*Maiv bun lanh lanh mienh

Nouz wuov joux waac se doix-dekc caux Horpc hnyouv wuov joux waac (Singx Nzung 7:11 "*Tin-Hungh se baengh fim nyei siemv zuiz jien, Tin-Hungh yaac hnoi-hnoi dingc orqv mienh nyei zuiz.*")

b. Tin-Hungh biux mengh bun baamh mienh hiuv duqv Ninh, weic maiv bun mienh jaev sin (gorngv ninh mbuo maiv hiuv) – 1:19-20

*Tin-Hungh ziouc dingc ninh mbuo nyei zuiz weic zuqc ninh **mbuo haih hiuv duqv** Tin-Hungh. Se Tin-Hungh ganh biux mengh bun ninh mbuo hiuv. 20 Yiem zeix lunggh zeix ndau daaih wuov zanc Tin-Hungh yietc liuz yiem nyei domh qaqv caux ninh nyei fiem-fingx, maiv gunv m'zing mangc maiv buac mv baac Tin-Hungh bun mienh mengh mengh hiuv duqv nyei. Buac Tin-Hungh zeix daaih nyei ga'naaiv ziouc bun ninh mbuo hiuv duqv Tin-Hungh aqv. Ninh mbuo ziouc maiv maaih dorngx jaiv sin.*

Ninh mbuo hiuv/Yiem hnyouv

Zeix baamh mienh bun hiuv ninh

Zeix daaih nyei ga'naaiv biux mengh Tin-Hungh: Zeix daaih nyei ga'naaiv maaih dauh mienh zeix daaih...Zeix wuov dauh oix zuqc gauh hlo zeix nyei ga'naaiv...

- c. Baamh mienh maiv zipv dongh ninh mbuo hiuv wuov dauh Tin-Hungh weic ninh mbuo nyei hnyouv hngongx, hnyouv hmuangx– 1:21-23

- 1) Hnamv nyei sic – 1:21-22

*Ninh mbuo hiuv duqv Tin-Hungh mv baac maiv taaih ninh zoux Tin-Hungh yaac maiv laengz zingh ninh. Ninh mbuo hnamv nyei jauv ziouc maiv lamh longc aqv. Hnyouv hngongx yaac hmuangx mi'aqv. 22 Ninh mbuo ceng ganh cong-mengh mv baac ninh mbuo hngongx haic*

Ninh mbuo hiuv duqv Tin-Hungh mv baac maiv *dau* horpc...

Singx nzung 14:1 "*Mienh hngongx mienh gorngv maiv maaih Tin-Hungh*"

- 2) Buoqc Zangc nyei sic – 1:23

*Ninh mbuo horpc zuqc zangc maiv haih daic nyei Tin-Hungh. Daaux nzuonx ninh mbuo zangc miuc-fangx, dongh maaih haih daic nyei **mienh nyei fangx zeiv**, caux **norqc**, caux **saeng-kuv** caux gaeng-gueiv nyei fangx zeiv nyei miuc-fangx*

Zangc miuc-fangx (Mose kuinx l<sup>^</sup>saa<sup>^</sup>laa<sup>^</sup>en mienh muangx waac yiem; **Nzamc Leiz-latc 4:16-29** "Nziex meih mbuo haih zoux waaic sic ziouc weic meih mbuo ganh zoux haaix nyungc nyei miuc-fangx, maiv gunv m'jangc fai m'sieqv nyei fangx, 17 fai yiem ndau-beih nyei saeng-kuv, fai yiem ndaamh lunggh nyei norqc, 18 fai nyorng ndau nyei ga'naaiv, fai yiem wuom-ndiev mbiauz nyei miuc-fangx. 19 Oix zuqc mbungh longx. Nziex meih mbuo cau hmien mangc lunggh buac mba'hnoi caux hlaax caux hleix, yietc zungv yiem lunggh nyei ga'naaiv, ziouc zuqc nduov mingh zangc yaac fuh sux. Naaiv deix ga'naaiv, Ziouv, meih mbuo nyei Tin-Hungh, bun nqoi lunggh ndiev maanc fingx.")

- d) Weic baamh mienh maiv zipv Tin-Hungh, Tin-Hungh sueih ninh mbuo ei ganh nyei hnyouv hanc zoux waaic haic nyei sic – 1:24-32

Sueih ninh mbuo ganh nyei hnyouv=Tin-Hungh dingc ninh mbuo nyei zuiz...weic ninh mbuo duqv ndamh dorng ninh mbuo zoux nyei zuiz

- 1) Baamh mienh buoqc zangc dorngc– 1:24-25

*Weic naaiv **Tin-Hungh sueih ninh mbuo ei ganh nyei hnyouv** hanc zoux laih hloqv nyei sic, longc ninh mbuo nyei sin, laanh caux laanh zoux nyaiv haic nyei sic. 25 Ninh mbuo*



*dorh Tin-Hungh nyei zien leiz goiv benx jaav leiz daaih longc. Ninh mbuo buoqc zangc zeix daaih nyei ga'naaiv div zeix maanc muotc wuov dauh Tin-Hungh, dongh mienh yietc liuz oix zuqc ceng wuov dauh. Aa^men.*

Pou-tong nyei laauc yaangh se biux mengh baamh mienh zuqc dingc zuiz, mv baac pou-tong nyei laauc yaangh maiv haih njoux mienh

Se gorngv maiv maaih Tin-Hungh...Maiv zuqc dingc zuiz, se gorngv maaih Tin-Hungh...zuqc dingc zuiz

Baamh mienh oix zuqc ndamh dorng ninh mbuo ganh zoux nyei zuiz:

1. Weic ninh mbuo maiv sienx Tin-Hungh 1:21
2. Ninh mbuo maiv maaih dorngx jaev sin 1:20
3. Maiv zuqc zunh kuv fiex se gorngv ninh mbuo maiv zuqc ndamh dorng ninh mbuo nyei zuiz.

2) Baamh mienh longc sin zoux dorngc– 1:26-27

*Laaix mienh hnavg naaiv nor zoux, Tin-Hungh sueih ninh mbuo ei ganh nyei hnyouv hanc zoux nyaiv haic nyei sic. M'sieqv dorn horpc zuqc longc m'jangc dorn mv baac daaux nzuonx **m'sieqv longc m'sieqv**. 27 M'jangc dorn yaac fih hnavg nyei guangc m'sieqv dorn maiv longc. M'jangc dorn hanc oix longc m'jangc hnavg **doz zieqc jienv hnyouv nor jorm**, laanh caux laanh zoux nyaiv haic nyei sic. Ninh mbuo zoux nyei waaic sic ziouc winh bun ninh mbuo aqv.*

3) Tin-Hungh sueih baamh mienh ei ganh waaic haic nyei hnyouv zoux orqv nyei sic – 1:28-32

*Laaix mienh hnyouv ngaengc maiv oix hiuv Tin-Hungh, Tin-Hungh cingx daaih maiv gunv ninh mbuo. Sueih ninh mbuo gan ninh mbuo ganh waaic haic nyei hnyouv zoux maiv horpc zuqc zoux nyei sic. 29 Ninh mbuo kungx zoux nyungc-nyungc waaic haic, orqv haic nyei sic, mauv ga'naaiv, laanh caux laanh zoux maiv benx nyei javv. Ninh mbuo mueic jieqv, daix mienh, nzaeng jaax, nduov mienh, hnamv oix hoic mienh, gorngv waac-huv, 30 pien buix daanh mienh, nzorng Tin-Hungh, gorngv doqc mienh, zoux maux, ceng-hlo, daav za'eix zoux waaic, maiv muangx diex maac. 31 Ninh mbuo waaic laangh fim, maiv ei laengz nyei waac zoux, maiv hnamv mienh yaac maiv korh lienh mienh. 32 Ninh mbuo hiuv duqv Tin-Hungh nyei leiz gorngv zoux naaiv nyungc sic nyei mienh oix zuqc daic. Mv baac maiv daan ninh mbuo ganh zoux hnavg, mienh zoux, ninh mbuo yaac a'hneiv nyei*

a) Tin-Hungh oix dingc ziex nyungc zuiz:

b) Baamh mienh zoux nyei zuiz 1:29-31

c) Baamh mienh nzorng Tin-Hungh yaac a'hneiv zoux waaic nyei mienh (1:32)

2. Tin-Hungh dingc douh ganh duqv longx fai fiou gong-daqv nyei mienh ei ninh liepc daaih nyei cing-nzengc leiz-2:1-16

a. Tin-Hungh dingc mienh nyei zuiz – 2:1-5

1) Mienh dingc mienh nyei zuiz, dingc zuqc ganh nyei zuiz – 2:1

*Mienh muoz aac, hnavg naaic, maiv gunv meih dongh haaix dauh, meih dingc zoux naaiv nyungc sic nyei mienh nyei zuiz, meih maiv lamh jaiv sin aqv. Meih hnavg haaix nor dingc mienh nyei zuiz, meih ziouc dingc ganh nyei zuiz, weic zuqc meih zoux nyei caux ninh mbuo zoux nyei se fih hnavg nyei.*

Fiou gong-daqv/douh ganh duqv longx/dingc zoux waaic nyei mienh nyei zuiz, mv baac ninh mbuo ganh yaac zoux zuiz fih hnavg nyei

2) Tin-Hungh baengh fim nyei dingc baamh mienh – 2:2-5

a) Tin-Hungh longc zien leiz dingc mienh zoux nyei sic – 2:2

*Mbuo hiuv duqv Tin-Hungh dingc zoux wuov nyungc sic nyei mienh maaih zuiz se horpc nyei.*

b) Tin-Hungh hnyouv ndaav maiv gaengh dingc weic bun ziangh hoc mienh goiv hnyouv ndangc ninh siemv zuiz – 2:3-5

(1) 2:3-4 --

*Mienh muoz aac, meih dingc mienh nyei zuiz mv baac meih yaac hnavg ninh mbuo nor zoux dorngc. Meih hnavg meih haih biaux duqv ndutv, maiv zuqc Tin-Hungh dingc meih nyei zuiz fai? 4 Tin-Hungh nyei en jaaix haic, ninh yaac hnyouv ndaav, maaih noic, mv baac meih mangc piex? Meih maiv hiuv duqv Tin-Hungh nyei en oix dorh meih goiv hnyouv fai?*

(a) Tin-Hungh nzunc baav maiv liemh zeih dingc

(b) Tin-Hungh dingc ziangx zuiz (ninh maiv gaengh dingc weic bun qiangx zuiz-mienh goiv hnyouv)

(2) 2:5 –

*Mv baac meih nyei hnyouv ngaengc, maiv kangv goiv. Zuov taux Tin-Hungh biux mengh ninh nouz mienh nyei zuiz, dongh Tin-Hungh **baengh fim nyei siemv zuiz wuov hnoi**, meih ziouc zuqc dingc gauh hniv*

b. Tin-Hungh dingc mienh zoux nyei gong – 2:6-11

1) Gorngv nyei eix-leiz 2:6

*Weic zuqc Tin-Hungh oix ziux mouz dauh mienh zoux nyei winh bun.*

Mouz dauh mienh zuqc dingc ei ninh mbuo zoux nyei gong, liuz cingx koi ziangh maengc daan (Laauc yaangh 20:12 Yie aengx buac daic mingh nyei mienh, maiv gunv zoux hlo zoux faix, souv jienv hung h weic nza'hmien. Sou ziouc koi nqoi mi'aqv. Aengx ganh maaih njunc sou koi nqoi se ziangh maengc daan. Daic mingh nyei mienh ziouc ziux ninh mbuo zoux nyei sic, ei fiev jienv wuov deix sou, zuqc siemv.)

- 2) Tin-Hungh baengh fim nyei ceix yietc liuz nyei maengc bun taaih ninh, zoux kuv sic nyei mienh. Mv baac douh ganh duqv longx, ngaengc zien leiz, zoux waaic sic wuov deix duqv buangh kouv naanc zingh – 2:7-10

- a) Pou tong nyei dorh daaih longc– 2:7-8

*Maaih deix mienh zanc-zanc longc hnyouv zoux kuv sic, oix Tin-Hungh bun njang-laangc, taaih ninh mbuo, yaac bun maiv haih zitc nyei maengc. Dongh naaiv nyungc mienh Tin-Hungh ceix yietc liuz nyei maengc bun ninh mbuo. 8 Mv baac kungx douh ganh duqv longx, ngaengc zien leiz, zoux waaic sic wuov deix, Tin-Hungh ziouc qiex jiez nouz haic ninh mbuo*

(1) Zoux kuv sic duqv yietc liuz nyei maengc ( 2:7)

(2) Ngaengc zien leiz zoux waaic sic zuqc Tin-Hungh nouz (2:8)

- b) Lengc jeiv nyei dorh daaih longc 2:9-10

*Tin-Hungh oix bun lung h ndiev dauh dauh zoux orqv nyei mienh zuqc buangh kouv nyei naanc zingh. Bun Yiutai Mienh zuqc ndaangc, nqa'haav fingx-fingx Janx. 10 Mv baac dongh zoux longx nyei mienh, Tin-Hungh oix bun njang-laangc, oix taaih, yaac oix bun baengh orn ninh mbuo, bun Yiutai Mienh ndaangc, nqa'haav bun fingx-fingx Janx*

(1) Zoux orqv mienh zuqc buangh kouv nyei naanc zingh (2:9)

(2) Zoux longx nyei mienh duqv baengh orn (2:10)

- 3) Tin-Hungh dingc weic mienh zoux nyei sic, ninh baengh fim nyei maiv mangc faix haaix dauh– 2:11

*weic zuqc Tin-Hungh maiv mangc faix haaix dauh*

- c. Tin-Hungh dingc mienh nyei zuiz, weic ninh mbuo hiuv leiz nyei mv baac maiv ei– 2:12-16

- 1) Njaaux nyei eix-leiz – 2:12

- a) Maiv maaih leiz-latc nyei mienh – 2:12a

*Janx maiv maaih Mose nyei leiz-lalc. Ninh mbuo baamz zuiz ninh mbuo zuqc mietc mv baac maiv zeiz leiz-lalc dingc*

- b) **Maaih leiz-lalc nyei mienh – 2:12b**  
*Yiutai Mienh maaih Mose nyei leiz-lalc. Ninh mbuo baamz zuiz, ziouc ziux leiz-lalc zuqc dingc zuiz*
- 2) **Maiv gunv Yiutai fai Janx, ei jienv leiz-lalc zoux wuov deix duqv caux Tin-Hungh horpc hnyouv maiv ei nyei zuqc dingc zuiz – 2:13-16**

- a) **Maaih leiz-lalc nyei mienh – 2:13**  
*(Maiv zeiz mienh haiz liuz leiz-lalc ziouc haih duqv caux Tin-Hungh horpc hnyouv. Kungx dongh ei jienv leiz-lalc zoux wuov deix hngv duqv caux Tin-Hungh horpc hnyouv)*

Se gorngv maaih haaix dauh ei nzengc leiz-lalc zoux nor ziouc duqv caux Tin-Hungh horpc hnyouv aqv, mv baac maiv maaih haaix dauh!

- b) **Maiv maaih leiz-lalc nyei mienh – 2:14-16**

- (1) **Maiv maaih Mose leiz-lalc mv baac maaih Tin-Hungh nyei leiz fiev jienv hnyouv – 2:14**  
*Janx maiv maaih Mose nyei leiz-lalc. Mv baac se gorngv ninh mbuo ei ganh nyei hnyouv hnamv cuotv daaih zoux horpc leiz-lalc, maiv gunv ninh mbuo maiv maaih leiz-lalc, ninh mbuo ganh se zoux ninh mbuo ganh nyei leiz-lalc*

Janx maiv maaih Mose nyei leiz, mv baac ninh mbuo nyei hnyouv maaih Tin-Hungh nyei leiz fiev jienv, weic ninh mbuo hiuv duqv gorngv daix mienh se dorngc, zoux zaqc se dorngc

- (2) **Ninh mbuo nyei hnyouv bun ninh mbuo hiuv duqv Tin-Hungh nyei leiz fiev jienv hnyouv – 2:15**  
*Ninh mbuo zoux nyei sic bun cing leiz-lalc fiev jienv ninh mbuo nyei hnyouv aqv. Ninh mbuo nyei hnyouv bun ninh mbuo hiuv duqv ninh mbuo zoux horpc fai maiv horpc. Maaih ziangh hoc hnyouv gox ninh mbuo, maaih ziangh hoc bun ninh mbuo hiuv duqv zoux horpc*

Naaiv deix fiou gong daqv nyei mienh fai douh ganh duqv longx nyei hiuv duqv haaix nyungc longc haaix nyungc waaic nyei weic zuqc ninh mbuo dingc zoux waaic nyei mienh nyei zuiz.

- 3) **Taux Tin-Hungh siemv maanh mienh nyei zuiz wuov hnoi ninh ei kuv fiex dingc– 2:16**  
*Ziux yie zunh nyei kuv fiex, taux Tin-Hungh siemv mienh maanh wuov hnoi, ninh oix longc Giduc Yesu hngv naaiv nor siemv mienh yiem hnyouv bingx jienv nyei sic.*

Mangc Laauc yaangh sou 20:11 “Yie aengx buac norm domh weic mbopv baeqc nyei, yaac buac zueiz jienv weic wuov dauh. Lugh caux ndau yiem ninh nyei nza’hmien biaux nzengc mi’aqv. Ziang naaic maiv buac mi’aqv.”

3. Tin-Hungh dingc Yiutai mienh nyei zuiz weic zuqc ninh mbuo zoux dorngc Ninh nyei Leiz-Latc, Yiutai mienh kaux ninh mbuo ganh zoux nyei sic maiv kaux Tin-Hungh – 2:17-3:8

a. Yiutai mienh kungx maaih leiz-latc hngangv maiv gauh weic zuqc ninh mbuo maiv ziepc zuoqc nyei ei jienv zoux– 2:17-24

1) Yiutai mienh nyei gorn-ndoqv se ninh mbuo maaih Mose leiz-latc– 2:17-20

a) Longx nyei sic – 2:17-18

*Meih ganh ni? Meih gorngv meih zoux Yiutai Mienh yaac kaux leiz-latc. Meih bungx waac-maux gorngv ganh gauh hiuv duqv Tin-Hungh, 18 yaac hiuv duqv Tin-Hungh oix meih hngangv haaix nor zoux. Meih yaac gorngv meih hoqc jiex leiz-latc cingx daaih hiuv duqv zoux haaix nyungc gauh horpc jiex*

1. Kaux Leiz-latc
2. Bungx waac-maux gorngv ganh gauh hiuv Tin-Hungh
3. Hiuv duqv Tin-Hungh oix hngangv haaix nor (leiz-latc)
4. Hoqc jiex - hiuv duqv zoux haaix nyungc gauh horpc jiex
5. Duqv mienh njaaux leiz-latc yiem dingh gong hnoi

b) Laaic duqv ganh duqv gauh longx nyei sic – 2:19-20

*Meih hnamv daaih meih haih ken m’zing maengc nyei mienh, yaac zoux njang bun yiem hmuangx nyei mienh buac. 20 Meih hnamv daaih meih haih njaaux hngongx nyei wuov deix yaac zoux fin-saeng njaaux fu’jueiv. Meih maaih Mose nyei leiz-latc. Meih yaac funx yiem leiz-latc maaih nyungc-nyungc wuonh zaang caux zien leiz*

1. Ken m’zingh maengc nyei mienh
2. Zoux njang bun yiem hmuangx nyei mienh buac
3. Njaaux hngongx nyei wuov deix mienh (janx)
4. Fin-saeng njaaux fu’jueiv (Lugaa 11:52)
5. Funx maaih wuonh zaang caux zien leiz

2) Njaaux mienh ganh maiv ei zoux bun mienh ki Ziouv mangc piex Tin-Hungh– 2:21-24

a) Beih zaqc hnyouv njuotv – 2:21-22

*Hngangv naaic meih njaaux mienh, zoux haaix nyungc maiv njaaux meih ganh? Meih zunh mbuox mienh, “Maiv dungx zoux zaqc.” Daaux nzuonx meih ganh zoux zaqc fai? 22 Meih gorngv, “Maiv dungx hienx auv hienx nqox.” Meih ganh hienx nyei? Meih nzorng miuc-fangx mv baac meih nimc miuc-biauv nyei ga’naaiv fai?*

Naaiv deix Yiutai mienh maiv zien-zien ei leiz-latc, ninh mbuo nimc janx fongc horc nyei nyaanh. Ninh mbuo nyei zuiz se dorngc leiz-latc.

b) Zoux bun mienh ki Tin-Hungh – 2:23-24

*Meih bungx waac-maux gorngv meih maaih Tin-Hungh nyei leiz-latc, mv baac meih baamz leiz-latc ki Tin-Hungh nyei? 24 Ging-Sou fiev jienv gorngv, “Laaix meih mbuo Yiutai Mienh, Janx cingx daaih ki Tin-Hungh.”*

(1) Yiutai baamz leiz-latc ki Tin-Hungh (23)

(2) Janx ki gorngv doqc Tin-Hungh (24)

b. Kungx jiex gaatv nyei leiz hngangv maiv gaux weic zuqc beih zangc maiv ndongc hnyouv jienv bun Tin-Hungh – 2:25-29

1) Jiex gaatv maaih laamh longc se gorngv ei jienv leiz zoux – 2:25

*Se gorngv meih ei jienv leiz-latc zoux, meih jiex gaatv nyei leiz ziouc maaih lamh longc nyei. Mv baac meih baamz leiz-latc nor, meih jiex liuz gaatv nyei leiz yaac maiv lamh longc.*

2) Jiex gaatv nyei leiz mv baac maiv ei jienv leiz zoux nor se hngangv maiv jiex gaatv nor – 2:26-27

*Se gorngv Janx maiv gaengh jiex gaatv nyei leiz mv baac ei jienv leiz-latc zoux nor, Tin-Hungh oix funx ninh se hngangv jiex gaatv nyei leiz maiv zeiz? 27 Janx maiv jiex gaatv nyei leiz mv baac **ei jienv leiz-latc zoux**, ziouc dingc meih mbuo Yiutai Mienh nyei zuiz, weic zuqc meih mbuo maaih leiz-latc fiev jienv nyei, yaac jiex leiz gaatv nyei, mv baac meih mbuo corc baamz leiz-latc.*

3) Nzutv zunv gorngv: Zien Yiutai nyei mienh yiem hnyouv gu'nyuoz ei jienv leiz zoux nyei. – 2:28-29

*Zien-zien Yiutai Mienh se maiv zeiz kungx ei beih zangc funx. Zien jiex gaatv nyei leiz yaac maiv zeiz kungx ei sin gaatv hngangv. 29 Zien-zien Yiutai Mienh se dongh yiem hnyouv gu'nyuoz zoux nyei. Ninh nyei hnyouv jiex gaatv nyei leiz. Naaiv se Singx Lingh zoux nyei gong, maiv zeiz leiz-latc zoux. Naaiv nyungc mienh, baamh mienh maiv ceng mv baac Tin-Hungh ceng*

Haaix dauh zoux zien Yiutai mienh: Zien Yiutai mienh se dongh yiem hnyouv zoux nyei fai sienx nyei. Janx se maiv zeiz Yiutai weic baamh mienh mangc ga'nyiec, mv baac Tin-Hungh mangc gu'nyuoz hnyouv ei Ninh nyei mienh.

c. Yiutai mienh bieqc hnyouv dorngc taux ninh mbuo caux Tin-Hungh jiu-tong cingx naaic waac– 3:1-8

1) Maiv buangv hnyouv da'yietv nzunc– 3:1-2

a) Naaic nyei waac – 3:1  
*Wuov nyungc, zoux Yiutai Mienh maaih haaix nyungc gauh longx zoux Janx? Jiex gaatv nyei leiz maaih lamh longc nyei fai?*

b) Dau nyei waac – 3:2  
*Maaih nyei lorqc. Weic haaix nyungc yaac maaih lamh longc nyei. Da'yienv, Tin-Hungh zorqv ninh ganh nyei waac jiu bun Yiutai Mienh*

1. Maaih leiz-latc
2. Maaih Tin-Hungh nyei waac
3. Maaih Tin-Hungh laengz nyei ngaengc waac

2) Maiv buangv hnyouv da'nyeic nzunc – 3:3-4

a) Naaic Nyei Waac – 3:3  
*Se gorngv maaih deix maiv ei Tin-Hungh nyei waac zoux hnangv haaix nor? Wuov nyungc Tin-Hungh ziouc maiv ei ninh laengz nyei waac zoux fai?*  
 Yiutai mienh maiv ei, Tin-Hungh ziouc maiv ei Ninh ganh nyei waac fai?

b) Dau Nyei Waac – 3:4  
*Maiv zeiz! Maiv gunv lungh ndiev mienh dauh dauh gorngv-baeqc mv baac Tin-Hungh kungx haih gorngv zien hnangv. Hnangv Ging-Sou fiev jienv gorngv, "Meih gorngv nyei waac bun cing meih horpc nzengc. Meih zuqc sienv nyei ziangh hoc meih yaac hingh mi'aqv."*

3) Maiv buangv hnyouv da'faam nzunc – 3:5-8

a) Naaic nyei waac 3:5, 7-8a  
*Ih zanc yie oix gorngv naaiv deix waac se hnangv baamh mienh hnamv cuotv daaih gorngv nor. Nziex maaih mienh gorngv, "Se gorngv mbuo zoux nyei waaic sic bun cing Tin-Hungh zoux duqv horpc, wuov nyungc mbuo oix zuqc hnangv haaix nor gorngv? Tin-Hungh nouz mbuo se ninh maiv baengh fim fai?" 7 Nziex maaih mienh haih gorngv, "Se gorngv yie zoux maiv zingx gauh haih bun cing Tin-Hungh zoux duqv zingx, ziouc bun mienh gauh duqv buatc Tin-Hungh nyei njang-laangc. Hnangv naaic, Tin-Hungh weic haaix diuc corc dingc yie zoux zuiz-mienh?" 8 Weic haaix diuc maiv gorngv, "Oix zuqc zoux waaic sic cingx daaih haih cuotv kuv sic?"*

Yiutai mienh pienx Baulo njaaux nyei waac: Weic sienx Yesu ziouc duqv njoux. Ninh mbuo gorngv Tin-Hungh maiv horpc zuqc dingc ninh mbuo nyei zuiz weic zuqc ninh mbuo jaa zoux zuiz, bun cingx mienh buatc Tin-Hungh nyei njang-laangc weic gorngv Tin-Hungh nyei hnyouv ndaaav.

b) Dau nyei waac – 3:6, 8b

**Zungv maiv zeiz!** *Se gorngv Tin-Hungh maiv baengh fim, ninh hnavg haaix nor haih siemv lungh ndiev mienh? Maaih deix gorngv waac-huv mbuox mienh yie mbuo hnavg naaiv nor gorngv. Ninh mbuo zuqc dingc zuiz se horpc haic aqv.*

Se gorngv zoux zuiz bun Tin-Hungh duqv njang-laangc nor, Janx gauh bun weic janx zoux zuiz gauh camv. Zoux zuiz nyei mienh horpc zuqc dingc zuiz weic ninh mbuo pienx Tin-Hungh nyei waac.

4. Tin-Hungh dingc lungh ndiev mienh nyei zuiz weic zuqc mouz lanh mienh yiem zuiz nyei buoz ndiev – 3:9-20
  - a. Dingc nyei zuiz: yietc zungv zuqc zuiz nyei qaqv gunv jienv – 3:9  
*Wuov nyungc, mbuo Yiutai Mienh gauh longx Janx fai? Maiv zeiz. Zungv gorngv jiex nyei, Yiutai Mienh caux Janx yietc zungv zuqc zuiz nyei qaqv gunv jienv nyei.*
  - b. Zorng-zengx yiem Loz-Ngaengc waac gorngv mouz lanh mienh se yiem zuiz nyei buoz ndiev 3:10-18
    - 1) Mouz dauh baamh mienh maaih zuiz – 3:10-12  
*Hnavg Ging-Sou fiev jienv gorngv, “Maiv maaih haaix dauh caux Tin-Hungh horpc hnyouv, yietc dauh yaac maiv maaih 11 Maiv maaih haaix dauh mengh baeqc, yaac maiv maaih haaix dauh oix gan Tin-Hungh. 12 Dauh dauh huin nqaang leih Tin-Hungh. Yietc zungv ziouc waaic nzengc mi’aqv. Maiv maaih haaix dauh zoux longx, yietc dauh yaac maiv maaih.*
    - 2) Baamh mienh nyei zuiz biux yiem ninh mbuo gorngv nyei waac caux zoux nyei sic – 3:13-17
      - a) Gorngv nyei waac – 3:13-14  
*Ninh mbuo **nyei jaang-hoh** hnavg wetv tong nyei janx-daic zouv nor. Ninh mbuo longc mbietc gorngv waac nduov mienh.” “Nzuih meix yaac gorngv waac-doqc hnavg naang-doqc nyei ndie nor.” 14 “Maaih im haic zioux mienh nyei waac buangv nzengc nzuih baengx*

Gorngv nyei waac-biux mengh ninh mbuo se zoux zuiz-mienh  
Wetv tong nyei janx-daic zouv-dorh sin aan jienv wuov bun huv liuz mingh  
siou mbungv daaih dapv ndongh
    - b) Zoux nyei sic– 3:15-17  
*“Ninh mbuo hungh hec zoux doqc daix mienh siepv, 16 mingh taux haaix yaac kungx zoux waaic bun mienh kouh hnavg. 17 Baengh orn nyei jauv ninh mbuo maiv hiuv.”*
  - 3) Zuiz nyei gorn: Weic baamh mienh maiv gamh nziex Tin-Hungh – 3:18  
*“Ninh mbuo yaac **maiv hiuv duqv gamh nziex Tin-Hungh.**”*
- c. Dorh Ging-sou daaih longc: Mouz lanh mienh zuqc Tin-Hungh siemv. Tin-Hungh nyei leiz-latc maiv haih bun mienh caux Ninh duqv horpc hnyouv mv baac leiz-latc bun mienh zieqv duqv ganh se zuiz mienh. - 3:19-20



*Mbuo hiuv duqv leiz-latc fiev daaih gorngv nyei yietc zungv se gorngv bun yiem leiz-latc ga'ndiev nyei mienh. Hnangv naaiv bun mouz dauh mienh maiv maaih waac gorngv, yaac bun lungh ndiev mienh zuqc Tin-Hungh siemv zuiz. 20 Weic zuqc ei Tin-Hungh mangc, maiv maaih haaix dauh weic ei jienv leiz-latc zoux haih duqv caux Tin-Hungh horpc hnyouv. Leiz-latc kungx bun mienh hiuv duqv ganh maaih zuiz hnangv.*

- 1) Ei Tin-Hungh mangc, maiv maaih yietc dauh baamh mienh zoux horpc
- 2) Maiv zeiz gorngv nyungc-nyungc waac sic mienh ziouc zoux nzengc aqv, maiv zeiz gorngv mienh maiv zoux yietc nyungc longx nyei ei baamh mienh buatc nor. Maiv zeiz gorngv mienh maiv hiuv duqv Tin-Hungh oix nyei.
- 3) Maaih eix-leiz gorngv mouz dauh mienh benx zuiz-mienh cingx zoux zuiz, mienh ganh maiv haih zoux haaix nyungc njoux ganh. Baamh mienh maiv maaih cing-nzengc yiem maengc.

B. Tin-Hungh nyei **NJOUX EN**, njoux baamh mienh, ninh bun ninh nyei cing-nzengc maengc mienh caux ninh horpc hnyouv– 3:21—8:39

1. **Caux Tin-Hungh horpc hnyouv** se weic mbuo sienx Yesu Giduc duqv zipv Tin-Hungh nyei cing-nzengc maengc– 3:21-5:21

a. Porv mengh hnangv haaix nor caux Tin-Hungh haih duqv horpc hnyouv: Haaix dauh sienx kaux Yesu Giduc zoux nyei gong duqv caux Tin-Hungh horpc hnyouv (Tin-Hungh funx, bun ninh nyei cing-nzengc maengc sienx ninh nyei mienh)– 3:21-31

1) Tin-Hungh biux mengh bun baamh mienh gorngv mbuo haih *caux ninh horpc hnyouv weic sienx Yesu Giduc– 3:21-23*  
*Ih zanc Tin-Hungh bun mienh hiuv duqv hnangv haaix nor haih duqv caux ninh horpc hnyouv daaih. Se maiv zeiz kaux leiz-latc. Mv baac leiz-latc caux jienv Tin-Hungh nyei Douc Waac Mienh nyei Sou zoux zornz-zengx gorngv naaiv maiv kaux leiz-latc nyei za'eix. 22 Weic zuqc mienh sienx kaux Yesu Giduc, Tin-Hungh cingx bun dauh dauh sienx ninh wuov deix duqv caux ninh horpc hnyouv. Yaac maiv maaih haaix dauh ganh nyungc, 23 weic zuqc mouz dauh mienh zungv baamz zuiz, leih duqv Tin-Hungh nyei njang-laangc go*

a) Maiv zeix kaux leiz-latc duqv caux Tin-Hungh horpc hnyouv (21)

b) Leiz-latc caux douc waac mienh zoux zornz-zengx (21b) I<sup>saa</sup>^yaa 53 caux Tin deic douh 15:6 biux mengh gorngv: duqv caux Tin-Hungh horpc hnyouv se weic sienx Ninh.

c) Hnangv haaix nor duqv njoux? Weic mienh sienx kaux Yesu Giduc duqv caux Tin-Hungh horpc hnyouv (22) Ih jaax hnoi caux zinh ndangc fih hnangv nyei.

d) Maiv maaih haaix dauh ganh nyungc, weic mouz dauh mienh baamz zuiz, zuqc sienx Yesu cingx duqv caux ninh horpc hnyouv. (22b-23)

2) Tin-Hungh ceix en bun baamh mienh, bun Yesu Giduc benx ziec nyei ga'naaiv zuoqc mienh nzuonx – 3:24-26

a) Mouz deic: Bun zuiz-mienh haih caux Tin-Hungh horpc hnyouv– 3:24-25a

*Mv baac Tin-Hungh baeqc baeqc ceix en, longc Giduc Yesu zuoqc mienh nzuonx ziouc bun mienh caux ninh horpc hnyouv daaih. 25 Tin-Hungh jiu Yesu zoux ziec nyei ga'naaiv weic bun mienh sienx kaux Yesu nyei nziaamv ziouc duqv Tin-Hungh guangc zuiz. Tin-Hungh hnangv naaiv nor zoux biux mengh ninh se baengh fim nyei*

(1) Paaiv nyei: Duqv caux Tin-Hungh horpc hnyouv

(2) Weic haaix nyungc: Tin-Hungh nyei en

(3) Hnangv haaix nor haih: Ninh zuoqc 3:24b-25b

(4) Longc haaix nyungc zuoqc: Yesu Giduc (24b)

(5) Ziec nyei ga'naaiv: Yesu nyei nziaamv, Yesu daic (25b)

(6) Mouz deic: zuoqc mienh nzuonx/bun Tin-Hungh horpc hnyouv/ziec

7) Baamh mienh hnangv haaix nor duqv njoux: Sienx (25c)

b) Eix-leiz se: Biux mengh cing-nzengc nyei Tin-Hungh – 3:25b-26

(1) Jiex daaih nyei ziangh hoc – 3:25

*Tin-Hungh hnangv naaiv nor zoux biux mengh ninh se baengh fim nyei. Zinh ndaangc Tin-Hungh zoux hnyouv ndaav, maiv gaengh zorqv mienh nyei zuiz*

Domh sai mienh longc nziaamv ziec

(2) Ih zanc nyei ziangh hoc– 3:26

*Mv baac ih zanc Tin-Hungh bun cing ninh baengh fim nyei, weic zuqc mienh baamz zuiz mv baac haaix dauh sienx kaux Yesu Giduc, Tin-Hungh bun wuov dauh caux ninh horpc hnyouv*

Paaiv sic dorngx: Weic mienh sienx duqv caux Tin-Hungh horpc hnyouv, weic Yesu div mbuo nyei zuiz, mbuo maiv zuqc dingc zuiz, ninh zuoqc mbuo nzuonx daaih

3) Baamh mienh Yiutai fai Janx duqv caux Tin-hungh horpc hnyouv se weic sienx kaux Yesu Giduc weic naaiv mienh maiv haih gorngv maux– 3:27-31

*Hnangv naaic, mbuo dorh haaix nyungc daaih bungx waac-maux? Maiv maaih haaix nyungc. Weic haaix diuc maiv maaih? Weic zuqc mbuo ei jienv leiz-lalc zoux fai? Maiv zeiz. Se weic zuqc mbuo sienx hnangv. 28 Mbuo hiuv duqv Tin-Hungh bun mienh caux ninh horpc hnyouv se weic mbuo sienx kaux Yesu, maiv zeiz weic ei leiz-lalc zoux. 29 Tin-Hungh kungx zoux Yiutai Mienh nyei Tin-Hungh hnangv fai? Ninh maiv zoux Janx nyei Tin-Hungh? Zoux nyei lorqc. Ninh yaac zoux Janx nyei Tin-Hungh. 30 Kungx maaih nduqc dauh Tin-Hungh hnangv. Ninh oix bun liemh Yiutai Mienh, liemh Janx caux ninh horpc hnyouv. Yietc zungv duqv caux ninh horpc se weic ninh mbuo sienx kaux Yesu. 31 Wuov nyungc, mbuo sienx Yesu ziouc bun leiz-lalc ndortv fai? Maiv zeiz. Daaux nzuonx mbuo zoux bun leiz-lalc gauh wuonv.*

- a) Duqv njoux weic Sienx Yesu, maiv haih bungx waac-maux (3:27-28)
- b) Duqv njoux weic sienx Yesu, Yiutai fai Janx fih hnangv nyei (3:29-30)
- c) Sienx fim zoux bun leiz-lalc wuonv (3:31)
  - 1. Dorh maengc ei jienv leiz zoux
  - 2. Ei jienv leiz zoux hnangv laengz nyei ngaengc waac
  - 3. Bun leiz yiem leiz nyei dorngx: biux mengh zuiz

- b. Nyungc zeiv: Apc^laa^ham hnangv haaix nor caux Tin-Hungh horpc hnyouv biux mengh gorngv weic sienx Tin-Hungh mbuo duqv caux ninh horpc hnyouv– 4:1-25

Jiex gorn nyei jauv:

- 1. Weic haaix nyungc maaih naaiv zang ging-sou?
  - a. Biux mengh 3:27a, Maiv maaih haaix dauh haih bungx waac-maux, Apc^laa^ham yaac maiv haih
  - b. Porv mengh Tin-deic douh 15:6 "Apc^laam za'gengh sienx Ziouv nyei waac. Ziouv ziouc a'hneiv ninh, funx ninh zoux duqv horpc Ziouv nyei hnyouv."
  - c. Biux mengh, mienh duqv caux Tin-Hungh horpc hnyouv se weic sienx Tin-Hungh. Maiv gunv yiem Loz-Ngaengc Waac nyei ziangh hoc
  - d. Biux mengh gorngv duqv caux Tin-Hungh horpc hnyouv se maiv zeiz gorngv baamh mienh zic duqv nyei
- 2. Weic haaix nyungc longc Apc^laa^ham zoux nyungc zeiv?
  - a. Apc^laa^haa se zoux Yiutai mienh nyei ong-taax (fingx nyei gorn)
  - b. Biux mengh gorngv Sienx Tin-Hungh duqv caux ninh horpc hnyouv se Yiutai mienh nyei gorn ndoqv (maiv zeiz siang-leiz)

c. Bun doqc nyei mienh mengh baeqc gorngv sienx fim se hnavg haaix nor, sienx fim nyei nyungc zeiv, sienx fim nyei mienh hnavg haaix nor zoux

1) Apc^laa^ham duqv caux Tin-Hungh horpc hnyouv maiv zeiz weic ninh zoux nyei gong mv baac weic ninh sienx Tin-Hungh – 4:1-3

a) Naaic nyei gorn ndoqv 4:1

*Wuov nyungc, mbuo oix zuqc hnavg haaix nor gorngv? Ei mbuo Yiutai Mienh nyei douh zong, zoux ong-taax-ngaeqv wuov dauh Apc^laa^ham hnavg haaix nor duqv caux Tin-Hungh horpc hnyouv?*

b) Se gorngv dau 4:2

*Se gorngv Apc^laa^ham weic ninh zoux nyei sic duqv caux Tin-Hungh horpc hnyouv, ninh ziouc haih bungx waac-maux. Mv baac yiem Tin-Hungh nyei nza'hmien Apc^laa^ham maiv haih bungx waac-maux.*

c) Ging-sou porv mengh 4:3

*Ging-Sou gorngv, “Apc^laa^ham sienx Tin-Hungh. Weic zuqc ninh sienx, Tin-Hungh ziouc funx Apc^laa^ham caux ninh horpc hnyouv mi'aqv.”*

2) Zaah mangc Tin Deic Douh 15:6 biux mengh Apc^laa^ham duqv caux Tin-Hungh horpc hnyouv weic ninh sienx Tin-Hungh– 4:4-15

a) Maiv zeiz nyei: Apc^laa^ham maiv zeiz duqv caux Tin-Hungh horpc hnyouv weic ninh zoux nyei kuv sic, gong, jiex gaatv nyei leiz, fai ei leiz-latc– 4:4-15

(1) Maiv zeiz weic zoux kuv sic 4:4-8

(a) Zorng-zengx: hnamv mangc 4:4-5

*Mienh zoux gong duqv gong-zinh. Ninh nyei gong-zinh maiv funx zoux zingh nyeic, se ninh ganh bietv daaih nyei hnavg. 5 Haaix dauh maiv kaux ganh zoux nyei sic, mv baac ninh sienx kaux Tin-Hungh, dongh bun zuiz-mienh caux ninh horpc hnyouv wuov dauh, weic ninh sienx, Tin-Hungh ziouc funx wuov dauh caux ninh horpc hnyouv mi'aqv.*

Maaih dauh mienh qiemx meih, dorh daaih jauv, se maiv zeiz zingh nyeic:

1. Maiv zeiz kaux ganh zoux nyei sic
2. Zuiz-mienh (weic ganh ginv) l^saa^yaa 53:6
3. Sienx Tin-Hungh (Zieqv duqv ganh zoux zuiz mienh, nyiemc ganh nyei zuiz: Tin-Hungh gorngv nyei zuqc se zuqc, Zipv Yesu zoux Ziouv)

(b) Zorng-zengx: nyungc zeiv 4:6-8

*Ndaawitv yaac fih hnavg nyei gorngv, maiv kaux ganh zoux nyei sic mv baac sienx kaux Tin-Hungh ziouc duqv caux Tin-Hungh horpc hnyouv, wuov nyungc mienh maaih njien-youh aqv. 7 Ndaawitv gorngv, "Haaix dauh zoux dorngc mv baac duqv Tin-Hungh guangc nqoi, ninh baamz zuiz mv baac Tin-Hungh guangc ninh nyei zuiz, wuov dauh ziouc maaih njien-youh. 8 Haaix dauh maiv zuqc Ziouv funx ninh nyei zuiz, wuov dauh ziouc maaih njien-youh aqv."*

*Tin-deic douh 15  
Caux Tin-Hungh horpc  
Weic Sienx Tin-Hungh*

*Tin-deic douh 17  
Jiex gaatv nyei leiz  
Jangx-hoc*

*Tin-deic douh 22  
l^sac  
Zorng-zengx*

*Yaa^gorpc 2:17,21  
Zoux ei  
Zorng-zengx*

(2) Maiv zeiz jiex gaatv nyei leiz 4:9-12

(a) Weic zuqc ziangh hoc 4:9-10

*Naaiv nyungc njien-youh, kungx jiex gaatv nyei leiz wuov deix mienh haih maaih hnavg fai? Maiv zeiz. Maiv jiex gaatv nyei mienh mv baac haih maaih nyei. Yie mbuo zungv gorngv jiex nyei. Apc^laa^ham sienx Tin-Hungh, Tin-Hungh ziouc funx Apc^laa^ham caux ninh horpc hnyouv mi'aqv. 10 Tin-Hungh ziangh haaix funx Apc^laa^ham caux ninh horpc hnyouv? Wuov zanc Apc^laa^ham jiex gaatv nyei leiz mi'aqv fai maiv gaengh jiex? Wuov zanc ninh corc maiv gaengh jiex.*

(b) Weic zuqc jiex gaatv nyei eix-leiz 4:11a

*Ninh nqa'haav cingx daaih jiex. Naaiv jiex gaatv nyei leiz zoux jangx-hoc hnavg nqaapv jienv yienx, bun cing Apc^laa^ham sienx Tin-Hungh, Tin-Hungh ziouc funx caux ninh horpc hnyouv*

(c) Weic Tin-Hungh dingc nyei mouz deic 4:11b-12

*Hnavg naaic, Apc^laa^ham ziouc zoux yietc zungv sienx Tin-Hungh nyei mienh nyei ong-taax-ngaeqv, maiv gunv ninh mbuo maiv gaengh jiex gaatv nyei leiz. Mv baac mienh sienx Tin-Hungh, Tin-Hungh ziouc funx ninh mbuo caux ninh horpc hnyouv aqv 12 Apc^laa^ham yaac zoux jiex gaatv nyei leiz wuov deix mienh nyei ong-taax-ngaeqv. Maiv zeiz laaix ninh mbuo jiex gaatv nyei leiz, se weic ninh mbuo sienx Tin-Hungh hnavg Apc^laa^ham maiv gaengh jiex gaatv nyei leiz sienx Tin-Hungh wuov nor*

i) Zoux ong-taax-ngaeqv bun maiv jiex gatv nyei sienx Tin-Hungh wuov deix.

ii) Zoux ong-taax-ngaeqv bun jiex gatv nyei sienx Tin-Hungh nyei mienh (Sienx nyei Yiutai mienh)

Caux Apc^laa^ham maaih cien:

1. Kungx benx ninh nziaamv-fei (Yiutai mienh)
2. Yiutai mienh caux Sienx Yesu
3. Kungx sienx Yesu hnavg (Janx)

## (3) Maiv zeiz weic ei Mose nyei leiz - 4:13-15

## (a) Ging-sou gorngv 4:13

*Tin-Hungh laengz waac bun Apc^laa^ham caux ninh nyei zeiv-fun. Ninh gorngv baamh gen oix benx ninh mbuo nyei buonc. Tin-Hungh hnangv naaiv nor laengz maiv zeiz weic Apc^laa^ham ei leiz-late zoux. Se weic Apc^laa^ham sienx Tin-Hungh, Tin-Hungh ziouc funx Apc^laa^ham caux ninh horpc hnyouv*

## (b) Weic haaix nyungc 4:14-15

*Se gorngv Tin-Hungh laengz naaiv deix waac bun ei leiz-late zoux nyei mienh, mienh sienx Tin-Hungh ziouc maiv maaih eix leiz. Tin-Hungh laengz nyei waac yaac maiv lamh longc. 15 Mienh maiv ei jienv leiz-late zoux, Tin-Hungh ziouc nouz haic mienh. Mv baac haaix norm dorgnx maiv maaih leiz-late, yiem wuov maiv haih baamz leiz-late.*

b) Zeiz nyei: Maiv gunv hnangv haaix nor, Apc^laa^ham sienx Tin-Hungh ziouc duqv caux Tin-Hungh horpc hnyouv. Kungx Tin-Hungh ganh hnangv haih hnangv naaiv cuotv - 4:16-22

## (1) Ging-sou nyei eix-leiz: Sienx 4:16a

*Apc^laa^ham nyei zeiv-fun oix zuqc sienx kaux Tin-Hungh cingx duqv zipv ei Tin-Hungh laengz nyei waac. Ninh mbuo duqv zipv se weic Tin-Hungh nyei en hnangv*

Ei Leiz-late maiv haih njoux haaix dauh...

## (2) Nyungc Zeiv: Apc^laa^ham nyei sienx fim 4:16b-22

## (a) Sienx haaix dauh 4:16b-17

*Ei Tin-Hungh laengz nyei waac ninh beu Apc^laa^ham nyei yietc zungv zeiv-fun duqv zipv. Maiv zeiz kungx ei leiz-late zoux wuov deix duqv zipv hnangv. Ninh yaac laengz bun yietc zungv sienx hnangv Apc^laa^ham sienx wuov deix duqv zipv, weic zuqc Apc^laa^ham zoux mbuo yietc zuangx nyei ong-taax-ngaeqv. 17 Hnangv Ging-Sou fiev jienv gorngv, "Yie bun meih zoux camv-fingx mienh nyei ong-taax-ngaeqv." Ei Tin-Hungh mangc, Apc^laa^ham zoux mbuo nyei die. Apc^laa^ham sienx wuov dauh Tin-Hungh se dongh bun daic mingh nyei mienh nangh daaih yaac dongh heuc maiv gaengh maaih nyei ga'naaiv maaih daaih ziouc za'gengh maaih daaih wuov dauh Tin-Hungh*

1. Apc^laa^ham sienx wuov dauh Tin-Hungh se dongh bun daic mingh nyei mienh nangh daaih (Ninh caux Saalaa maaih l^sac)
2. Heuc maiv gaengh maaih nyei ga'naaiv cuotv/benx daaih, ziouc za'gengh maaih. Ninh sienx Tin-Hungh dongh ninh zungv maiv gaengh maaih yietc dauh fu'jueiv mv baac Tin-Hungh gorngv

mbuox ninh “yie bun meih zoux camv-fingx mienh nyei ong-taax-ngaeqv.”

(b) Torngv sienx fim 4:18-21

i) Aqc nyei 4:18-19

*Maiv gunv Apc^laa^ham ganh buac maiv lamh hnamv aqv, ninh sienx Tin-Hungh ziouc maaih lamh hnamv nyei,cingx duqv zoux ziex fingx mienh nyei ong-taax-ngaeqv. Hnangv Ging-Sou gorngv, “Meih ziouc maaih zeiv-fun camv haic.” 19 Wuov zanc Apc^laa^ham aav lamh ndapv bieqc yietc baeqv hnyangx. Ninh hiuv duqv ninh ganh nyei sin dorgx hnangv daic mi'aqv nor. Saalaa saeng-yungz nyei ziangh hoc yaac jiex mi'aqv. Mv baac Apc^laa^ham corc sienx wuonv Tin-Hungh, yaac maiv tuix bouc.*

1. Maaih laamh hnamv=bungx hnyouv Tin-Hungh taux nqa'haav hingv nyei sic
2. Apc^laa^ham sienx maiv gunv gorngv ei baamh mienh bieqc hnyouv nor gengh haih cuotv maiv duqv aqv.

ii) Sienx dingc 4:20-21

*Ninh sienx Tin-Hungh oix ei jienv wuov deix laengz nyei waac zoux, ninh nyei hnyouv yaac maiv hlungh hluotv, corc jaa sienx gauh wuonv yaac ceng Tin-Hungh. 21 Apc^laa^ham sienx dingc Tin-Hungh oix ei wuov deix laengz nyei waac zoux.*

---- Sienx wuonv Tin-Hungh

(c) Sienx Liuz duqv nyei 4:22

*Weic zuqc Apc^laa^ham hnangv naaiv nor sienx Tin-Hungh, Tin-Hungh ziouc funx Apc^laa^ham caux ninh horpc hnyouv mi'aqv.*

- c) Apc^laa^ham nyei nyungc zeiv bun taux ih jaax sienx Tin-Hungh nyei mienh gorngv, mienh duqv caux Tin-Hungh horpc hnyouv (maiv zuqc dingc zuiz) weic **sienx** Tin-Hungh-4:23-25
- “Funx ninh caux Tin-Hungh horpc hnyouv mi'aqv”, naaiv joux waac maiv daan weic Apc^laa^ham fiev hnangv. 24 Yaac weic mbuo fiev weic zuqc mbuo sienx Tin-Hungh, dongh bun mbuo nyei Ziouv Yesu nangh daaih wuov dauh. Hnangv naaic, Tin-Hungh ziouc funx mbuo caux ninh horpc hnyouv mi'aqv. 25 Yesu zuqc jiu bun mienh daix se laaix mbuo nyei zuiz. Zuqc daix daic mv baac Tin-Hungh aengx bun ninh nangh daaih weic bun mbuo duqv caux Tin-Hungh horpc hnyouv.*

- c. Maaih lamh hnamv weic duqv caux Tin-Hungh horpc hnyouv duqv Tin-Hungh njoux – 5:1-11

- (1) Siensex Giduc mienh maaih baengh orn caux maaih lamh hnamv weic duqv caux Tin-Hungh horpc hnyouv– 5:1-2

- a) Baengh orn 5:1-2a

*Mbuo siensex kaux Tin-Hungh ziouc duqv caux Tin-Hungh horpc hnyouv. Hnangv naaic mbuo nyei Ziouv Yesu Giduc bun mbuo duqv caux Tin-Hungh maaih baengh orn. 2 Weic zuqc mbuo siensex kaux Giduc ninh ziouc bun mbuo hiuv Tin-Hungh nyei en, dongh mbuo ih zanc duqv nyei en*

Baengh orn=maiv zeiz hnyouv maiv maaih sic mv baac duqv caux Tin-Hungh horpc caux maaih jiu-tong benx doic wuov nyungc baengh orn

- b) Maaih lamh hnamv 5:2b

*Mbuo a'hneiv haic weic zuqc hiuv dingc mbuo oix duqv buonc Tin-Hungh nyei njang-laangc*

Ko<sup>^</sup>lo<sup>^</sup>si 1:26-27 "...Giduc yiem meih mbuo gu'nyuoz, se bun meih mbuo maaih lamh hnamv oix duqv buonc Tin-Hungh nyei njang-laangc."

- 2) Siensex Giduc mienh buangh zuqc naanc zingh mv baac maiv suei corc maaih laamh hnamv yiem Tin-Hungh– 5:3-5

- a) Naanc zingh bun maaih lamh hnamv nyei mienh maaih noic diev duqv 5:3-4

*Maiv daan naaiv hnangv, maiv gunv mbuo maaih naanc zingh, mbuo orn-lorqc haic weic zuqc mbuo hiuv duqv naanc zingh bun mbuo maaih noic diev duqv. 4 Mbuo maaih noic diev, Tin-Hungh ziouc buaic horpc hnyouv, mbuo cingx daaih maaih lamh hnamv.*

Naanc zingh-----se gorngv maaih noic diev-----zoux horpc Tin-Hungh-----Maaih lamh hnamv

- b) Maaih lamh hnamv maiv haih piatv weic Tin-Hungh ceix Singx Lingh bun mbuo 5:5

*Hnangv naaic maaih lamh hnamv maiv haih bun mbuo piatv weic zuqc Tin-Hungh ceix Singx Lingh bun mbuo yaac longc **Singx Lingh bun mbuo hiuv duqv Tin-Hungh ndongc haaix hnamv mbuo***

- 3) Siensex Giduc mienh maaih lamh hnamv weic Tin-Hungh nyei hnamv caux Yesu Giduc zoux nyei weic zuiz mienh caux siensex Giduc nyei mienh – 5:6-11

- a) Zuiz Mienh 5:6-8

*Dongh mbuo maiv maaih qaqv tengx duqv mbuo ganh wuov zanc, Giduc ei Tin-Hungh dingc daaih nyei ziangh hoc weic zuiz-mienh daic. 7 Weic gan leiz-late muonc nyei mienh daic se aqc nyei. Weic kuv mienh daic nziex haih maaih dauh*



*baav gaamv daic mv bei. 8 Mv baac Tin-Hungh bun cing ninh ndongc haaix hnamv mbuo. Dongh mbuo corc zoux zuiz-mienh nyei ziangh hoc Giduc weic mbuo daic*

Yesu Giduc daic biux mengh ninh hnamv zuiz mienh

b) Siensex Giduc nyei mienh 5:9-10

(1) Weic mbuo maiv zuqc dingc zuiz 5:9

*Ih zanc mbuo kaux Giduc nyei nziaamv ziouc duqv caux Tin-Hungh horpc hnyouv. Hnangv naaic, Giduc yietc zei oix njoux mbuo, maiv bun Tin-Hungh nouz.*

Yesu nyei maengc biux mengh ninh hnamv siensex ninh nyei mienh

(2) Weic mbuo duqv caux Tin-Hungh horpc 5:10

*Mbuo corc zoux Tin-Hungh nyei win-wangv wuov zanc, Tin-Hungh nyei Dorn daic mingh bun mbuo caux Tin-Hungh horpc hnyouv. Ih zanc mbuo caux Tin-Hungh horpc hnyouv, ninh nyei dorn nangh daaih ziangh jienv ziouc yietc zei oix njoux mbuo*

c) Ceng Nyei 5:11

*Maiv daan mbuoqc naaiv. Mbuo a'hneiv weic zuqc Tin-Hungh longc mbuo nyei Ziouv Yesu Giduc bun mbuo caux ninh horpc hnyouv.*

Siensex Giduc mienh haih ceng Tin-Hungh weic Yesu Giduc zoux nyei gong: bun mbuo caux ninh horpc hnyouv

d. Beiv mangc taux hnangv haaix nor caux Tin-Hungh horpc hnyouv caux zuqc dingc zuiz biux mengh yietc dauh mienh zoux nyei tengx fai hoic yietc zungv-5:12-21

1) Weic Aa^ndam zoux zuiz, zuiz bieqc baamh gen, bun mienh zuqc daic-5:12

*Laaix nduqc dauh mienh baamz zuiz, zuiz bieqc baamh gen. Zuiz yaac zoux bun mienh zuqc daic. Weic naaiv zuqc daic nyei qaqv linh jienv mingh bun maanc mienh zuqc daic weic zuqc dauh dauh mienh baamz zuiz*

Aa^ndam zoux zuiz  
Zuiz bieqc baamh gen

Dauh dauh mienh baamz zuiz

Yesu Giduc cing-nzengc  
maengc bun dauh dauh siensex nyei

Dauh dauh mienh baamz zuiz 5:12:

1. Weic Aa^ndam zoux zuiz, zuiz bieqc baamh gen, weic Aa^ndam zoux baamh mienh nyei gorn ninh zoux nyei hoic zuqc dauh dauh mienh.
2. Aa^ndam div baamh mienh nyei gorn, ginv zoux zuiz, ninh ginv nyei div baamh mienh

3. Naaiv zang ging-sou beiv mangc Aa^ndam zoux nyei caux Yesu Giduc zoux nyei: Aa^ndam zoux zuiz hoic yietc zungv, Yesu Giduc zoux horpc bun ninh nyei cing-nzengc maengc yietc zungv
4. Ging-sou gorngv weic Aa^ndam nyei zuiz, maiv zeiz weic Haawaa nyei zuiz, biux mengh gorngv Aa^ndam zoux gorn div baamh mienh

2) Yesu Giduc zoux nyei gong caux en gauh hlo jiex Aa^ndam zoux nyei zuiz – 5:13-17 (porv mengh)

a) Weic Aa^ndam zoux nyei zuiz, zuiz yiem baamh gen ndangc maaih leiz-latc nyei ziangh hoc– 5:13-14

*Tin-Hungh maiv gaengh bun leiz-latc mienh wuov zanc, zuiz yiem baamh gen ndaangc aqv. Mv baac yiem haaix maiv maaih leiz-latc, yiem wuov maiv funx maaih zuiz. 14 Hnangv haaix yaac baac, yiem Aa^ndam nyei lungh ndiev taux Mose nyei lungh ndiev, zuqc daic nyei qaqv gunv jienv maanc mienh. Liemh maiv baamz zuiz hnangv Aa^ndam baamz nyei zuiz wuov deix yaac zuqc daic nyei qaqv gunv jienv. Aa^ndam zoux nqa'haav oix daaih wuov dauh nyei nyungc zeiv mv baac ninh mbuo i dauh maiv fih hnangv*

Porv mengh Aa^ndam zoux nyei zuiz, maiv gaengh maaih leiz-latc mienh daic biux mengh mienh zuqc dingc zuiz weic Aa^ndam nyei zuiz

b) Zoix hlo nyei en gauh hlo zuiz nyei qaqv caux limc– 5:15-17

(1) I nyungc cuotv daaih 5:15

*weic zuqc Tin-Hungh baeqc baeqc bun nyei zingh nyeic caux Aa^ndam baamz nyei zuiz maiv fih hnangv. Laaix yietc dauh mienh baamz zuiz, mienh camv nyei zuqc daic. Mv baac Tin-Hungh nyei en caux ninh baeqc baeqc bun nyei zingh nyeic gauh hlo jiex, dongh ninh longc yietc dauh mienh, Yesu Giduc nyei en bun mienh camv duqv nyei zingh nyeic*

Aa^ndam---baamz zuiz-----mienh zuqc daic  
Yesu Giduc---Hlo jiex nyei en----duqv zingh nyeic

2) I nyungc duqv nyei 5:16

*Tin-Hungh ceix bun nyei zingh nyeic caux yietc dauh mienh baamz nyei zuiz maiv fih hnangv. Yietc dauh mienh baamz yietc nzunc zuiz ziouc zuqc dingc jienv zuiz aqv. Mienh camv baamz zuiz mv baac weic Tin-Hungh ceix bun nyei zingh nyeic ninh mbuo duqv caux Tin-Hungh horpc hnyouv.*

Aa^ndam baamz zuiz-----zuqc dingc zuiz---Mienh baamz zuiz  
Yesu Giduc---ceix zingh nyeic---caux Tin-Hungh horpc hnyouv

(3) I norm dorngx mingh 5:17

*Laaix yietc dauh mienh baamz nyei zuiz, zuqc daic nyei qaqv ziouc gunv jienv maanc mienh. Mv baac Yesu Giduc, nduqc dauh mienh, zoux nyei sic hlo duqv ndongc haaix camv. Weic zuqc dauh dauh mienh duqv zipv Tin-Hungh nyei hungh en ziouc duqv caux Tin-Hungh horpc hnyouv. Yesu Giduc zungv bun ninh mbuo ziangh seix maaih qaqv gunv duqv nyungc-nyungc*

Aa^ndam----baamz zuiz----zuqc daic  
 Yesu Giduc----en+cing-nzengc maengc---maengc

- 3) Yietc dauh div yietc zuangx: Laaix Aa^ndam zoux zuiz zuangx mienh zuqc dingc zuiz. Laaix nduqc dauh Yesu Giduc zoux kuv sic zuangx mienh ziouc duqv bungx nqoi – 5:18-19

*Hnangv naaiv, laaix nduqc dauh mienh baamz nzunc zuiz, zuangx mienh zuqc dingc zuiz. Fih hnangv nyei, nduqc dauh mienh zoux nzunc kuv sic ziouc bun mienh benx bungx nqoi nyei mienh, duqv ziangh jienv. 19 Nduqc dauh mienh maiv muangx Tin-Hungh nyei waac, zuangx mienh ziouc benx zuiz-mienh nzengc. Fih hnangv nyei, nduqc dauh mienh muangx Tin-Hungh nyei waac, zuangx mienh ziouc duqv caux Tin-Hungh horpc hnyouv.*

Dauh dauh mienh haih duqv caux Tin-Hungh horpc hnyouv, mv baac kungx sienx ninh wuov deix duqv caux ninh horpc hnyouv hnangv.

- 4) Tin-Hungh bun Leiz-latc mienh weic biux mengh taux baamh mienh nyei zuiz, Mv baac weic Tin-Hungh nyei domh njoux en baamh mienh cingx duqv yietc liuz nyei maengc – 5:20-21

- a) Leiz nyei mouz deic – 5:20

*Tin-Hungh bun leiz-latc yiem naaiv lungh ndiev zoux bun zuiz, jaa camv jienv faaux. Mv baac zuiz yiem haaix cuotv camv, Tin-Hungh nyei en yietc zeic camv jienv faaux*

Leiz-latc biux hinc baamh mienh zoux nyei zuiz  
 Leiz-latc ziux zuiz, bun mienh buatc gorngv zuiz se zuiz (7:7)  
 Tin-Hungh nyei en hlo...haih gomv baamh mienh nyei zuiz

- b) En nyei mouz deic – 5:21

*Hnangv naaic, zuiz gunv jienv bun mienh zuqc daic. Tin-Hungh nyei en yaac fih hnangv nyei gunv jienv bun mienh duqv caux Tin-Hungh horpc hnyouv, yaac bun mbuo kaux mbuo nyei Ziouv Yesu Giduc duqv yietc liuz nyei maengc.*

Biux Mengh maaih en qaux:

|                     |                        |                                    |
|---------------------|------------------------|------------------------------------|
| Daic gunv           | En Gunv                | *Caux Aa^ndam=daic                 |
| Sin daic            | Sin daic               | *Caux Giduc=Yietc liuz nyei maengc |
| Da'nyeic nzunc daic | Yietc liuz nyei maengc |                                    |

2. **Bungx Nqoi: Leih zuiz daaih nitv fatv Tin-Hungh** se Tin-Hungh ganh zoux nyei gong, ninh bun mbuo ninh nyei cing-nzengc maengc– 6:1—8:39

Hnangv haaix nor leih zuiz, daaih nitv fatv Tin-Hungh, weic haaix nyungc qiexx zuqc leih zuiz daaih nitv fatv Tin-Hungh:

Maiv zuqc zuiz nyei qaqv gunv jienv mbuo (1-14)

Tin-Hungh bungx nqoi mbuo bun mbuo leih ndutv zuiz, bungx nqoi bun mbuo daaih nitv fatv Tin-Hungh.

1. Bungx jiex daaih (sienx Tin-Hungh wuov zanc duqv bungx nqoi maiv zuqc yiem zuiz nyei qaqv)
2. Bungx ih zanc (zanc-zanc qiemx Tin-Hungh bungx mbuo)
3. Nga'haav hingv (daic nyei hnoi, fai Giduc daaih nyei hnoi mbuo duqv bungx nqoi...duqv njang-laangc)

a. Sienx Giduc mienh caux **zuiz**, Giduc mienh daic zoux zuiz nyei mv baac ziangh weic Giduc– 6;1-23

1) Sienx Yesu Giduc duqv bungx nqoi maiv zuqc zoux zuiz nyei nouh weic zuqc daic zoux zuiz nyei mv baac caux Giduc juangc maengc ziangh – 6:1-14

a) Sienx Giduc mienh daic caux nangh daaih se gorngv daic weic zoux zuiz nyei jauv, nangh daaih nyei siangh maengc ziangh weic Tin-Hungh – 6:1-11

(1) Naaic nyei waac: Mbuo horpc zuqc zoux jienv zuiz mingh Tin-Hungh ziouc cingh haih jaa guangc jienv mbuo nyei zuiz mingh fai? 6:1

*Wuov nyungc, mbuo oix zuqc hngv haaix nor gorngv? Mbuo corc oix zuqc baamz jienv zuiz mingh Tin-Hungh cingx daaih haih ceix en camv jienv faaux fai?*

2) Dau nyei waac: Zungv maiv zeiz, maiv haih, maiv horpc zuqc. Weic zuqc Giduc mienh duqv suiv yiem zuiz cuotv mingh ziangh weic Tin-Hungh– 6:2-11

(a) Dau nyei waac 6:2a  
*Zungv maiv zeiz!*

(b) Weic haaix nyungc hngv naaiv nor dau 6:2b-10

i) Sienx Giduc nyei mienh daic zoux zuiz jauv 6:2b

*Ei zoux zuiz nyei jauv mbuo zungv daic mi'aqv. Wuov nyungc mbuo hngv haaix nor haih zoux jienv zuiz mingh?*

(ii) Sienx Giduc mienh caux Yesu juangc daic– 6:3-10

*Meih mbuo hiuv duqv mbuo jiex wuom nyei leiz, mbuo duqv caux Yesu juangc maengc. Jiex leiz wuov zanc duqv caux ninh juangc daic. 4 Hngv naaic, jiex wuom nyei leiz mbuo caux Giduc daic mingh biopv jienv weic bun mbuo duqv siang-ziangh maengc, hngv Giduc daic mingh Tin-Hungh yaac longc njang-laangc nyei domh qaqv bun Giduc aengx nangh daaih ziangh jienv wuov nor. 5 Se gorngv mbuo duqv caux Giduc juangc maengc daic, Tin-Hungh bun mbuo nangh daaih hngv ninh bun Giduc nangh daaih, mbuo*

*yaac duqv caux Giduc juangc maengc ziangh. 6 Mbuo yaac hiuv duqv mbuo nyei loz-hnyouv zuqc caux Giduc ding wuov ziepc nzaangc jaax weic bun baamz zuiz nyei hnyouv zuqc mietc, cingx daaih maiv zuqc aengx zoux zuiz nyei nouh. 7 Weic zuqc haaix dauh daic mingh ziouc leih ndutv zuiz nyei qaqv mi'aqv. 8 Se gorngv mbuo caux Giduc daic mi'aqv, mbuo yaac sienx mbuo oix duqv caux ninh juangc maengc ziangh. 9 Mbuo hiuv duqv Giduc daic mingh Tin-Hungh aengx bun ninh nangh daaih. Nqa'haav ninh yietc liuz maiv daic aqv. Zuqc daic nyei qaqv maiv haih gunv ninh. 10 Giduc daic weic bun zuiz maiv haih gunv ninh. Daic nzunc, dornngx duqv yietc liuz. Ih zanc ninh ziangh jienv se weic Tin-Hungh ziangh.*

Mienh waac gorngv, "Jiex wuom nyei leiz" wuov joux waac: janx gekc nyei waac maiv gorngv wuom. Maiv gorngv oix zuqc dengv Yesu nyei mbuox. Naaix joux waac nyei zien eix-leiz se mbuo duqv nyei siang-maengc, yienc nyei maengc, mbuo duqv Yesu nyei siang-maengc fai duqv caux ninh juangc maengc ziangh.

Daic zoux zuiz nyei jauv:

1. Jiex nyei leiz-daic zoux zuiz yiem jiex wuom nyei leiz
2. Ih zanc hnoi mbuo daic zoux zuiz weic mbuo maiv zoux ei ganh nyei hnyouv hanc
3. Ga'haav hingv-mbuo daic zoux zuiz, weic mbuo nyei sin daic
4. Eix-leiz nor-mbuo daic zoux zuiz nyei dongh Yesu Daic
5. Ei sienx nor-mbuo daic zoux zuiz nyei dongh mbuo sienx Yesu Giduc wuov zanc

(c) Orn caux Nunz nyei waac: Sienx Giduc mienh oix zuqc funx ganh hhangv daic yiem zoux zuiz nyei jauv, ziangh weic Tin-Hungh –  
6:11 *Meih mbuo fih hhangv nyei, oix zuqc funx ganh hhangv daic mi'aqv nor, zuiz gunv maiv jienv. Mv baac meih mbuo caux Giduc Yesu juangc maengc ziangh ziouc weic Tin-Hungh ziangh jienv*

b) Dorh naaiv deix Ging-sou nyei eix leiz daaih longc: Sienx Giduc mienh caux zuiz caux Ziouv horpc zuqc hhangv haaix nor, sienx Giduc mienh maiv horpc zuqc bun zuiz gunv, yiem zuiz nyei buoz ndiev, mv baac horpc bun Ziouv gunv– 6:12-14  
*Weic naaiv maiv dungx bun zuiz gunv meih mbuo haih daic nyei sin, nduov meih mbuo ei ganh nyei hnyouv hanc oix zoux. 13 Maiv dungx bun sin zangc nyei haaix nyungc zoux zuiz, longc zoux waaic haic nyei sic. Daaux nzuonx oix zuqc fungx ganh bun Tin-Hungh, hhangv daic mingh mv baac Tin-Hungh bun aengx nangh daaih nyei mienh nor. Yaac zorqv sin nyei nyungc-nyungc bun ninh longc zoux horpc nyei sic. 14 Zuiz maiv duqv zoux ziouv aengx gunv meih mbuo, weic zuqc meih mbuo maiv yiem leiz-latc ga'ndiev. Meih mbuo yiem Tin-Hungh nyei en ga'ndiev*

(1)Maiv dungx bun zuiz gunv meih mbuo nyei sin (12)

(2) Maiv dungx bun sin zangc nyei haaix nyungc zoux zuiz, longc zoux waaic nyei sic (13)

## (3) Weic zuqc zuiz maiv zoux ziouv gunv Giduc mienh (14)

2) Siensex Giduc mienh zoux horpc sic nyei nouh weic zuqc ninh duqv bungx nqoi yiem zoux zuiz nyei nouh – 6:15-23

a) Naaic nyei waac: Weic mbuo yiem en ga'ndiev, sueih mbuo zoux zuiz fai? 6:15a

*Wuov nyungc, hnangv haaix nor zoux? Mbuo maiv zeiz yiem leiz-latc ga'ndiev, se yiem Tin-Hungh nyei en ga'ndiev. Hnangv naaic, sueih mbuo baamz zuiz fai?*

b) Dau nyei waac: Maiv zeiz, maiv haih, zoux zuiz biux mengh gorngv benx zuiz nyei nouh 6:25b-23

(1) Dau: Siensex Giduc mienh maiv haih hnamv gorngv sueih ganh zoux zuiz weic mbuo yiem en nyei ga'ndiev 6:15b  
Zungv maiv zeiz!

(2) Porv mengh dau nyei waac: Zoux zuiz se benx zuiz nyei nouh, zuiz nyei zinh se daic– 6:16-23

(a) Muangx fai ei haaix dauh se benx wuov dauh nyei nouh 6:16-20

i) Ging-sou nyei eix-leiz 6:16

*Meih mbuo maiv hiuv duqv fai? Se gorngv zoux haaix dauh nyei nouh muangx ninh nyei waac, meih mbuo ziouc benx dongh meih mbuo muangx wuov dauh ziouv nyei nouh aqv. Hnangv naaic, meih mbuo zoux zuiz nyei nouh ziouc oix zuqc daic. Mv baac meih mbuo muangx Tin-Hungh ziouc duqv caux ninh horpc hnyouv.*

Tin-Hungh  
Muangx  
Zuiz

Tin-Hungh  
Zoux Nouh  
Zuiz

Maengc/caux Tin-Hungh horpc hnyouv  
Duqv nyei  
Daic


ii) Siensex Giduc mienh nyei siang-maengc 6:17-18

*Laengz zingh Tin-Hungh! Zinh ndaangc meih mbuo zoux zuiz nyei nouh. Mv baac ih zanc meih mbuo longc nzengc hnyouv muangx mienh njaaux nyei zien leiz. 18 Tin-Hungh bungx meih mbuo leih ndutv zuiz nyei qaqv, zoux horpc nyei jauv ziouc gunv nzengc meih mbuo.*

Zinh ndaangc zoux zuiz nouh---ih zanc muangx kuv fiensex---sienx---leih ndutv zuiz---horpc nyei jauv gunv

iii) Orn caux nunz nyei waa: Ziagh weic benx cing-nzengc nyei nouh 6:19-20

*Weic zuqc meih mbuo zoux baamh mienh, meih mbuo aqc duqv mengh baeqc. Yie ziouc longc pouh tong nyei jauv caux meih mbuo gorngv. Zinh ndaangc meih mbuo longc sin nyei nyungc-nyungc zoux zuiz nyei nouh, zoux laih hlopv maiv cing-nzengc nyei sic, gunv zoux gunv waaic. Ih zanc meih mbuo oix zuqc fih hhangv nyei fungx sin nyei nyungc-nyungc bun zoux horpc nyei jauv gunv nzengc meih mbuo, yaac benx cing-nzengc nyei mienh. 20 Meih mbuo zoux zuiz nyei nouh wuov zanc, zoux horpc nyei jauv maiv duqv gunv meih mbuo*



(b) Zoux haaix dauh nyei nouh biux mengh gan wuov dauh Ziouv, mingh wuov norm dorngx– 6:21-23

i) Jiex daaih nyei ziagh hoc 6:21

*Zinh ndaangc meih mbuo zoux nyei sic, ih zanc meih mbuo nyaiv aqv. Zoux wuov deix sic bun meih mbuo duqv haaix nyungc? Zoux wuov nyungc sic se bun mienh zuqc daic hhangv*

ii) Ih zanc nyei ziagh hoc 6:22

*Mv baac ih zanc Tin-Hungh bungx meih mbuo biaux ndutv zuiz, daaih zoux Tin-Hungh nyei nouh ziouc benx cing-nzengc nyei mienh. Hhangv naaic meih mbuo duqv yietc liuz nyei maengc*

iii) Yietc liuz yiem nyei dorngx 6:23

*Weic zuqc zuiz nyei gong-zinh se bun mienh zuqc daic, mv baac Tin-Hungh baeqc baeqc bun nyei zingh nyeic se mbuo caux mbuo nyei Ziouv Yesu Giduc juangc maengc ziagh ziouc duqv yietc liuz nyei maengc*

b. Siensex Giduc mienh caux **Leiz-Latc**, Giduc mienh duqv bungz nqoi yiem leiz-latc caux leiz-latc nyei hatc maaz mi' aqv– 7:1-25

1) **Giduc mienh duqv bungx ngoi yiem zuiz nyei buoz-ndiev beiv hhangv daic yiem zuiz 7:1-6**

a) **Ging-sou nyei eix-leiz: Leiz-latc nyei hatc maaz 7:1**

*Gorx-youz aac, naaiv deix waac yie caux hiuv leiz-latc nyei mienh gorngv. Meih mbuo maiv hiuv fai? Leiz-latc gunv mienh se dongh mienh ziangh jienv nyei ziangh hoc hhangv*

Hiuv Mose nyei leiz-latc (6:14, Yiutai mienh hiuv leiz-latc, 7:7 gorngv taux ziepc diuh lingc; mangc Lomaa 13)

b) **Nyungc zeiv porv mengh: Dorng jaa 7:2-3**

*Hhangv m'sieqv dorn longc jienv nqox nor. Nqox corc ziangh jienv nyei ziangh hoc, auv zuqc dorng jaa nyei leiz gunv jienv. Mv baac se gorngv nqox daic, auv ziouc leih ndutv, maiv zuqc dorng jaa nyei leiz gunv aqv. 3 Hhangv naaic, nqox corc ziangh jienv nyei ziangh hoc, auv mingh longc ganh dauh m'jangc dorn, ninh ziouc duqv hienx nqox nyei mengh dauh. Mv baac se gorngv ninh nyei nqox daic mi'aqv nor, dorng jaa nyei leiz ziouc maiv gunv wuov dauh auv aqv. Ninh aengx mingh caux ganh dauh dorng jaa yaac maiv funx hienx nqox aqv.*

c) **Dorh daaih longc yiem maengc 7:4-6**

(1) **Hhangv haaix nor dorh daaih longc 7:4a**

(a) **Daic yiem Leiz-latc**

*Yie nyei gorx-youz aac, meih mbuo yaac hhangv naaic. Meih mbuo se hhangv daic mi'aqv nor. Leiz-latc gunv maiv duqv meih mbuo, weic zuqc meih mbuo juangc Giduc nyei sin*

(b) **Caux Yesu juangc maengc ziangh**

(2) **Mouz deic: Ziangh biouv (zoux nyei) 7:4b-6**

(a) **Gorngv nyei waac 7:4b**

*Ih zanc meih mbuo benx ganh dauh ziouv nyei mienh*

(b) **Jiex daaih nyei ziangh hoc zoux nyei 7:5**

*Dongh mbuo corc maaih baamz zuiz nyei flem-fingx gunv jienv mbuo wuov zanc, leiz-latc yaac daux zuqc mbuo nyei hnyouv bun mbuo oix baamz zuiz. Mbuo zoux nyei yietc zungv ziouc bun mbuo zuqc daic*

Zuiz=Daic

(c) **Ih zanc zoux nyei 7:6**



*Mv baac ih zanc mbuo leih ndutv leiz-latc mi'aqv. Mbuo se hnangv daic mi'aqv nor. Maiv maaih leiz-latc gunv jienv hnangv zinh ndaangc gunv mbuo wuov nor. Mbuo ih zanc maiv longc fiev jienv wuov deix loz-leiz-latc fuh sux Tin-Hungh. Mbuo longc Singx Lingh nyei siang-leiz fuh sux Tin-Hungh.*

Singx Lingh bungz nqoi sienx Tin-Hungh nyei mienh

2) Leiz-latc se cing-nzengc nyei, leiz-latc biux mengh baamh mienh nyei zuiz, maiv zeiz leiz-latc bun mienh zuqc daic, zuiz bun mienh zuqc daic. – 7:7-25

a) Leiz-latc cing-nzengc nyei biux mengh baamh mienh nyei zuiz 7:7-12

(1) Sic dauh: 7:7a

*Wuov nyungc mbuo oix zuqc hnangv haaix nor gorngv? Leiz-latc ganh baamz zuiz fai?*

Leiz-latc se longx nyei mv baac maiv haih bungz nqoi

(2) Dau nyei waac 7:7b

*Zungv maiv zeiz!*

(3) Weic haaix diuc: 7:7c-12

(a) Leiz-latc biux mengh zuiz 7:7c

*Mv baac laaix leiz-latc yie cingx daaih hiuv duqv zuiz hnangv haaix nor. Se gorngv leiz-latc maiv gorngv, “Maiv dungx mauv ga'naaiv”, yie maiv hiuv duqv mauv ga'naaiv hnangv haaix nor.*

Leiz-latc biux mengh dongh Baulo gorngv mauv ga'naaiv se zuiz

(b) Zuiz lorz qiangx bun mienh dorngc leiz-latc 7:8

*Zuiz bangc leiz-latc zoux gorn lorz qangx bun yie mauv naaiv mauv wuov. Se gorngv maiv maaih leiz-latc, zuiz ziouc daic mi'aqv*

Zuiz longc leiz bun mienh zoux dorngc

(c) Leiz-latc dorh daic daaih 7:9-11

*Yie zinh ndaangc ziangh jienv maiv gaengh maaih leiz-latc gunv yie, mv baac nqa'haav leiz-latc daaih, zuiz ziouc henv daaih, yie yaac daic mi'aqv. 10 Leiz-latc horpc zuqc bun mienh ziangh jienv. Daaux nzuonx leiz-latc bun yie zuqc daic. 11 Weic zuqc zuiz lorz qangx bun leiz-latc nduov yie, zuiz ziouc longc leiz-latc daix yie.*

Baulo lunx nyei ziangh hoc-maiv gaengh sienx  
Baulo benx domh mienh-maiv gaengh sienx

Baulo Siensex Giduc-Siang-siensex nyei mienh  
Baulo Siensex Giduc-hlo yiem siensex fim benx domh mienh

- (d) Nzutv zunv gorngv: Leiz-latc se cing-nzengc yaac longx nyei 7:12

*Hnangv naaic, leiz-latc se cing-nzengc nyei. Leiz-latc nyei diuh diuh leiz yaac cing-nzengc nyei, baengh fim nyei, longx nyei*

Leiz-latc maiv zoux zuiz, zuiz zoux zuiz

- b) Leiz-latc se longx nyei, maiv zoux bun mienh zuqc daic, mv baac zuiz zoux bun mienh zuqc daic 7:13-25

- (1) Zuiz zoux bun mienh zuqc daic, leiz-latc se biux mengh baamh mienh nyei zuiz hnangv. 7:13

*Wuov nyungc, se gorngv leiz-latc longx nyei, leiz-latc haih bun yie daic fai? Zungv maiv zeiz! Bun yie daic se dongh zuiz. Zuiz longc longx nyei ga'naaiv bun yie zuqc daic weic bun yie hiuv duqv zuiz za'gengh hnangv haaix nor. Hnangv naaic, laaix leiz-latc mbuo hiuv duqv zuiz se waaic taux daauh aqv*

- (2) Leiz-latc maiv haih bun mienh daic mv baac zuiz bun mienh zuqc daic 7:14-25a

Yie wuov jouc waac se yietc zungv baamh mienh:

1. Lomaa 7:14-25 gorngv taux Aa^ndam yiem baamh mienh, Zuiz nyei fiem-fingx zanc-zanc doix-dekc Tin-Hungh nyei leiz.
2. Baulo heuc naaiv dauh mienh (baamh mienh) eix-leiz gorngv maaih baamh mienh nyei sin

- (a) Baamh mienh zuqc maaic zoux zuiz nyei nouh gauv, mv baac leiz-latc se yiem Tin-Hungh daaih 7:14

*Mbuo hiuv duqv leiz-latc se yiem Tin-Hungh daaih. Mv baac yie zoux baamh mienh, zuqc maaic tengx zuiz zoux nouh gauv.*

Aa^ndam maaic baamh mienh zoux zuiz nouh

- (b) Baamh mienh maiv haih hingh zuiz weic baamh mienh zuqc maaic mingh zoux zuiz nyei nouh 7:15-17

Da'yietv nyungc zorong-zengx: 7:15-17

*Yie ganh zoux nyei, yie maiv mengh baeqc, weic zuqc yie oix zoux nyei, yie yaac maiv zoux. Daaux nzuonx zoux dongh yie nzorong nyei. 16 Dongh yie zoux liuz yie maiv oix zoux nyei sic, yie ziouc laengz leiz-latc se longx nyei. 17 Hnangv naaic, maiv zeiz yie ganh zoux, se dongh yiem yie nyei hnyouv wuov deix zuiz zoux.*

Hiuv duqv leiz-lalc se horpc zuqc ei mv baac weic zuiz nyei flem-fingx ginv zoux zuiz

**Da'nyeic nyungc zorn-g-zengx: 7:18-20**

*Yie hiuv duqv yiem yie baamh mienh nyei hnyouv maiv maaih haaix nyungc longx. Yie gengh oix zoux longx nyei yaac maiv haih zoux. 19 Yie oix zoux nyei kuv sic yie yaac maiv zoux. Mv baac dongh yie maiv oix zoux nyei waaic sic yie corc zoux jienv mingh. 20 Se gorngv yie zoux dongh yie maiv oix zoux nyei sic, se maiv zeiz yie ganh zoux. Dongh yiem yie gu'nyuoz nyei zuiz zoux.*

Biux mengh yiem **Gaa^laa^tie 5:17-18** Mienh nyei hnyouv hanc zoux nyei se maiv doix Singx Lingh oix zoux nyei. Singx Lingh oix zoux nyei yaac maiv doix mienh nyei hnyouv hanc zoux. Naaiv deix i nyungc zoux win-wangv cingx daaih meih mbuo oix zoux nyei, maiv haih zoux. 18 Mv baac se gorngv Singx Lingh dorh meih mbuo, meih mbuo ziouc maiv yiem leiz-lalc ga'ndiev

(c) **Leiz-lalc se longx nyei mv baac baamh mienh zuqc maaic zoux zuiz nyei nouh, weic naaiv baamh mienh hiuv nyei caux zoux nyei maiv doix-diuc (hiuv horpc zuqc zoux nyei maiv zoux) 7:21-25a**

i) **Doix-dekc nyei jauv 7:21**

*Hnangv naaic, yie buatc maaih naaiv nyungc leiz cuotv, dongh yie oix zoux longx, yie kungx haih zoux cuotv waaic nyei hnangv*

ii) **Doix-dekc gorngv muonz 7:22-23**

*Yiem yie nyei hnyouv gu'nyuoz yie a'hneiv haic Tin-Hungh nyei leiz. 23 Mv baac yiem yie nyei sin maaih ganh nyungc leiz. Naaiv nyungc leiz aengx caux yie nyei hnyouv a'hneiv wuov nyungc leiz mborqv jaax. Hnangv naaic, yiem yie nyei sin bun yie baamz zuiz wuov nyungc leiz ziouc hingh yie, gunv jienv yie aqv.*

iii) **Tov bungx nqoi maiv zuqc doix-dekc 7:24**

*Aav! Yie za'gengh kouv haic aqv. Haaix dauh haih njoux yie leih ndutv naaiv haih zuqc daic nyei sin?*

Mangc 1 Ko^lin^to 15 porv mengh

iv) **Laengz zingh Tin-Hungh bun mbuo duqv bungz nqoi 7:25a**

*Zongc zingh Tin-Hungh! Ninh bun mbuo nyei Ziouv Yesu Giduc njoux cuotv yie*

- (3) Maiv gunv gorngv sienx Giduc mienh duqv bungx nqoi, duqv hingh mi'aqv mv baac oix zuqc jangx jienv naaiv deix hnyouv haih doix-dekc, zanc-zanc oix zuqc ging jienv hnyouv. 7:25b  
*Wuov nyungc, yiem yie nyei hnyouv yie oix ei jienv Tin-Hungh nyei leiz zoux. Mv baac yie ziux baamh mienh nyei hnyouv zoux, kungx gan bun yie baamz zuiz wuov nyungc leiz hnangv.*

c) Sienx Giduc mienh caux **Singx Lingh**, Giduc mienh maaih lamh hnamv weic Singx Lingh bun mbuo duqv hingh jiex 8:1-39

1) Sienx Giduc mienh duqv bungx nqoi yiem zuiz nyei qaqv, maiv zuqc dingc zuiz caux daic nyei qaqv 8:1-11

a) Singx Lingh bungx nqoi sienx Giduc nyei mienh, maiv zuqc dingc zuiz, maiv zuqc daic nyei qaqv gunv weic Yesu Giduc daic weic mbuo maiv zeix weic ei leiz-latc. 8:1-4

(1) Gorngv nyei waac 8:1

*Ih zanc haaix dauh caux Giduc Yesu juangc maengc ziangh, wuov dauh maiv zuqc dingc zuiz, (yiem da'cietv zang gorngv nyei)*

(2) Weic haaix nyungc gorngv 8:2

*weic zuqc Singx Lingh nyei leiz, dongh bun mbuo caux Yesu juangc maengc ziangh wuov nyungc leiz, bun yie leih ndutv zuiz nyei leiz caux zuqc daic nyei leiz*

Yiem Loz-Ngaengc waac nyei ziangh hoc, Singx-Lingh njiec yiem dauh baav mienh hnangv-Jiex liuz Ben<sup>^</sup>de<sup>^</sup>kotv Singx Lingh yiem dauh dauh sienx nyei mienh.

(3) Porv mengh gorngv nyei waac 8:3-4

(a) Gorngv nyei waac 8:3

i) Weic haaix nyungc gorngv 8:3a

*Weic zuqc baamh mienh mau haic, dongh leiz-latc maiv haih zoux nyei, Tin-Hungh zoux ziangx aqv*

ii) Hnangv haaix nor gorngv 8:3b

*Tin-Hungh dingc baamh mienh nyei zuiz ziouc paaiv ninh ganh nyei Dorn daaih benx dauh baamh mienh, maaih sin hnangv zuiz-mienh nyei sin nor, weic zoux ziec nyei ga'naaiv fiqv zuiz*

(b) Mouz deic 8:4

*Tin-Hungh hnanv naaiv nor zoux weic bun mbuo, dongh maaih Singx Lingh dorh nyei, maiv zeiz ei baamh mienh nyei hnyouv zoux nyei wuov deix, haih ei nzengc leiz-latc dingc horpc zuqc zoux nyei*

Baamh mienh ganh nyei sin maiv haih ei leiz-latc, mv baac Singx Lingh dorh nor se haih nyei

b) Singx Lingh dorh nyei mienh beiv guei baamh gen nyei mienh (fai maiv bun Singx Lingh dorh nyei mienh) 8:5-11

(1) Porv doix mangc/beiv mangc 8:5-8

(a) Gorngv nyei waac 8:5

*Ei baamh mienh nyei hnyouv hanc zoux wuov deix, kungx hnamv taux baamh mienh zoux nyei sic hnanv. Mv baac maaih Singx Lingh dorh wuov deix, hnamv taux Singx Lingh zoux nyei*

(b) Porv mengh 8:6-8

i) Beiv mangc 8:6

*Se gorngv bun baamh mienh nyei hnyouv gunv nor, zungv oix zuqc daic. Se gorngv Singx Lingh gunv, ziouc duqv ziangh maengc yaac duqv baengh orn*

ii) Weic haaix nyungc 8:7-8

*8-7a – Hnanv naaic, haaix dauh kungx hnamv taux baamh mienh zoux nyei sic, wuov dauh benx Tin-Hungh nyei win-wangv*

*8:7b – weic zuqc ninh maiv ei Tin-Hungh nyei leiz-latc, zungv maiv haih ei jienv zoux.*

*8:8 – Ei ganh nyei hnyouv hanc zoux wuov deix, maiv haih zoux horpc Tin-Hungh*

(2) Dorh beiv mangc nyei longc yiem maengc 8:9-11

(a) Gorngv nyei waac 8:9

*Se gorngv Tin-Hungh nyei Singx Lingh zien-zien yiem meih mbuo nyei hnyouv, meih mbuo yiem seix zangc maiv zeiz ei baamh mienh nyei hnyouv zoux. Meih mbuo maaih Singx Lingh dorh meih mbuo. Haaix dauh maiv maaih Giduc nyei Singx Lingh, wuov dauh maiv zeiz ninh nyei*

## (b) Duqv zipv weic zoux nyei sic 8:10-11

## i) Liemh zeih duqv 8:10

Sin – Se gorngv Giduc yiem meih mbuo nyei hnyouv, maiv gunv meih mbuo nyei sin oix zuqc laaix zuiz zuqc daic  
(Daic zoux zuiz nyei jauv)

Lingh Wuonh – meih mbuo nyei lingh wuonh duqv ziangh jienv weic zuqc meih mbuo caux Tin-Hungh horpc hnyouv

## ii) Nqa'haav duqv nyei 8:11

Eix-Leiz – *Yesu daic mv baac Tin-Hungh bun ninh aengx nangh daaih. Se gorngv Tin-Hungh nyei Singx Lingh yiem meih mbuo nyei hnyouv, dongh Giduc Yesu daic mv baac bun ninh nangh daaih wuov dauh ziouc longc yiem meih mbuo nyei hnyouv gu'nyuoz naaiv dauh Tin-Hungh nyei Singx Lingh bun meih mbuo haih daic nyei sin aengx nangh daaih*

Weic Singx Lingh bun haih daic nyei sin aengx nangh daaih

Weic haaix nyungc – *Se gorngv Tin-Hungh nyei Singx Lingh yiem meih mbuo nyei hnyouv*

## 2) Siensex Giduc mienh horpc zuqc hnavg haaix nor yiem: maiv horpc zuqc ei ganh nyei hnyouv nyunc zoux, mv baac bun Singx Lingh dorh, maiv gunv buangh zuqc haaix nyungc naanc zingh.– 8:12-30

## a) Siensex Giduc mienh maiv zeix ziangh weic ei ganh nyei hnyouv hanc zoux, mv baac bun Singx Lingh mietc nzengc sin zangc hanc zoux nyei zuiz...8:12-17

## (1) Gorngv orn/nunz nyei waac 8:12

*Yie nyei gorx-youz aac, hnavg naaic, maaih dongh mbuo zungv oix zuqc zoux nyei mv baac se maiv zeiz ei baamh mienh nyei hnyouv nyunc zoux*

Dingh maiv dungx zoux jienv zuiz mingh

## (2) Weic haaix nyungc 8:13-17

## (a) Gorngv nyei eix-leiz 8:13

*Se gorngv meih mbuo ei baamh mienh nyei hnyouv hanc zoux, oix zuqc daic aqv. Mv baac se gorngv longc Singx Lingh mietc nzengc sin zangc zoux nyei zuiz, meih mbuo ziouc duqv ziangh jienv*

Daic zoux zuiz nyei jauv, Ziangh weic mietc nzengc sin zangc zoux nyei zuiz

## (b) Porv mengh 8:14-17

## i) Siensex Giduc mienh zipv Singx Lingh bun benx Tin-Hungh nyei dorn 8:14-16

## aa) Dorh benx 8:14

*Tin-Hungh nyei Singx Lingh dorh wuov deix benx Tin-Hungh nyei Dorn mi'aqv.*

Singx Lingh dorh: mietc nzengc sin zoux nyei zuiz caux biux mengh benx Tin-Hungh nyei Dorn

## bb) Horpv benx 8:15

*Meih mbuo zipv daaih nyei Singx Lingh maiv zeiz hoic meih mbuo zoux nouh bun meih mbuo gamh nziex. Singx Lingh bun meih mbuo benx Tin-Hungh nyei Dorn ziouc longc Singx Lingh nyei qaqv heuc Tin-Hungh, "Aa Dae*

Horpv nyei eix-leiz  
Aa dae

## cc) Yiem gu'nyuoz nyei zornz-zengx 8:16

*Singx Lingh caux mbuo nyei lingh wuonh fih hngv nyei zoux zornz-zengx gorngv mbuo se Tin-Hungh nyei naamh nyouz"*

## ii) Weic siensex Giduc nyei mienh benx Tin-Hungh nyei dorn/naamh nyouz, mbuo ziouc duqv nzipc Tin-Hungh nyei fuqv 8:17

*Mbuo zoux Tin-Hungh nyei naamh nyouz ziouc oix duqv nzipc Tin-Hungh liouh bun ninh nyei baeqc fingx nyei fuqv. Dongh Tin-Hungh liouh bun Giduc, mbuo yaac oix caux ninh juangc jienv nzipc. Se gorngv mbuo siouc kouv hngv Giduc siouc kouv nor, mbuo yaac oix duqv buonc ninh nyei njang-laangc.*

Naamh nyouz/Dorn—Nzipc Tin-Hungh liouh---caux Giduc juangc jienv nzipc  
Caux Giduc siouc kouv---Caux ninh duqv buonc njang-laangc

b) Siensex Giduc mienh horpc zuqc diev ih zanc buangh zuqc nyei kouv naanc weic nqa'haav hingv oix duqv nyei njang-laangc. 8:18-30

(1) Weic haaix nyungc siensex Giduc mienh horpc zuqc diev kouv naanc, weic zuqc beiv nqa'haav Tin-Hungh oix bun mbuo nyei njang-laangc nor ih zanc diev nyei se maiv fungc beiv 8:18-25

(a) Gorngv nyei eix-leiz 8:18

*Yie funx mbuo ih zanc buangh nyei kouv naanc maiv fungc beiv Tin-Hungh oix hinc bun mbuo nyei njang-laangc.*

(b) Zorng-zengx 8:19-25

i) Zeix daaih nyei ga'naaiv 8:19-22

aa) Zuov jienv 8:19

*Zeix daaih nyei maanc muotc zuov jienv gengh! oix buate Tin-Hungh nyei zuangx dorn hinc cuotv daaih.*

Yesu daaih da'nyeic nzunc:

bb) Weic haaix nyungc 8:20-22

*Zeix daaih nyei maanc muotc zuqc dingc benx maiv maaih eix leiz nyei ga'naaiv. Naaiv maiv zeiz ei maanc muotc ganh nyei za'eix, se ei Tin-Hungh nyei za'eix. Mv baac Tin-Hungh corc maaih lamh hnamv 21 maaih norm hnoi zeix daaih nyei maanc muotc oix biaux ndutv maiv zuqc huv jienv njiec, yaac oix caux Tin-Hungh nyei naamh nyouz duqv bungx nqoi yaac duqv njang-laangc. 22 Mbuo hiuv duqv, taux ih zanc yietc zungv zeix daaih nyei maanc muotc diev mun kouv, njunh jienv yiem, hnavv m'sieqv dorn mun guh nguaaz nor.*

Tin-Hungh dingc baamh gen, maaih hnoi duqv bungz nqoi

ii) Siensex Giduc mienh 8:23-25

aa) Zuov jienv 8:23

*Maiv daan zeix daaih nyei maanc muotc hnavv. Liemh mbuo yaac njunh jienv yiem. Mbuo duqv zipv Tin-Hungh nyei da'yietv nyungc zingh nyeic, se dongh Singx Lingh. Mbuo nyei hnyouv njunh jienv yiem, zuov Tin-Hungh bun mbuo duqv zoux ninh nyei naamh nyouz, yaac bun mbuo nyei sin nyei nyungc-nyungc duqv bungx nqoi mi'aqv..*

Singx Lingh=njiec dingc

Njunh=(ga'nyiec-naanc zingh, hoic; ga'nyuoz-zuiz nyei fiem fingx)



Zuov jienv bungz nqoi (Tin-Hungh daaih da'nyeic nzunc)

bb) Weic haaix nyungc zuov jienv 8:24-25

*Weic zuqc mbuo hnavg naaiv maaih lamh hnamv, mbuo cingx daaih duqv njoux. Se gorngv haaix nyungc buatc jienv nyei nor, mbuo maiv zuqc hnamv taux wuov nyungc aqv. Hnavg naaic, haaix dauh buatc jienv dongh ninh hnamv taux nyei, corc weic wuov nyungc haih maaih lamh hnamv nyei fai? 25 Mv baac se gorngv mbuo maiv gaengh buatc nyei mbuo corc hnamv oix duqv buatc, mbuo ziouc longc noic zuov taux duqv buatc.*

Tin-Hungh longc mbuo mbuox mienh taux kuv fienx  
Mbuo horpc zuqc diev

(2) Weic haaix nyungc Siex Giduc mienh horpc zuqc diev jienv ih zanc buangh zuqc nyei naanc zingh...weic zuqc Singx Lingh zanc-zanc tengx jienv mbuo 8:26-27

(a) Singx Lingh hnavg pou-tong nyei tengx 8:26a

*Fih hnavg nyei, mbuo mau haic, Singx Lingh ziouc daaih tengx mbuo.*

(b) Singx Lingh lengc jeiv nyei tengx 8:26b

*Mbuo liemh maiv hiuv duqv oix zuqc hnavg haaix nor dauh gaux mv baac Singx Lingh **njunh** jienv gorngv maiv cuotv waac tengx mbuo tov Tin-Hungh.*

Singx Lingh Caux Zangc Diex Jiu-tong

(c) Tengx nyei jienv 8:27

*Tin-Hungh zaah mienh nyei hnyouv ziouc hiuv Singx Lingh nyei eix leiz, weic zuqc Singx Lingh ei Tin-Hungh nyei za'eix tengx Tin-Hungh nyei baeqc fngx tov*

Singx Lingh tov nzunc-nzunc ei Zangc Diex nyei za'eix

(3) Weic haaix nyungc siex Giduc mienh horpc zuqc diev jienv ih zanc nyei kouv naanc weic zuqc Tin-Hungh bun mienh buangh zuqc nyei nyungc-nyungc zoux bun mienh gauh zuangv Ninh, yaac bun maanc sic duqv longx 8:28-30

(a) Gorngv nyei eix-leiz 8:28 (Hnavg haaix nor diev naanc zingh)

i) Hiuv nyei 8:28a

*Mbuo hiuv duqv, yiem maanc sic duqv longx*

1. Hnamv Tin-Hungh (duqv njoux)
2. Ei ninh nyei za'eix heuc daaih nyei mienh

## Nyungc zeiv

## ii) Dongh ei ninh nyei 8:28b

*Tin-Hungh bun hnamv ninh, dongh ei ninh nyei za'eix **heuc** daaih wuov deix*

## (b) Porv mengh nyei 8:29-30

*Weic zuqc Tin-Hungh jaa-ndaangc ginv wuov deix, ninh yaac dingc bun ninh mbuo hnangv ninh nyei Dorn nor. Ninh nyei Dorn ziouc duqv zoux zuangx muoz-doic nyei Domh Gorx. 30 Tin-Hungh jaa-ndaangc ginv wuov deix, ninh yaac heuc daaih. Heuc daaih wuov deix, ninh yaac bun caux ninh horpc hnyouv. Dongh duqv caux ninh horpc hnyouv wuov deix, yaac bun ninh mbuo maaih njang-laangc.*

## i) Biaa (5) Nyungc Tin-Hungh benx daaih.

1. Jaa-ndangc hiuv 2. Jaa-ndaangc ginv 3. Heuc daaih 4. Caux ninh horpc hnyouv 5. Maaih njang-laangc

## ii) Mouz deic

## 3) Siensex Giduc mienh maaih laamh hnamv, maaih gorn ndoqv yiem Yesu weic Tin-Hungh Diex nyei hnamv maiv gunv buangh haaix nyungc sic 8:31-39

## a) Siensex Giduc mienh yietc liuz maaih laamh hnamv weic Zangc Diex goux jienv mbuo, ceix nyungc-nyungc bun, yaac duqv caux Ninh horpc hnyouv 8:31-34a

## (1) Tin-Hungh goux mbuo 8:31

*Hnangv naaic, mbuo oix zuqc hnangv haaix nor gornv? Se gornv Tin-Hungh tengx mbuo, haaix dauh haih hingh duqv mbuo?*

## (2) Tin-Hungh ceix nyungc-nyungc bun 8:32

## (a) Jiex daaih nyei 8:32a

*Tin-Hungh liemh maiv nzaeng ninh ganh nyei Dorn, zungv bun ninh weic mbuo zuangx mienh siev maengc.*

## (b) Ih zanc bun nyei 8:32b

*Hnangv naaic, ninh zorqv ninh nyei Dorn ceix bun mbuo, ninh maiv zeiz oix zorqv maanc muotc baeqc baeqc ceix bun mbuo fai?*

## (3) Caux Tin-Hungh duqv horpc hnyouv 8:33-34a

*Haaix dauh haih gox Tin-Hungh ginv daaih nyei mienh? Tin-Hungh ganh gorngv ninh mbuo maiv maaih zuiz. 34 Hnangv naaic, haaix dauh haih dingc ninh mbuo maaih zuiz?*

## b) Siensex Giduc mienh maaih laamh hnamv dorngx weic Yesu daic, aengx nangh daaih, ih zanc zueiz jienv Tin-Hungh nyei mbiaauc maengx tengx mbuo jough Zangc Diex 8:34b-c

*Giduc Yesu fai? Giduc Yesu daic mi'aqv. Tin-Hungh yaac bun ninh aengx nangh daaih. Ih zanc ninh zueiz jienv Tin-Hungh nyei mbiaauc maengx tengx mbuo jough Tin-Hungh.*

## c) Siensex Giduc mienh maaih laamh hnamv yiem nyungc-nyungc mbuo buangh zuqc nyei 8:35-30

## (1) Naanc Zingh 8:35-37

## (a) Naaic nyei waac 8:35

*35 Giduc hnamv mbuo, haaix nyungc zoux bun mbuo nqaev ndutv? Naanc zingh fai? Kuonx hnyouv nyei sic fai? Zuqc mienh zoux doqc fai? Ngorc hnaangx fai? Laaix jomc maiv maaih lui-houx zuqv fai? Haih hoic maengc nyei sic fai? Zuqc daix daic fai?*

## (b) Ging-sou biux mengh 8:36

*Hnangv Ging-Sou fiev jienv gorngv, "Weic meih yie mbuo ziangh hnoi zuqc mienh daix jienv yiem. Yie mbuo hnangv zuqc ken mingh daix nyei ba'gi yungh nor."*

## (c) Mbuo duqv hingh jiex 8:37

*Yiem naaiv deix yietc zungv nzaic zingh, Giduc, dongh hnamv mbuo wuov dauh, bun mbuo hingh jiex nzengc.*

## (2) Zeix daaih nyei 8:38-39

## (a) Ziangh fai Daic

*Yie siensex dingc Tin-Hungh hnamv mbuo yaac maiv maaih haaix nyungc haih nqaev ndutv bun ninh maiv hnamv, maiv gunv ziangh fai daic*

## (b) Mangc maiv buac nyei

*fin-mienh fai mienv, haaix nyungc maaih lingc maaih qaqv nyei*

## (c) Ih zanc fai nqa'haav hingv nyei sic

*ih zanc cuotv daaih nyei sic fai nqa'haav hingv nyei sic*

(d) **Mangc maiv buatc nyei dorngr**  
*yiem gu'nguaaic lungh fai ga'ndiev ndau nyei*

(e) **Zeix daaih nyei maanc muotc**  
*fai haaix nyungc zeix daaih nyei maanc muotc. Tin-Hungh longc mbuo nyei Ziouv Giduc Yesubiux mengh ninh hnamv mbuo yaac maiv maaih haaix nyungc haih nqaeqv ndutv bun Tin-Hungh maiv hnamv*

**C. Maiv haih guaix Tin-Hungh: weic I^saa^laa en mienh ganh maiv zipv Tin- Hung  
 nyei cing-nzengc maengc, maiv sienx kuv fiensex– 9:1-11:36**

Lomaa 9-11 nyei mouz deic caux eix-leiz

1. Baulo nzutv zunv ninh gorngv nyei waac: Baamh mienh duqv caux Tin-Hungh horpc hnyouv weic sienx kaux Yesu Giduc.
  2. Sic: Yiutai mienh maiv zipv nqemh jienv kuv fiensex, Tin-Hungh nqemh ninh mbuo: Tin-Hungh hnavg haaix nor haih nqemh ninh ganh gin v nyei mienh?
  3. Baulo aengx nzuonx mingh gorngv taux Tin-Hungh caux Yiutai mienh borqv jienv 3:8
  4. Lomaa 9-11 bun benx buo douc:
    - a). 9:1-29 gorngv taux I^saa^laa^en mienh nqemh maiv zipv kuv fiensex, Tin-Hungh ziouc nqemh ninh mbuo se baengh fim nyei ei jienv ninh laengz nyei waac.
    - b). 9:30-10:21 I^saa^laa^en maiv zipv kuv fiensex zic duqv Tin-Hungh nouz
    - c). 11:1-36 I^saa^laa^en maiv yietc liuz nqemh kuv fiensex
  5. Naaic lh jaax Jiu-baang nyei mienh: Se gorngv Tin-Hungh laengz ngaengc waac caux I^saa^laa^en mienh mv baac I^saa^laa^en nqemh Tin-Hungh, Tin-Hungh ziouc nqemh ninh mbuo, hnavg naaic nor mbuo hnavg haaix nor hiuv duqv Tin-Hungh ei jienv ninh laengz nyei ngaengc waac zoux?
  6. Lomaa 9-11 njaaux muonc taux Tin-Hungh korh lienh mienh, hnyouv ndauv bun mienh. Yiem naaiv douc Ging-sou longc naaiv joux waac siec nzunc.
  7. Lomaa 9-11 biux mengh gorngv I^saa^laa^en mienh caux jiu-baang se maiv fi hnavg. Tin-Hungh longc jiu-baang maiv zeiz gorngv dorh jiu-baang daaih tiuv I^saa^laa^en mienh.
1. I^saa^laa^en mienh nqemh Tin-Hungh nyei kuv fiensex/cing-nzengc maengc se maiv zeiz gorngv Tin-Hungh maiv baengh fim 9:1-29

- a. Baulo zanc-zanc nzauh taux I<sup>saa^laa^en</sup> mienh weic ninh mbuo nqemh maiv zipv Tin-Hungh nyei cing-nzengc maengc/kuv fiengx 9:1-5

1) Gorngv nyei eix-leiz 9:1-2

*Yie caux Yesu juangc maengc ziangh, yie gorngv zien waac, maiv gorngv-baeqc. Yie ganh nyei hnyouv maaih Singx Lingh gunv jienv ziouc bun yie hiuv dingc yie maiv gorngv-baeqc. 2 Yie weic yie ganh nyei fingx, juangc orv juangc mbungv nyei mienh, nzauh duqv kouv haic. Hnyouv zanc-zanc mun jienv yiem*

Baulo hnamv Yiutai mienh nyei

2) Zorng-zengx 9:3

*Se gorngv haih tengx duqv ninh mbuo nor, yie nyunc bun Tin-Hungh zioux yie zuqc caux Giduc leih nqoi*

Se gorngv haih nor ninh zungv laengz mingh deic nyuoqc weic bun Yiutai mienh mingh Tin-dorngh, mv baac ninh hiuv duqv ninh maiv haih hngangv naaiv

3) I<sup>saa^laa^en</sup> mienh benx lengc jeiv nyei mienh 9:4-5

*Ninh mbuo se I<sup>saa^laa^en</sup> Mienh, dongh Tin-Hungh ginv daaih nyei mienh. Tin-Hungh bun ninh mbuo zoux ninh nyei dorn, duqv buac ninh nyei njang-laangc, duqv caux ninh mbuo laengz jhex camv-nyungc ngaengc waac yaac bun leiz-latc ninh mbuo. Ninh mbuo hiuv duqv hngangv haaix nor zangc Tin-Hungh, yaac zipv liuz ninh laengz nyei waac. 5 Ninh mbuo se zoux maaih mengh dauh wuov deix ong-taaix nyei zeiv-fun. Giduc cuotv seix benx baamh mienh yaac yiem ninh mbuo nyei buonv cuotv daaih. Zuangx mienh oix zuqc yietc liuz ceng Tin-Hungh, dongh gunv maanc muotc wuov dauh. Aa^men.*

- a) Zoux Tin-Hungh nyei dorn –Cuotv<sup>i</sup>yipv 4:22 horpv nyei dorn
- b) Buac Tin-Hungh nyei njang-laangc –She<sup>ki</sup>naa
- c) Tin-Hungh caux ninh mbuo laengz camv nyungc ngaengc waac –Apc<sup>laa</sup>ham (Tin deic douh 15) Daa<sup>vid</sup> (2 Saa<sup>mu</sup>en 7) Siang-laengz ngaengc waac (Ye<sup>laa</sup>mi 31)
- d) Tin-Hungh bun leiz-latc ninh mbuo –Cuotv<sup>i</sup>yipv 20
- e) I<sup>saa^laa^en</sup> mienh hiuv duqv hngangv haaix nor zangc Tin-Hungh: Hngangv haaix nor ziec, hngangv haaix nor zoux
- f) Duqv zipv Tin-Hungh laengz nyei waac – njoux en, Giduc
- g) Ong-taaix – Apc<sup>laa</sup>ham, I<sup>saac</sup>, Yaa<sup>gorpc</sup>
- h) Yesu Giduc –  
Baulo biux mengh ninh maiv zeiz nzorngh Yiutai nyei mienh.

- b. Tin-Hungh nqemh I<sup>saa</sup>^laa<sup>en</sup> mienh se maiv doix-dekc taux Ninh laengz nyei ngaengc waac. Maaih nyungc zornng-zengx biux mengh 9:6-13
- 1) Gorngv nyei eix-leiz: Tin-Hungh ziepc zuoqv nyei zoux dongh ninh laengz nyei waac 9:6a  
*Yie maiv zeiz gorngv Tin-Hungh bungx ndortv ninh laengz nyei waac*
  - 2) Da'yietv nyungc zornng-zengx: Ginv I<sup>sakc</sup> 9:6b-9
    - a) Gorngv nyei eix-leiz: Maiv zeiz yietc zungv I<sup>saa</sup>^laa<sup>en</sup> mienh se zien I<sup>saa</sup>^laa<sup>en</sup> mienh 9:6b  
*weic zuqc I<sup>saa</sup>^laa<sup>en</sup> Mienh yaac maiv zeiz dauh dauh benx nzengc Tin-Hungh nyei mienh.*  
  
Tin-Hungh maiv laengz jienv gorngv dauh dauh I<sup>saa</sup>^laa<sup>en</sup> nyei mienh benx ninh ninh mienh (duqv njoux)
    - b) Zornng-zengx biux mengh: Tin-Hungh ginv I<sup>sakc</sup> 9:7  
*Apc<sup>laa</sup>^ham nyei zeiv-fun yaac maiv zeiz yietc zungv zoux Tin-Hungh nyei naamh nyouz. Tin-Hungh mbuox Apc<sup>laa</sup>^ham, "Kungx Isakc nyei buonc zeiv-fun funx benx meih nyei zeiv-fun."*
    - c) Porv mengh: Kungx Tin-Hungh laengz nyei cuotv daaih wuov deix cingx funx zien zeiv-fun 9:8  
*Eix leiz se maiv zeiz yietc zungv Apc<sup>laa</sup>^ham zoux die duqv daaih nyei fu'jueiv zoux Tin-Hungh nyei naamh nyouz. Se kungx ei Tin-Hungh laengz nyei waac cuotv seix wuov deix cingx funx zien zeiv-fun.*  
  
Maiv zeiz gorngv taux I<sup>saa</sup>^maa<sup>en</sup> mv baac gorngv taux I<sup>sakc</sup>
    - d) Zornng-zengx biux mengh: I<sup>sakc</sup> se Tin-Hungh laengz nyei 9:9  
*Weic zuqc Tin-Hungh laengz nyei waac hnavg naaiv nor gorngv. "Taux dingc ziangx nyei ziangh hoc yie aengx daaih, Saalaa ziouc maaih dauh dorn."*
  - 3) Da'nyeic nyungc zornng-zengx: Ginv Yaa<sup>kopv</sup> 9:10-13
    - a) Ginv nyei ziangh hoc 9:10-11a  
*Maiv daan hnavg naaic. Le<sup>mbe</sup>^kaa nyei i dauh dorn juangc dauh die. Dongh mbuo nyei ong-taaix Isakc. 11 Mv baac naaiv deix sung-guh nguaaz maiv gaengh cuotv seix, maiv gaengh zoux haaix nyungc longx fai waaic,*
    - b) Ginv nyei mouz deic 9:11b  
*Tin-Hungh bun cing ninh ei ninh ganh nyei eix ginv mienh daaih. Maiv zeiz mienh zoux haaix nyungc, se Tin-Hungh ganh ginv daaih*  
Ginv ndaangc ninh mbuo cuotv seix
    - c) Ginv nyei eix-leiz 9:12  
*Weic zuqc Tin-Hungh ganh mbuox Le<sup>mbe</sup>^kaa, "Gorx oix zuqc fuh sux youz."*  
E<sup>sau</sup> fuh sux Yaa<sup>kopv</sup>

- d) Biux mengh ginv 9:13  
*Hnangv Ging-Sou fiev jienv gorngv nor, "Yie hnamv Yaakopv mv baac nzorng Esaau."*

Nzorng=maiv zeiz baamh mienh nzorng wuov nyungc  
 Nzorng=Hnamv Yesu da'yietv, dieh nyungc se da'nyeic, se hnangv nzorng

Mangc Lugaa 14:26/Matv<sup>^</sup>tai 10:37

- c. Tin-Hungh nqemh I<sup>^</sup>saa<sup>^</sup>laa<sup>^</sup>en mienh se maiv zeiz gorngv ninh maiv baengh fim weic I<sup>^</sup>saa<sup>^</sup>laa<sup>^</sup>en mienh ganh nqemh Tin-Hungh 9:14-29

- 1) Tin-Hungh se cing-nzengc caux baengh fim nyei ninh ei ninh nyei za'eix korh lienh mienh: bun mienh hnyouv mau caux ngaengc 9:14-18

- a) Maiv buangv hnyouv: Tin-Hungh maiv baengh fim? 9:14a  
*Wuov nyungc mbuo oix zuqc hnangv haaix nor gorngv? Tin-Hungh maiv baengh fim fai?*

- b) Dau nyei waac 9:14b-17

- (1) Dau nyei 9:14b  
*Zungv maiv zeiz!*

- (2) Weic haaix nyungc 9:15-17

- (a) Tin-Hungh nyei hnyouv ndaauv 9:15-16  
*Tin-Hungh gorngv mbuox Mose, "Yie oix korh lienh haaix dauh yie ziouc korh lienh. Oix zoux longx bun haaix dauh, yie ziouc zoux longx aqv." 16 Hnangv naaic, Tin-Hungh korh lienh mienh se maiv zeiz weic mienh oix nyei, yaac maiv zeiz weic mienh zoux haaix nyungc. Se Tin-Hungh ganh korh lienh hnangv.*

- (b) Tin-Hungh haih dingc zuiz nyei fai 9:17  
*Yiem wuov Ging-Sou, Tin-Hungh maaih joux waac mbuox I'yipv Deic-Bung nyei hungh diex. Ging-Sou gorngv, "Yie weic naaiv bun meih duqv zoux hungh. Yie oix longc meih bun mienh buac yie nyei domh qaqv yaac bun yie duqv mengh dauh sing buangv lungh ndiev."*

- (c) Lomh nzoih dingc hnyouv gorngv: Tin-Hungh oix korh lienh haaix dauh se ei ninh ganh nyei hnyouv 9:18  
*Hnangv naaic, Tin-Hungh oix korh lienh haaix dauh ninh ziouc korh lienh aqv. Oix bun haaix dauh hnyouv ngaengc ninh ziouc bun wuov dauh hnyouv ngaengc aqv.*

- 2) Tin-Hungh biux mengh ninh korh lienh caux hnyouv ndaauv, ninh horpc zuqc nouz mienh mv baac ninh nyienz jienv corc bun deix Yiutai caux Janx duqv benx ninh nyei naamh nyuoz 9:19-29

## a) Tin-Hungh maaih hatc maaz ei ninh ganh nyei hnyouv 9:19-21

## (1) Maiv buangv hnyouv: Mienh ganh zuqc ndaam 9:19

*Wuov nyungc, nziex maaih dauh meih mbuo oix mbuox yie, “Hnangv naaic, Tin-Hungh hnangv haaix nor haih guaix mienh? Haaix dauh haih ngaengc Tin-Hungh nyei eix?”*

## (2) Dau nyei waac: Tin-Hungh dingc weic mienh maiv gamh nziex, maiv taaih ninh 9:20

*Meih zoux haaix dauh cingx gaamv caux Tin-Hungh nzaeng? Meih kungx zoux baamh mienh hnangv. Nie-ongx zungv maiv naaic nanv nie zangc, “Meih weic haaix diuc nanv yie daaih hnangv naaiv nor?”*

Maiv horpc (maiv taaih) naaic nyei waac

Zeix nyei mienh maiv maaih leiz hnangv naaiv nor naaic zeix ninh mbuo wuov dauh ziouv

## (3) Nyungc zeiv: Zeix daaih nyei ga'naaiv mbuoqc zeix wuov dauh Ziouv 9:21

*Nanv nie zangc maaih leiz zorqv ndunh nie sueih binc nanv I norm ongx maiv zeiz? Nanv norm zoux pouh tong nyei ongx, nanv norm zoux lengc jeiv nyei ongx.*

Baulo maiv zeiz gorngv Giduc mienh se nie ninh gorngv nyei eix-leiz se Giduc mienh oix zuqc mbuoqc Zeix ninh mbuo wuov dauh Ziouv

## b) Tin-Hungh zoux hnyouv ndaauv 9:22-29

## (1) Biux mengh yiem Janx caux Yiutai mienh 9:22-24

## (a) Tin-Hungh hnangv haaix nor korh lienh 9:22-23

## i) Tin-Hungh nyienz jienv 9:22

*Tin-Hungh yaac fih hnangv nyei zoux. Ninh oix bun cing ninh nouz haic mienh yaac bun ninh mbuo buac ninh nyei domh qaqv. Mv baac ninh zoux hnyouv ndaauv nyienz jienv dongh ninh nouz haic, horpc zuqc mietc wuov deix.*

|           |                        |                    |                  |              |
|-----------|------------------------|--------------------|------------------|--------------|
| v.22      | Ninh nouz mienh        | zoux hnyouv ndaauv | nyienz ninh nouz | Zuqc mietc   |
| Tin-Hungh | Biux mengh             | Diev jienv         | Benx             | mingh        |
| v.23      | Ninh nyei njang-laangc | Korh lienh         | Liuc leiz ziangx | njang-laangc |

## ii) Tin-Hungh nyei en ndaauv 9:23



*Tin-Hungh yaac oix bun ninh nyei domh njang-laangc cuotv daaih, ninh ziouc korh lienh mbuo, dongh ninh liuc leiz ziangx juangc jienv zipv ninh nyei njang-laangc wuov deix.*

(b) Dorh Tin-Hungh korh lienh daaih longc 9:24

*Mbuo se dongh wuov nyungc mienh aqv, dongh ninh heuc daaih wuov deix. Maiv daan heuc Yiutai Mienh daaih hngangv, ninh yaac heuc Janx.*

Jiu-baang mienh

(2) Zinh ndangc douc waac mienh gorngv maiv gaengh cuotv nyei taux Janx caux Yiutai mienh 9:25-29

(a) Janx (9:25-26)

*Yiem Ho<sup>se</sup>yaa fiev daaih nyei sou Tin-Hungh gorngv, “Dongh maiv zeiz zoux yie nyei baeqc fngx yie oix heuc zoux ‘Yie nyei baeqc fngx.’ Dongh yie maiv hnamv wuov dauh, yie oix heuc ‘Yie hnamv wuov dauh.’” 26 Yaac gorngv, “Maaih norm dorngx Tin-Hungh mbuox jiex ninh mbuo, ‘Meih mbuo maiv zeiz yie nyei baeqc fngx’. Yiem wuov norm dorngx, Tin-Hungh ziouc heuc ninh mbuo zoux ‘Ziangh jienv wuov dauh Tin-Hungh nyei Dorn.’”*

Yiem Ho<sup>se</sup>yaa gorngv taux Yiutai mienh yiem naaiv gorngv taux Janx

(b) I<sup>saa</sup>laa<sup>en</sup> 9:27-29

*I<sup>saa</sup>yaa yaac heuc jienv gorngv I<sup>saa</sup>laa<sup>en</sup> Mienh. Ninh gorngv, “Maiv gunv I<sup>saa</sup>laa<sup>en</sup> Mienh ndongc koiv-hlen nyei saaiv-ziou camv, kungx maaih duqv njoux nyei mienh zoqc. 28 Weic zuqc Ziouv oix yiem naaiv lungh ndiev siepv-siepv nyei siemv nzengc mienh nyei zuiz.” 29 Se hngangv I<sup>saa</sup>yaa zinh ndaangc gorngv jiex, “Se gorngv Nernh Jiex nyei Tin-Hungh maiv liouh njiec yietc deix douc buonv, yie mbuo ziouc zuqc hngangv So<sup>ndom</sup> caux Go<sup>mo</sup>laa Zingh nor.”*

1. Tin-Hungh maiv laengz jhex gorngv dauh-dauh mienh duqv njoux
2. Doic-doic maaih zoqc nyei mienh zanc-zanc sienx Tin-Hungh nyei
3. Tin-Hungh haih zoux ei ninh ganh nyei hnyouv

2. I<sup>saa</sup>laa<sup>en</sup> mienh maiv zipv kuv fiensex zic duqv nouz – 9:39- -10:21

a. I<sup>saa</sup>laa<sup>en</sup> mienh nqemh kuv fiensex maiv sienx Tin-Hungh se zic duqv nouz 9:30--10:4

1) I<sup>saa</sup>laa<sup>en</sup> mienh nqemh 9:30-33

a) Gorngv nyei eix-leiz 9:30-31

*Wuov nyungc, mbuo oix zuqc hngangv haaix nor gorngv? Oix zuqc gorngv naaiv. Janx maiv zeiz lorz jauv caux Tin-Hungh horpc hnyouv mv baac ninh mbuo sienx Tin-Hungh ziouc duqv caux ninh horpc hnyouv mi'aqv. 31 I<sup>saa</sup>laa<sup>en</sup> Mienh hnamv oix kaux leiz-latec duqv caux Tin-Hungh horpc hnyouv mv baac ninh mbuo maiv duqv caux ninh horpc.*

b) Weic haaix nyungc hhangv naaiv gorngv 9:32-33

*Weic haaix diuc? Weic zuqc ninh mbuo bangc ninh mbuo ganh zoux nyei sic, ninh mbuo maiv sienx kaux Tin-Hungh. Ninh mbuo ndiqv zuqc dongh Ging-Sou gorngv wuov norm la'bieiv. 33 Ging-Sou gorngv, "Mangc gaax, yie bun norm la'bieiv yiem wuov Si'on Zingh. Mienh ziouc ndiqv zuqc wuov norm la'bieiv ndorpc. Haaix dauh sienx kaux ninh, wuov dauh yietc liuz maiv piatv."*

2) Baulo kuonx hnyouv 10:1

*Gorx-youz aac, yie za'gengh! oix Tin-Hungh njoux caux yie juangc fingx nyei mienh haic aqv, ziouc njiec qaqv tengx ninh mbuo tov Tin-Hungh.*

3) I^saa^laa^en maiv mengh baeqc 10:2-4

a) Gorngv nyei eix-leiz 10:2

*Yie tengx ninh mbuo zoux zorong-zengx gorngv ninh mbuo weic Tin-Hungh jorm hnyouv haic, mv baac ninh mbuo maiv mengh baeqc Tin-Hungh nyei jauv.*

b) Weic haaix nyungc gorngv 10:3-4

*Ninh mbuo maiv hiuv duqv Tin-Hungh hhangv haaix nor bun mienh caux ninh horpc hnyouv ziouc daav ganh nyei za'eix oix caux Tin-Hungh horpc. Ninh mbuo maiv longc Tin-Hungh nyei za'eix. 4 **Giduc zoux bun leiz-latc nzengc mi'aqv.** Hhangv naaic, haaix dauh sienx kaux **Giduc** ziouc duqv caux Tin-Hungh horpc hnyouv.*

b. I^saa^laa^en mienh zic duqv dingc weic zuqc ninh mbuo maiv mengh baeqc yiem Loz Ngaengc Waac njaaux taux sienx Tin-Hungh duqv caux ninh horpc hnyouv 10:5-13

1) Bun taux 10:5-10

a) Loz Ngaengc Waac gorngv sienx Tin-Hungh ziouc duqv caux Ninh horpc hnyouv 10:5

*Mose fiev jienv gorngv mienh gan leiz-latc duqv caux Tin-Hungh horpc hnyouv nyei za'eix. Ninh gorngv, "Haaix dauh ei jienv leiz-latc zoux, wuov dauh ziouc duqv ei leiz-latc ziangh jienv."*

b) Loz Ngaengc waac biux mengh gorngv duqv Tin-Hungh nyei cing-nzengc maengc se zuqc sienx Tin-Hungh 10:6-8

*Mv baac Ging-Sou yaac gorngv weic sienx **Giduc** ziouc duqv caux Tin-Hungh horpc hnyouv nyei za'eix. Ging-Sou gorngv, "Maiv dungx yiem hnyouv hnamv, 'Haaix dauh oix faaux tin-dorng?' (Naaiv se weic dorh **Giduc** njiec.) 7 "Yaac maiv dungx hnamv, 'Haaix dauh oix mingh yiemh gen?'" (Naaiv se weic bun **Giduc***

yiem janx-daic nyei dorngx cuotv daaih.) 8 Ging-Sou hhangv naaiv nor gorngv,  
 “Tin-Hungh nyei waac, yiem nitv meih fatv nyei. Zungv yiem jienv meih nyei nzuih  
 yaac yiem jienv meih nyei hnyouv.” Dongh yie mbuo zunh mbuox mienh oix zuqc  
 sienx Giduc wuov nyungc doz

Mose gorngv: Nzuih caux Hnyouv  
 Baulo gorngv fih hhangv nyei (sienx fim)

c) Yiem Siangh Nqaengc Waac gorngv sienx Tin-Hungh duqv caux  
 Ninh horpc hnyouv/cing-nzengc maengc 10:9-10

Se gorngv meih nyei **nzuih nyiemc**, “Yesu zoux Ziouv,” meih yaac longc hnyouv  
 sienx Yesu daic mingh Tin-Hungh bun ninh aengx nangh daaih, meih ziouc duqv  
 njoux aqv. 10 Weic zuqc mbuo longc hnyouv sienx ziouc duqv caux Tin-Hungh  
 horpc. Mbuo longc nzuih nyiemc Yesu zoux Ziouv, mbuo ziouc duqv njoux aqv.

Weic haaix nyungc Baulo longc nzuih caux hnyouv wuov joux waac -weic  
 zuqc Mose longc naaiv deix waac: Nzamc-Leiz-Latc 30

\*Nzuih:

Nyiemc-gorngv fih hhangv (Yesu)  
 Sienx-Yesu zoux nyei gong caux panh nangh  
 Sienx Yesu se nyiemc ninh se zoux Ziouv (nzuih), sienx ninh zoux nyei gong  
 daic mingh nangh daaih (Hnyouv)

2) Lungh ndiev mienh 10:11-13

a) Gorngv nyei eix-leiz 10:11

Ging-Sou maaih joux waac gorngv, “**Haaix dauh** sienx kaux ninh wuov dauh  
 zungv maiv piatv.”

b) Weic haaix nyungc gorngv 10:12

Weic zuqc Yiutai Mienh caux Janx fih hhangv nyei, maiv ganh nyungc. Yietc zungv  
 juangc dauh Ziouv hhangv, dongh zoux maanc mienh nyei Ziouv wuov dauh. Haaix  
 dauh **to**v Ziouv, Ziouv ziouc camv-camv nyei ceix fuqv bun wuov dauh

Tov fai heuc/laengz ngaengc waac

c) Gorngv nyei zorng-zengx 10:13

Hhangv Ging-Sou gorngv nor, “Haaix dauh **heuc** Ziouv nyei mbuox, wuov dauh  
 ziouc duqv njoux.”

c. I^saa^laa^en mienh maiv maaih dorngx guaix Tin-Hungh weic ninh mbuo  
 nqemh kuv fiengx ziouc piatv ziangh hoc maiv duqv zipv Tin-Hungh nyei cing-  
 nzengc maengc. 10:14-21

1) Zunh doz 10:14-17

a) Qiemx zuqc zunh kuv fiengx 10:14-15

## (1) Naaic nyei waac 10:14-15a

*Se gorngv mienh maiv gaengh sienx Yesu Giduc, ninh mbuo hnangv haaix nor haih **heuc** ninh? Se gorngv maiv gaengh haiz haaix dauh gorngv jiex Yesu nyei jauv-louc, ninh mbuo hnangv haaix nor haih **sienx**? Se gorngv maiv maaih haaix dauh zunh kuv fiensex bun ninh mbuo muangx, ninh mbuo hnangv haaix nor haih duqv **haiz** kuv fiensex? 15 Se gorngv maiv maaih haaix dauh **paaiv** mienh mingh zunh kuv fiensex, mienh hnangv haaix nor haih mingh **zunh**?*

Heuc---Sienx----Haiz---Zunh kuv fiensex---Paaiv (gongh zoh)  
Gongh zoh mbuo zunh—Mienh haiz---maiv zipv?

## (2) Dau nyei waac 10:15b

Hnangv Ging-Sou gorngv nor, “Buatc mienh daaih zunh kuv fiensex gengh a'hneiv haic aqv.”

## b) I^saa^laa^en mienh maiv zipv zunh nyei kuv fiensex 10:16

*Mv baac maiv zeiz I^saa^laa^en Mienh dauh dauh zipv kuv fiensex weic zuqc I^saa^yaa gorngv, “Ziouv aac, haaix dauh sienx yie mbuo zunh nyei waac?” (I^saa^yaa 53)*

## c) Zunh kuv fiensex nyei muoz deic: bun mienh sienx 10:17

*Hnangv naaic, mienh sienx weic zuqc ninh mbuo haiz Giduc nyei doz. Ninh mbuo duqv haiz weic zuqc maaih mienh mingh zunh bun ninh mbuo muangx.*

Yiutai mienh hnangv haaix nor sienx Tin-Hungh, maiv zeiz gorngv hnangv haaix nor hlo yiem Giduc

## 2) Jaev sin 10:18-20

## a) Da'yietv nzunc: I^saa^laa^en maiv haiz kuv fiensex 10:18

## (1) Naaic nyei waac: I^saa^laa^en mienh maiv haiz? 10:18a

*Mv baac yie oix naaic gaax, ninh mbuo za'gengh maiv haiz jiex Giduc nyei doz fai?*

## (2) Dau nyei waac: Zunh gormx baamh gen 10:18b

*Haiz jiex nyei lorqc. Hnangv Ging-Sou gorngv nor, “Zunh doz mienh nyei qiex sing gormx baamh gen. Ninh mbuo nyei waac zunh jomc lungh ndiev.”*

Maiv zipv lengc jeiv nyei laauc yaangh

## b) Da^nyeic: I^saa^laa^en maiv mengh baeqc kuv fiensex 10:19-20

## (1) Naaic nyei waac: I^saa^laa^en maiv mengh baeqc kuv fiensex fai? 10:19a

*Yie oix aengx naaic gaax, I^saa^laa^en Mienh maiv mengh baeqc fai?*

(2) Dau nyei waac: Janx zungv mengh baeqc 10:19b-20

(a) Leiz-latc zoux zornz-zengx (10:19b)

*Mose ganh longc Tin-Hungh nyei waac dau ndaangc. Ninh gorngv, “Yie oix bun meih mbuo mueic jieqv yietc fingx Janx. Yie oix longc yietc fingx hngongx nyei mienh Cuoqv meih mbuo qiex jiez.”*

(b) Douc waac mienh zoux zornz-zengx 10:20

*I^saa^yaa yaac longc Tin-Hungh nyei waac gauh bungx laangc nyei gorngv. Ninh gorngv, “Maiv lorz yie wuov deix duqv buac yie. Maiv naaic taux yie wuov deix, yie bun ninh mbuo hiuv duqv yie.”*

(3) Dingc Zuiz 10:21

*I^saa^yaa yaac fiev jienv Tin-Hungh nyei waac gorngv taux I^saa^laa^en Mienh. Ninh gorngv, “Yie ziangh hnoi sung jienv buoz oix zipv maiv muangx waac, hnyouv ngaengc nyei mienh.”*

3. I^saa^laa^en mienh maiv zeiz dauh dauh nqemh maiv zipv kuv fiengx weic maaih deix zoqc nyei corc zipv Tin-Hungh nyei 11:1-36

a. I^saa^laa^en maiv yietc liuz nqemh, maiv zeiz yietc zungv nqemh, Maaih zoqc nyei mienh zanc-zanc sienx ninh benx nyungc zeiv 11:1-10

1) Naaic nyei waac 11:1a

*Wuov nyungc, yie naaic gaax, Tin-Hungh guangc ninh nyei baeqc fingx fai?*

2) Da'yietv nyungc zeiv: Baulo 11:1b

*Zungv maiv zeiz! Yie ganh yaac zeiz yietc dauh I^saa^laa^en Mienh, Apc^laa^ham nyei zeiv-fun, **Mben^yaa^min** Fingx.*

1. Yaa^kopv hnamv jhex wuov dauh auv nyei dorn (Tin deic douc 29:30)
2. I^saa^laa^en bun nqoi zoux i guangh wuov zanc, Mben^yaa^min fingx mingh caux Yu^ndaa fingx
3. Ye^lu^saa^lem nitv fatv Mben^yaa^min
4. Mor^de^cai se benx Mben^yaa^min fingx njoux Yiutai mienh (E^se^te 2:5; 9:31)
5. Mben^yaa^min fingx camv nyei caux Yu^ndaa fingx nzuonx I^saa^laa^en dongh zuqc zorqv mingh zoux bou.

3) Dau nyei waac 11:2a

*Tin-Hungh maiv guangc ninh yiem gorn ginv daaih nyei mienh*

## 4) Da'nyeic nyungc zeiv: 7,000 I^saa^laa^en mienh 1:2b-4

## a) E^li^yaa daux gaux 11:2b-3

*Meih mbuo maiv hiuv duqv E^li^yaa dorh I^saa^laa^en Mienh nyei sic mingh gox Tin-Hungh wuov douc Ging-Sou fai? 3 E^li^yaa gorngv, "Ziouv aah, ninh mbuo daix nzengc meih nyei douc waac mienh, yaac caeqv nzengc yietc zungv ziec meih nyei ziec-dorngh. Kungx zengc yie ganh nduqc laanh mienh hnangv, ninh mbuo yaac oix daix yie."*

## b) Tin-Hungh dau 11:4

*Tin-Hungh hnangv haaix nor dau ninh? Tin-Hungh gorngv, "Yie weic yie ganh liouh njiec siec cin dauh mienh. Ninh mbuo yaac maiv gueic njiec baaix jiex Mbaa^an miuc-mienv."*

## 5) Da'faam nyungc zeiv: ih jaax hnoi 11:5-10

## a) Tin-Hungh ei jienv ninh en ginv 11:5-7a

*Ih jaax hnoi yaac fih hnangv nyei. Tin-Hungh ei jienv ninh nyei en ginv deix mienh zoqc nyei. 6 Tin-Hungh ginv ninh mbuo daaih se ei ninh nyei en hnangv. Maiv zeiz ninh mbuo ganh zoux haaix nyungc. Se gorngv Tin-Hungh ei mienh zoux nyei ginv ninh mbuo nor, ninh nyei en se maiv zeiz zien en aqv. 7 Wuov nyungc hnangv haaix nor? I^saa^laa^en Mienh lorz nyei, ninh mbuo maiv*

En=Tin-Hungh nyei fuqv dongh mbuo maiv zic duqv nyei

## b) Zengc njiec wuov deix hnyouv ngaengc 11:7b-10

*Zengc njiec wuov deix hnyouv ngaengc mi'aqv. 8 Hnangv Ging-Sou fiev jienv gorngv nor, "Tin-Hungh yaac bun ninh mbuo nyei hnyouv morngz mi'aqv. Taux ih jaax hnoi bun ninh mbuo nyei m'zing mangc maiv buac, m'normh yaac muangx maiv haiz." 9 Ndaawitv yaac gorngv, "Oix tov bun ninh mbuo nyei yinh wuic benx mungz zaux jienv, yaac benx koux hlopv jienv ninh mbuo, benx la'bieiv bun ninh mbuo ndiqv zuqc ndorpc yaac haih benx win jaauv ninh mbuo. 10 Tov bun ninh mbuo nyei m'zing mbuov, mangc maiv buac. Yaac bun ninh mbuo yietc liuz biaux maiv ndutv ninh mbuo nyei kouv naanc."*

## b. I^saa^laa^en mienh maiv yietc liuz nqemh, weic zuqc Tin-Hungh ceix fuqv bun Janx weic bun Yiutai mienh mueic jieqv bun ninh mbuo nzuonx daaih sienx Tin-Hungh— 11:11-24

## 1) Weic I^saa^laa^en mienh nqemh, Tin-Hungh ceix fuqv bun Janx se gorngv I^saa^laa^en mienh sienx nor, lungn ndeiv mienh ziouc jaa duqv fuqv camv 11:11-15

## a) Ceix fuqv bun Janx 11:11-12

*Yie ziouc aengx naaic gaax, Yiutai Mienh ndiqv zuqc ndorpc mingh yietc liuz maiv haih jiez fai? Zungv maiv zeiz! Weic zuqc ninh mbuo baamz zuiz, Tin-Hungh cingx daaih njoux Janx weic bun Yiutai Mienh mueic jieqv ninh mbuo. 12 Yiutai Mienh baamz nyei zuiz bun lung h ndiev mienh duqv fuqv camv. Yiutai Mienh sienx nyei jauv ndortv mi'aqv ziouc bun Janx duqv fuqv camv. Wuov nyungc, Tin-Hungh njoux yietc zungv Yiutai Mienh gaux soux mouc wuov zanc, lung h ndiev mienh ziouc jaa duqv fuqv ndongc haaix camv aqv!*

## b) Baulo zunh kuv fiensex bun Janx 11:13-14

*Ih zanc yie caux meih mbuo Janx gorngv waac. Weic zuqc yie zoux gong-zoh douc Tin-Hungh nyei waac bun Janx, yie ziouc funx yie nyei gong jienv haic. 14 Nziex yie haih zoux bun caux yie juangc fngx nyei mienh mueic jieqv ziouc maaih deix laaix yie zoux nyei duqv Tin-Hungh njoux ninh mbuo.*

Baulo maiv zeiz maaic Yiutai nyei mienh, ninh ei Tin-Hungh paaiv ninh zoux nyei gong hnangv

## c) Lung h ndiev duqv fuqv 11:15

*Tin-Hungh guangc I^saa^laa^en Mienh wuov zanc, mienh maanh duqv caux Tin-Hungh horpc. Wuov nyungc, se gorngv Tin-Hungh zipv Yiutai Mienh nzuonx hnangv haaix nor? Se hnangv ninh mbuo daic mingh aengx nangh daaih nor.*

Janx maiv horpc gamh nziex I^saa^laa^en mienh duqv Tin-Hungh nyei fuqv, Se gorngv I^saa^laa^en mienh duqv fuqv nor, Janx aengx duqv gauh camv

## 2) Tin-Hungh laengz dorh I^saa^laa^en mienh nzuonx daaih sienx Ninh 11:16

## a) Njuov nyei nyungc zeiv 11:16a

*Se gorngv yietc ndunh njuov-nyiemz, zorqv diqv dien fongc horc Tin-Hungh, ziangh ndunh njuov ziouc benx Tin-Hungh nyei nzengc mi'aqv.*

## b) Ndiangx nyei nyungc zeiv 11:16b

*Se gorngv zorqv ndiangx-nzung h fungx bun Tin-Hungh, liemh ndiangx-nquaah ziouc benx Tin-Hungh nyei nzengc mi'aqv*

## 3) Weic zuqc I^saa^laa^en maiv sienx, nqemh Tin-Hungh, Janx duqv daaih daaux jienv ndiangx nquaah, weic zuqc benx daaux nyei hnangv maiv dungx zoux maux 11:17-24

## a) Donv Janx maiv dungx zoux maux 11:17-22

## (1) Zien nyei: Janx se daaux daaih hnangv 11:17

*Maaih deix zien ga'lanv nquaah zuqc pitv guangc, aengx dorh hieh ga'lanv nquaah daaih daaux jienv. Meih mbuo Janx se hnangv hieh ga'lanv nquaah yaac duqv zien nzung h nyei wuom yungz meih mbuo;*

- (a) Gorngv muonc
- (b) Eix-Leiz: Ndiangx se beiv Laengz nyei ngaengc waac caux  
 Apc^laa^ham  
 Ndiangx-nzunggh=Apc^laa^ham  
 Ndiangx nquaah=l^saa^laa^en (Yiutai mienh)  
 Dorh hieh nquaah daaih daaux=Janx  
 Pity guangc nyei nquaah=Yiutai mienh weic maiv sienx  
 Hieh nquaah pity guangc=maiv sienx nyei Janx  
 Wuom yungz=duqv juangc Tin-Hungh laengz nyei ngaengc waac  
 bun Apc^laa^ham nyei fuqv

(2) Donv: Maiv dungx gorngv maux 11:18-21

*Wuov nyungc, maiv dungx mangc piex zuqc pity guangc wuov deix ndiangx-nquaah. Meih mbuo fungc haih ceng ganh hlo? Meih mbuo kungx zoux nquaah hnavg. Maiv zeiz nquaah yungz nzunggh. Se nzunggh yungz nquaah. 19 Nziex meih mbuo Janx oix gorngv, "Zeiz nyei, mv baac naaiv deix nquaah zuqc pity guangc weic zorqv yie mbuo daaih daaux jienv." 20 Zien nyei. Ninh mbuo zuqc pity guangc weic zuqc ninh mbuo maiv sienx. Mv baac meih mbuo duqv ziangh jienv weic zuqc meih mbuo sienx. Hnavg naaic, maiv dungx zoux maux. Oix zuqc gamh nziex. 21 Se gorngv Tin-Hungh maiv liouh zien ga'lanv nquaah nor, meih mbuo hieh ga'lanv nquaah ninh yaac maiv liouh aqv.*

(3) Nzutv zunv gorngv: Zoux longx caux dingh zuiz 11:22

Hnavg naaic, mbuo buatc Tin-Hungh haih zoux longx yaac haih dingc mienh nyei zuiz. Dongh sienx nyei jav ndortv wuov deix Yiutai Mienh, Tin-Hungh dingc ninh mbuo nyei zuiz, mv baac zoux longx bun meih mbuo. Da'faanh meih mbuo zoux horpc, puix duqv ninh zoux longx, ninh ziouc zoux longx jienv mingh. Meih mbuo zoux maiv horpc nor, meih mbuo yaac zuqc pity guangc aqv.

b) Tin-Hungh oix zorqv ga'lanv nquaah aengx daaux jienv ninh nyei zien ndiangx: I^saa^laa^en mienh aengx nzuonx daaih sienx kuv fienv 11:23-24

(1) Oix zuqc hnavg haaix nor: Sienx 11:23a

*Se gorngv Yiutai Mienh goiv hnyouv nzuonx daaih sienx Tin-Hungh, ninh mbuo aengx duqv daaux jienv zien ga'lanv ndiangx*

(2) Weic haaix nyungc 11:23b-24

(a) Tin-Hungh haih nyei 11:23b

*weic zuqc Tin-Hungh haih zorqv ninh mbuo daaux jienv*



## (b) Weic zuqc ninh mbuo se zien nquaah 11:24

*Se gorngv meih mbuo benx hieh ga'lanv nquaah zuqc pitv ndutv daaih daaux jienv zien ga'lanv ndiangx, dongh maiv zeiz ganh nyei ndiangx-maac, Tin-Hungh aengx zorqv Yiutai Mienh, dongh zien ga'lanv nquaah, aengx daaux jienv ninh mbuo ganh nyei zien ndiangx, gauh hungh hec jiex ziex dangh.*

## c. Tin-Hungh ndongc haaix zungv dorh I^saa^laa^en nzuonx daaih sienx weic ninh laengz nyei ngaengc waac caux ninh mbuo 11:25-32

## 1) I^saa^laa^en maiv yietc liuz hnyouv ngaengc 11:25

*Gorx-youz aac, maaih diuc maiv gaengh mbiaangx yaangh nyei zien leiz yie oix bun meih mbuo hiuv weic bun meih mbuo maiv ceng ganh cong-mengh. Se dongh naaiv aqv. I^saa^laa^en Mienh maiv zeiz oix yietc liuz hnyouv ngaengc. Kungx ngaengc taux **Janx daaih bieqc Tin-Hungh gaux soux mouc***

Yesu aengx daaih da'nyeic nzunc, nqa'haav lai wuov dauh dauh sienx ndangc Yesu daaih

## 2) Tin-Hungh oix njoux yietc zungv I^saa^laa^en mienh 11:26-27

## a) Gorngv nyei eix-leiz 11:26a

*Hnangv naaic, Tin-Hungh oix njoux yietc zungv I^saa^laa^en Mienh.*

Yiem dongh domh kouv naanc nyei ziangh hoc (Laauc Yaangh 4-20) yietc zungv I^saa^laa^en mienh aengx nzuonx daaih sienx Tin-Hungh

## b) Ging-sou nyei zorng-zengx 11:26b-27

*Hnangv Ging-Sou gorngv nor, "Njoux mienh wuov dauh oix yiem Si^on Zingh daaih, zorqv cuotv Yaakopv nyei zeiv-fun zoux nyei yietc zungv waaic sic. 27 Yie guangc ninh mbuo nyei zuiz wuov zanc yie ziouc caux ninh mbuo laengz jiez naaiv deix ngaengc waac."*

## 3) I^saa^laa^en mienh qiemx Tin-Hungh korh lienh 11:28-32

## a) I^saa^laa^en caux Tin-Hungh laengz nyei waac 11:28-29

*Laaix Yiutai Mienh maiv zipv kuv fienv ninh mbuo benx Tin-Hungh nyei win-wangv mi'aqv. Naaiv se weic tengx meih mbuo Janx. Mv baac Tin-Hungh ginv ninh mbuo daaih, yaac weic ninh mbuo nyei ong-taaix-ngaevq ninh hnamv ninh mbuo. 29 Weic zuqc Tin-Hungh ginv haaix dauh, ceix fuqv haaix dauh, ninh yietc liuz maiv goiv yienc*

## b) I^saa^laa^en maiv muangx waac, Janx duqv Tin-Hungh korh lienh 11:30-32

(1) Janx 11:30

*Zinh ndaangc meih mbuo Janx maiv muangx Tin-Hungh nyei waac. Mv baac ih zanc laaix Yiutai Mienh maiv muangx waac meih mbuo cingx duqv Tin-Hungh korh lienh*

(2) I<sup>saa</sup>^<sup>laa</sup>^<sup>en</sup> mienh 11:31

*Ih zanc Yiutai Mienh maiv muangx Tin-Hungh nyei waac. Mv baac weic zuqc meih mbuo Janx duqv Tin-Hungh korh lienh meih mbuo, Yiutai Mienh fih hnangv nyei yaac haih duqv Tin-Hungh korh lienh.*

(3) Nzutv zunv gorngv: yietc zungv qiexm Tin-Hungh korh leinh 11:32

*Tin-Hungh sueih zuangx mienh maiv muangx ninh nyei waac, weic bun ninh haih korh lienh ninh mbuo yietc zungv.*

Jiex daaih taux ih zanc  
Mienh maiv muangx

Ih zanc taux nga'haav hingv  
Korh lienh yietc zungv

d. Ceng Tin-Hungh weic ninh puix duqv ceng 11:33-36

1) Ninh nyei Cong-mengh 11:33-34

*Tin-Hungh nyei en za'gengh hlo haic. Ninh nyei cong-mengh caux wuonh zaang ndo haic. Tin-Hungh dunx nyei sic haaix dauh haih hnamv duqv zaaic? Ninh zoux nyei javv maiv maaih haaix dauh haih samx duqv cuotv. 34 Hnangv Ging-Sou gorngv nor, "Haaix dauh hiuv duqv Tin-Hungh nyei hnyouv? Haaix dauh haih tengx ninh daav cuotv za'eix?"*

2) Nyungc-nyungc se Ninh nyei 11:35-36

*"Haaix dauh bun jiex haaix nyungc zingh nyeic Tin-Hungh weic bun ninh oix zuqc winh?" 36 Weic zuqc Tin-Hungh zeix maanc muotc daaih. Maanc muotc kaux ninh cingx daaih haih yiem, yaac weic ninh yiem. Mbuo oix zuqc yietc liuz ceng Tin-Hungh taux maanc gouv maanc doic. Aa^men.*

**III. DUQV CAUX TIN-HUNGH HORPC HNYOUV NYEI MIENH (SIENX GIDUC NYEI MIENH HORPC ZUQC ZIANGH, YIEM PUIX, ZOUX PUIX DUQV ZIPV TIN-HUNGH NYEI CING-NZENG C MAENGC NYEI MIENH)– 12:2- -15:13**

A. Caux Tin-Hungh horpc hnyouv nyei mienh hnangv haaix nor caux **gor-youz** jiu-tong 12:1-21

1. Giduc mienh da'yietv oix zuqc fungx ganh nyei maengc bun Tin-Hungh 12:1-2

a. Zorqv ganh fungx bun Tin-Hungh 12:1

1) Jienv 12:1a

*yie ziouc tov*

- 2) Weic haaix nyungc 12:1b  
*GORX-YOUZ AAC, TIN-HUNGH NDONGC NAAIC KORH LIENH MBUO*
- 3) Zorqv nyei eix-leiz 12:1c  
*MEIH MBUO ZORQV GANH FUNGX BUN TIN-HUNGH HNANGV ZIEC NYEI GA'NAAIV NOR, MV BAAC MAaih MAENGc NYEI, CING-NZENGc NYEI, DONGH NINH A'HNEIV NYEI GA'NAAIV*  
**ZIEC=SIEV** ganh nyei maengc...weic Tin-Hungh  
**MAaih MAENGc**=maiv buov, maiv zeiz nziaamv mv baac zanc-zanc ziangh weic Tin-Hungh  
**CING-NZENGc**=lengc jeiv nyei zorqv bun Tin-Hungh  
**A'hneiv zipv nyei**=horpc Tin-Hungh nyei hnyouv  
**ZIEN-ZIEN ZANGC**=zieqv duqv mbuo qiexm Tin-Hungh, nyungc-nyungc ninh heuc zoux nyei zuqc ei jienv zoux
- 4) Hnangv naaiv se horpc 12:1d  
*HNANGV NAAIV NOR ZOUC SE HORPC, NYEI WEIC ZIEN-ZIEN NYEI ZANGC TIN-HUNGH.*

b. Goiv yienc 12:2

- 1) Maiv zoux nyei: Maiv dungx zuotc baamh mienh zoux maiv horpc Tin-Hungh nyei sic 12:2a  
*BAAMH MIENH ZOUC SIC MAIV HORPC TIN-HUNGH, MAIV DUNGX ZUOTC NINH MBUO NYEI NYUNGc ZOUC*
- 2) Horpc zuqc zoux nyei: Bun Tin-Hungh goiv yienc hnyouv caux hnamv nyei jauv 12:2b  
*OIX ZUQC BUN TIN-HUNGH GOIV NZENGc MEIH MBUO NYEI HNYOUV CAUX HNAMV NYEI JAUV, DUQV SIANG-NYUNGc ZEIV*
- a) Goiv ga'nyiec zoux nyei sic (maiv zuotc baamh gen mienh zoux)  
 b) Goiv ga'nyuoz hnyouv, hnamv nyei jauv weic benx siang-zeix daaih nyei mienh 1 Ko<sup>lin</sup>to 5:17
- 3) Mouz deic se: biux mengh Tin-Hungh nyei za'eix 12:2c  
*HNANGV NAAIC MEIH MBUO HAIH HIUV DUQV TIN-HUNGH NYEI ZA'EIX, HAAIX NYUNGc SE LONGX NYEI, TIN-HUNGH A'HNEIV NYEI, DUNH YUNH NYEI ZA'EIX.*

Tin-Hungh nyei za'eix:

1. Jaa-ndaangc dingc ziangx nyei za'eix (E<sup>fe</sup>so 1:11)
2. Cing-nzengc nyei za'eix
3. Lengc jeiv nyei za'eix bun yietc dauh yietc dauh
4. Pou-tong nyei za'eix biux mengh yiem Ging-sou\*\*

2. Giduc mienh oix zuqc nyiemc ganh zoux faix yaac hnamv mienh 12:3-8
- a. Giduc mienh oix zuqc maiv dungx taaih ganh weic zuqc Tin-Hungh bun nyei zingh nyeic maiv fih hngangv 12:3-8
- 1) Orn nyei waac 12:3
- a) Weic haaix nyungc 12:3a  
*Tin-Hungh ceix en bun yie (zoux gong-zoh)*
- b) Eix-leiz 12:3b  
*yie cingx mbuox meih mbuo, maiv dungx taaih ganh jiex ndaangc horpc zuqc taaih nyei..*
- c) Horpc zuqc 12:3c  
*Gorpc mienh oix zuqc ziux Tin-Hungh bun nyei sienx fim longx-longx funx ganh hngangv haaix nor*
- 2) Weic haaix nyungc 12:4-5
- a) Sin nyei nyungc zeiv 12:4  
*Yietc norm sin maaih ziex nyungc gapv jienv. Nyungc-nyungc maaih ganh nyei gong zoux*
- b) Giduc nyei sin 12:5  
*Fih hngangv nyei, mbuo mienh camv mv baac mbuo caux Giduc juangc maengc ziangh, dauh dauh ziouc gapv daaih benx yietc norm sin. Yietc dauh zoux sin nyei yietc nyungc*
- Njaaux nyei eix-leiz #1 – mienh camv
- Njaaux nyei eix-leiz #2 – benx yietc norm sin
- 3) Zingh nyeic 12:6-8
- a) Ziex nyungc zingh nyeic 12:6a  
*Mbuo dauh dauh ei Tin-Hungh nyei en duqv zingh nyeic mv baac gorpc mienh nyei zingh nyeic maiv fih hngangv*  
Jiu-baang hngangv haaix nor juangc gong zoux
- Njaaux nyei eix-leiz #3 --Tin-Hungh dongh bun zingh nyeic wuov dauh
- b) Zingh nyeic se maaih 12:6b-8
- (1) Douc Tin-Hungh nyei waac 12:6b

*Gorq mienh duqv haaix nyungc zingh nyeic ziouc oix zuqc longc wuov nyungc zingh nyeic aqv. Se gornqv duqv zingh nyeic **douc Tin-Hungh nyei waac** oix zuqc ei mbuo sienx nyei douc ninh nyei waac.*

Douc Tin-Hungh nyei waac=lengc jeiv nyei Tin-Hungh laauc yaangh bun mienh bun taux lengc jeiv nyei ziangh hoc.

Douc waac yiem naaiv yiemc ging-sou se maiv zeiz zunh doz...naaiv nyungc douc waac se dingh mi'aqv fai jhex mi'aqv (Mangc 1 Ko^lin^to 13:8; E^fe^so 2:20)

(2) Fux sux jiu-baang 12:7a

*Mbuo duqv zingh nyeic **fuh sux jiu-baang**, oix zuqc fuh sux aqv*

(3) Njaaux mienh 12:7b

*Duqv zingh nyeic **njaaux** mienh, oix zuqc njaaux.*

*Porv ging-sou/hnangv haaix nor dorh daaih longc*

(4) Kuinx/orn mienh 12:8a

*Duqv zingh nyeic **kuinx mienh**, oix zuqc kuinx aqv*

(5) Cuotv fim 12:8b

*Haaix dauh duqv zingh nyeic **cuotv fim** tengx mienh oix zuqc zoux hnyouv jangv tengx*

(6) Dorh jiu-baang 12:8c

*Haaix dauh duqv zingh nyeic **dorh jiu-baang**, oix zuqc longc hnyouv zoux (Dorh=souv jienv m'ndaangc)*

(7) Zoux hnyouv ndaaub 12:8d

*Haaix dauh duqv zingh nyeic zoux **longx bun mienh**, oix zuqc a'hneiv zoux.*

b. Sienx Giduc mienh zoux nyei nyungc se weic maaih hnyouv hnamv mienh-12:9-21

1) Bun Sienx Giduc mienh 12:9-13

a) Ziepc zuoqv hnamv 12:9-10

*Hnamv mienh oix zuqc za'gengh longc hnyouv hnamv. Orqv nyei, oix zuqc simv nqoi. Longx nyei oix zuqc nitv jienv. 10 Laanh oix zuqc jorm hnyouv hnamv laanh hnangv hnamv ganh nyei cien muoz-doic nor. Laanh yaac oix zuqc taaih laanh, funx mienh gauh longx ganh.*

b) Jorm hnyouv hnamv 12:11-12

*Maiv dungx lueic. Oix zuqc jorm hnyouv jienh fuh sux Ziouv Yesu. 12 Meih mbuo maaih lamh hnamv dorngx ziouc oix zuqc njien-youh. Maaih kuonx naanh oix zuqc longc noic diev. Yaac oix Zuqc zanc-zanc daux gaux.*

c) **Maaih hnyouv ndaaub 12:13**

*Siex Yesu nyei gorx-youz ndortv naanc, oix zuqc tengx ninh mbuo. Yaac oix zuqc maaih hnyouv zipv kaeqv.*

2) **Bun maiv sienx Giduc nyei mienh 12:14-21**

a) **Gorngv nyei waac 12:14**

*Oix zuqc tov Tin-Hungh **ceix fuqv** bun zoux doqc hoic meih mbuo wuov deix mienh. Za'gengh oix zuqc tov Tin-Hungh ceix fuqv, maiv zeiz **zioux**.*

eu lageo=Gorngv longx nyei taux, zien nyei

b) **Yiem hnamv nyei fiem-fingx 12:15-16**

(1) **Yiem hnyouv nyei 12:15**

*Mienh njien-youh, oix zuqc caux jienv njien-youh. Mienh nyiemv, oix zuqc caux jienv nyiemv*

(2) **Yiem hnamv nyei 12:16**

*Laanh oix zuqc caux laanh horpc fim dongh eix nyei yiem. Maiv dungx zoux maux. Oix zuqc a'hneiv caux mienh jomc mienh zoux doic. Maiv dungx ceng ganh cong-mengh*

(c) **Yiem mbuo zoux nyei sic 12:17-21**

(1) **Maiv dungx jauv win 12:17-19**

*Maiv dungx zoux orqv winh orqv bun haaix dauh. Zuangx mienh funx haaix nyungc longx nyei, oix zuqc longc hnyouv zoux wuov nyungc. 18 **Yiem meih mbuo haih** zoux haaix nyungc weic tengx caux zuangx mienh baengh orn yiem ziouc oix zuqc zoux aqv. 19 Hnamv nyei gorx-youz aac, maiv dungx jaauv win. Oix zuqc jiu bun Tin-Hungh, sueih Tin-Hungh mbenc. Weic zuqc maaih waac fiev jienv Ging-Sou gorngv, "Ziouv gorngv, 'Yie ganh oix jaauv win. Yie za'gengh jaauv aqv.'"*

(2) **Zoux longx bun mienh 12:20-21**

*Ging-Sou yaac fiev jienv gorngv, "Se gorngv meih nyei win-wangv hnyouv sie, oix zuqc bun hnaangx ninh nyanc. Jaang nqaatv nor, oix zuqc bun wuom ninh hopv. Hnangv naaiv zoux ninh ziouc nyaiv haic aqv." 21 Maiv dungx bun orqv nyei hingh meih. Oix zuqc bun longx nyei hingh orqv nyei.*

Hnamv se longc jienv meih haih zoux nyei

Bun orqv nyei hingh, meih aengx zoux orqv sic

B. Caux Tin-Hungh horpc hnyouv nyei mienh horpc zuqc hhangv haaix nor caux **hungh jaa** 13:1-14

1. Giduc mienh **muangx** hungh se biux mengh ninh muangx Tin-Hungh 13:1-7

a. Hatc nyei waac 13:1a

Dauh dauh oix zuqc muangx hungh jaa

b. Weic haaix nyungc hatc 13:1b-4

1) Weic zuqc Tin-Hungh liepc hungh lingc 13:1b-2

a) Hoz dauh 13:1b-c

(1) Njaaux nyei eix-leiz 13:1b

*weic zuqc maiv maaih haaix nyungc hungh lingc maiv zeiz Tin-Hungh liepc daaih*

(2) Hhangv haaix nor dorh daaih longc 13:1c

*Ih zanc zoux jien, maaih lingc nyei mienh se Tin-Hungh liepc daaih*

b) Lomh nzoih dingc hnyouv 13:2

Hhangv naaic, haaix dauh ngaengc hungh jaa nyei waac, wuov dauh yaac ngaengc Tin-Hungh liepc daaih nyei hungh lingc. Ngaengc hungh jaa wuov deix oix zuqc dingc zuiz

(1) Ngaengc hungh jaa se ngaengc Tin-Hungh

(2) Ngaengc hungh jaa zuqc hungh jaa dingc zuiz

2) Weic zuqc jien-fouv zoux Tin-Hungh nyei bou 13:3-4

a) Njaaux nyei eix-leiz 12:3a

*Zoux kuv sic nyei mienh maiv zuqc gamh nziex hungh jaa. Se dongh zoux orqv sic nyei mienh oix zuqc gamh nziex hhangv*

Hungh jaa horpc zuqc ceng zoux longx, dingc zoux waaic sic

b) Zoux nyei 12:3b-4

(1) Ceng 12:3b-4a

*Meih maiv oix gamh nziex hungh jaa fai? Oix zuqc zoux kuv sic cingx maiv gamh nziex. Ninh mbuo yaac oix **ceng** meih. 4 Weic zuqc zoux jien-fouv nyei mienh zoux Tin-Hungh nyei bou tengx meih duqv longx.*

(2) Dingc zuiz 12:4b

*Se gorngv meih zoux orqv sic oix zuqc gamh nziex jien-fouv weic zuqc ninh mbuo za'gengh maaih lingc dingc meih nyei zuiz. Ninh zoux Tin-Hungh **nyei bou tengx Tin-Hungh** jaauv win bun zoux orqv nyei mienh (orqv nyei jien-ouv niv? Zoux Tin-Hungh nyei bou)*

c. Lomh nzoih dingc hnyouv 13:5-7

1) Muangx hungh jaa 13:5

a) Kuinx 13:5a

*Weic naaiv oix zuqc muangx hungh jaa nyei waac*

b) Weic haaix diuc 13:5b-3

(1) Gamh nziex Tin-Hungh dingc 13:5b

*Maiv daan weic gamh nziex Tin-Hungh oix dingc meih mbuo nyei zuiz hngv*

(2) Ganh nyei hnyouv bun ganh hiuv 13:5c

*Ganh nyei hnyouv yaac bun ganh hiuv duqv oix zuqc hngv haaix nor zoux.*

*Weic zoux kuv zingh ginx*

2) Cuotv nzou-zinh bun hungh jaa 13:6-7

a) Gorngv nyei eix-leiz 13:6a

*Weic naaiv meih mbuo yaac oix **zuqc cuotv nzou-zinh** bun hungh jaa*

b) Weic haaix nyungc 13:6b

*weic zuqc ninh mbuo zoux hungh jaa nyei gong ziouc tengx Tin-Hungh zoux bou. (ceng zoux longx nyei dingc zoux waac nyei)*

c) Horpc zuqc zoux nyei 13:7

*Horpc zuqc bun haaix nyungc nzou-zinh haaix dauh ziouc bun wuov dauh aqv. Horpc zuqc taaih ginx haaix dauh ziouc taaih aqv.*

(1) Nzou-zinh (siou mienh laanh caux ga'naaiv)

(2) Fungx jiex guoqv maaic nyei ga'naaiv

Nyungc Zeiv:

1. David hungh maiv daix Saulo hungh weic Tin-Hungh bun ninh zoux hungh (1 Saa^mu^en 24:6)

2. Cuotv nzou-zinh...Yesu gorngv "haaix nyungc Lomaa hungh nyei bun Lomaa hungh, Haaix nyungc Tin-Hungh nyei oix zuqc bun Tin-Hungh (Matv^tai 22:21)



3. "...Oix zuqc gamh nziex Tin-Hungh, taaih Tin-Hungh, yaac oix zuqc taaih hungh diex" (1 Bide 2:17)

Haaix zanc Giduc mienh maiv horpc zuqc muangx hungh jaa?

1. Se gorngv hungh jaa maiv zoux hungh jaa nyei gong, hatc taux lings wuonh nyei jauv, maiv zuqc muangx (Gong-zoh 5:27-29). Nyungc zeiv se gorngv hungh jaac hatc maiv bun zunh kuv fiex fai njaaux Tin-Hungh nyei leiz mbuo horpc zuqc muangx Tin-Hungh zunh kuv fiex, maiv zeiz muangx mienh.

2. Se gorngv hungh jaa jhex gorn ceng waaic nyei, dingc zoux longx nyei (12:3-4). Ninh mbuo cuotv Tin-Hungh paaiv ninh mbuo zoux nyei gong.

2. Giduc mienh lanh hnamv lanh biux mengh leiz-latc gengh zien 13:8-10

a. Ging-sou nyei eix-leiz 13:8a

*Cin-maanc maiv dungx qiexx haaix dauh nyei haaix nyungc zaeqv. Kungx oix zuqc maaih nduqc nyungc zaeqv hnavg (qiexx hnamv nyei zaeqv hnavg)*

Maiv dungx qiexx/gaav cuotv liuz meih haih jauv

b. Weic haaix nyungc 13:8b-10

1) Gorngv nyei eix-leiz 13:8b

*Naaiv se laanh oix zuqc hnamv laanh. Haaix dauh hnamv mienh ziouc ei nzengc leiz-latc mi'qv.*

2) Gorngv nyei zorng-zengx 13:9-10

a) Yiem Loz-Ngaengc Waac 13:9

*Leiz-latc gorngv, "Maiv dungx hienx auv hienx nqox. Maiv dungx daix mienh. Maiv dungx zoux zaqc nimc ga'naaiv. Maiv dungx mauv mienh nyei ga'naaiv." Naaiv deix caux yietc zungv leiz-latc nzutv zunv gorngv, "Oix zuqc hnamv mienh hnavg hnamv ganh nor."*

Ziepc diuh lingc:

1-4 diuh lingc gorngv taux caux Tin-Hungh jiu-tong

6-10 diuh lingc gorngv taux caux mienh jiu-tong

b) Pou-tong hiuv nyei 13:10

*Haaix dauh hnamv mienh, ninh maiv zoux sic hoic mienh. Weic naaiv, haaix dauh hnamv mienh ziouc ei nzengc leiz-latc.*

Leiz-latc dangv jienv waaic nyei sic

Hnamv maiv zoux sic hoic mienh

Hnamv mienh ziouc ei nzengc leiz-latc

3. Siensex Giduc mienh zoux kuv sic weic zuqc “siangh hnoi” – siang-maengc 13:11-14
  - a. Zieqv duqv ziangh hoc jienv 13:11-12b
    - 1) Njaaux mienh hngangv haaix nor nyie daaih 13:11a  
*Oix zuqc hngangv naaiv nor zoux weic zuqc meih mbuo hiiuv duqv ih jaax nyei ziangh hoc jienv haic (Yesu daaih siepv aqv)*
    - 2) Weic haaix nyungc zuqc nyie daaih 13:11b-12
      - a) 13:11b – *Meih mbuo bueix m'njormh nyei mienh oix zuqc nyie daaih weic zuqc Tin-Hung njoux mbuo nyei ziangh hoc gauh fatv mbuo sienx Yesu Giduc wuov zanc aqv*  
 Tin-Hung daaih dorh mbuo nyei ziangh hoc gauh fatv
      - b) 13:12a – *Lung h muonz zanc siepv-siepv nyei oix jiex,*
      - c) 13:12b – *lung hnoi zanc oix taux.*
  - b. Zoux puix yiem njang nyei mienh 13:12c-14
    - 1) Yienc zong zuqv puix yiem njang nyei mienh 13:12c-d
      - a) Guangc nzengc yiem hmuangx zoux nyei sic 13:12c  
*Oix zuqc guangc nzengc yiem hmuangx zong zoux nyei waaic sic*
      - b) Zuqv yiem njang zong mborqv jaax nyei jaa-muotc 13:12d  
*Yaac oix zuqc zong jienv yiem njang zong mborqv jaax nyei jaa-muotc.*
    - 2) Zoux puix yiem njang nyei mienh 13:13
      - a) Zoux nyei 13:13a  
*Mbuo oix zuqc zoux horpc puix zuqc lung hnoi zanc nyei njang.*
      - b) Maiv dungx zoux nyei 13:13b  
*Maiv dungx ceux, maiv dungx hopv diuv nquin. Maiv dungx hienx auv hienx nqox fai zoux laih hlopv nyei sic. Maiv dungx nzaeng jaax, hanc mienh..*
    - 3) Ziangh maengc puix yiem njang 13:14
      - a) Zoux nyei 13:14a  
*Meih mbuo oix zuqc longc Ziouv Yesu Giduc zoux meih mbuo mborqv jaax nyei jaa-muotc*

Zoux hngv Yesu zoux nor, Mienh buatc meih ziouc buatc Ziouv Yesu  
Giduc

- b) Maiv dungx zoux nyei 13:14b  
Yaac maiv dungx ziux ganh nyei hnyouv zoux haaix nyungc zuiz.

Nzutv zunv gorngv taux Lomaa 13—

- (1) Giduc mienh caux Hungh jaa:  
 (a) Muangx hung haa  
 (b) Hnamv baeqc fingx mienh
- (2) Weic haaix nyungc:  
 (a) Nye daaih  
 (b) Zieqv duqv mbuo yiem nyei ziangh hoc  
 (c) Longc Giduc zoux mbuo nyei mborqv jaax nyei jaax-muotc

C. Caux Tin-Hung horpc hnyouv nyei mienh hngv haaix nor caux **siex fim mau** caux **siex fim henv** nyei mienh jiu-tong 14:1- - 15:13

1. Giduc mienh horpc zuqc lanh **nyienz** bun lanh 14:1-12  
 a. Weic Tin-Hung zipv mau caux henv nyei mienh 14:1-5

- 1) Hatc nyei waac 14:1  
*Oix zuqc zipv dongh siex maiv henv nyei mienh, yaac maiv dungx nzaeng ninh siex nyei jauv*

Siex maiv henv nyei mienh-maiv bieqc hnyouv taux bungx nqoi yiem Giduc nyei jauv. Ei ninh ganh nyei hnyouv, se gorngv yie maiv horpc zuqc zoux, mienh yaac maiv horpc zuqc zoux nyei fiem-fingx

Ging-sou hatc nyei:  
 Mengh/baeng zaqc hatc  
 Mengh/baeng zaqc dorh daaih longc  
 Mengh/baeng zaqc nyei eix-leiz

- 2) Da'yietv nyungc zeiv 14:2-4  
 a) Siex maiv fih hngv 14:2  
*Maaih dauh siex ninh nyungc-nyungc nyanc duqv nyei, mv baac siex maiv henv wuov dauh kungx nyanc lai hngv, maiv nyanc orv*

Sienx fim mau nyei mienh zatv ganh nyanc nyei ga'naaiv

b) **Kuinx nyei waac 14:3**

*Nyanc nyungc-nyungc wuov dauh maiv dungx mangc piex maiv nyanc wuov dauh. Kungx nyanc lai maiv nyanc orv wuov dauh maiv dungx dingc nyanc nyungc-nyungc wuov dauh zoux dorngc, weic zuqc Tin-Hungh zipv ninh mi'aqv*

Sienx wuonv wuov dauh maiv dungx mangc piex sienx fim mau wuov dauh. Sienx fim mau wuov dauh yaac maiv dungx mangc piex sienx henv wuov dauh.

c) **Nyungc Zeiv 14:4**

*Meih dongh haaix dauh cingx daaih haih dingc ganh dauh ziouv nyei bou? Ninh ganh nyei ziouv oix zuqc dingc ninh zoux horpc fai maiv horpc. Ninh yaac zoux duqv horpc weic zuqc Tin-Hungh oix tengx ninh zoux.*

3) **Da'nyeic nyungc zeiv 14:5**

a) **Sienx maiv fih hnavg 14:5a**

*Maaih dauh funx maaih norm hnoi gauh longc jienv Aengx maaih dauh funx hnoi-hnoi fih hnavg nyei*

b) **Kuinx nyei waac 14:5b**

*Gorqc mienh oix zuqc ei gorqc mienh nyei hnyouv dingc naaiv deix sic*  
Mouz dauh mienh nyei mauv se mbuoqc Giduc nyei eix

b. **Weic ninh mbuo sienx mau/henv benx Giduc nyei mienh 14:6-9**

1) **Gorngv nyei eix-leiz 14:6**

*Haaix dauh funx yietc norm hnoi gauh longx jiex nyei hnoi, ninh zoux weic taaih Ziouv. Haaix dauh sienx nyungc-nyungc nyanc duqv nyei yaac nyanc weic taaih Ziouv weic zuqc ninh laengz zingh Tin-Hungh. Haaix dauh gec maiv nyanc, wuov dauh gec weic taaih Ziouv. Ninh yaac laengz zingh Tin-Hungh.*

2) **Weic haaix nyungc 14:7-9**

a) **Mouz dauh ganh ndamh dorng ganh zoux nyei 14:7-8**

*Mbuo haaix dauh maiv weic ganh ziangh yaac maiv weic ganh daic. 8 Mbuo ziangh se weic Ziouv ziangh. Daic se weic Ziouv daic. Hnavg naaic, maiv gunv mbuo nangh fai daic mbuo benx Ziouv nyei mienh*

b) **Giduc Zoux lanh lanh nyei Ziouv 14:9**

*Weic naaiv Giduc daic mingh aengx nangh daaih weic oix zoux yiemh gen yaangh gen mienh nyei Ziouv*

c. **Weic ninh mbuo sienx Mau/Henv oix zuqc Tin-Hungh siemv 14:10-12**

## 1) Gorngv hemx 14:10a

Wuov nyungc, meih zoux haaix nyungc *dingc* meih nyei gorx-youz zoux dorngc? Meih weic haaix diuc mangc *piex* meih nyei gorx-youz?

## 2) Weic haaix nyungc 14:10b-12

*Mbuo yietc zungv oix zuqc souv jienv Tin-Hungh nyei nza'hmien zuqc siemv zuiz. 11 Weic zuqc Ging-Sou gorngv, "Ziouv gorngv, 'Yie dongh yietc liuz ziangh jienv wuov dauh. Mouz dauh mienh oix gueic njiec baaix yie, nyiemc yie zoux Tin-Hungh.'" 12 Hnangv naaic mbuo dauh dauh mienh zoux nyei yietc zungv oix zuqc binv mengh mbuox Tin-Hungh*

1 Ko^lin^to 3, 5

Tin-Hungh dorh mbuo mingh yiem Tin-dorngv wuov

## 2. Siensex henv nyei mienh maiv dungx zoux haaix nyungc dorngc siensex mau nyei mienh 14:13-23

## a. Nzauh heix taux gorx-youz nyei leiz 14:13-21

## 1) Leiz: Maiv dungx zoux dorngc 14:13

*Hnangv naaic, laanh maiv dungx dingc laanh zoux dorngc. Daaux nzuonx oix zuqc dingc hnyouv maiv zoux haaix nyungc bun meih nyei gorx-youz zoux dorngc nduov ninh baamz zuiz*

## 2) Zoux nyei: nzauh heix taux siensex fim mau nyei mienh 14:14-21

## a) Siensex henv nyei mienh laengz bun 14:14a

*Yie caux Yesu juangc maengc ziangh ziouc hiiuv dingc maiv maaih haaix nyungc nyanc hopv nyei ga'naaiv ninh ganh haih maaih uix*

Ei Ging-sou njaaux nyei nor: Siensex fim henv nyei mienh horpc zuqc:

## b) Nzauh heix taux siensex fim mau nyei mienh 14:14b-18

## (1) Gorngv nyei eix-leiz 14:14b

*Mv baac haaix dauh funx haaix nyungc maaih uix nor, wuov nyungc weic ninh maaih uix(cing-nzengc) aqv.*

## (2) Porv mengh 14:15

*Se gorngv meih nyanc nyei ga'naaiv bun meih nyei gorx-youz hnyouv mun, meih zoux nyei sic bun cing meih maiv hnamv gorx-youz. Yesu weic wuov laanh mienh daic mi'aqv. Maiv dungx bun ninh laaix meih nyanc nyei ga'naaiv zuqc mietc.*

Weic hnamv: Maiv dungx bun mienh laaix meih nyanc nyei ga'naaiv zuqc mietc

(3) Lomh nzoih dingc hnyouv 14:16-18

*Hnangv naaic, meih mbuo funx se longx nyei mv baac maiv dungx bun mienh longc zoux gorn daanh meih mbuo. 17 Weic zuqc mienh nyanc nyei hopv nyei maiv zeiz bun cing Tin-Hungh zoux Ziouv gunv ninh mbuo. Singx Lingh bun mienh zoux duqv horpc Tin-Hungh nyei hnyouv, duqv baengh orn, yaac duqv njien-youh. Dongh naaiv bun cing Tin-Hungh zoux Ziouv gunv mienh. 18 Haaix dauh hnangv naaiv nor fuh sux Giduc, wuov dauh horpc Tin-Hungh nyei hnyouv. Mienh yaac ceng ninh.*

Nyanc nyei se maiv longc jienv, maiv dungx laaix nyanc nyei zoux bun ganh dauh sienx ndortv

c) Nzutv zunv gorngv 14:19-21

(1) Zoux nyei 14:19

*Hnangv naaic, mbuo zoux haaix nyungc oix zuqc zanc-zanc zoux weic bun laanh caux laanh baengh orn nyei yiem, laanh tengx laanh ceix jiez daaih.*

Sienx henv nyei mienh horpc zuqc ceix mau nyei mienh maiv zeiz caeqv njiec

(2) Maiv dungx zoux nyei 14:20-21

*Maiv dungx laaix nyanc hopv zoux waaic Tin-Hungh nyei gong. Haaix nyungc nyanc nyei ga'naaiv maiv maaiah uix. Mv baac haaix nyungc haih nduov mienh baamz zuiz maiv horpc zuqc nyanc. 21 Gauh longx se maiv dungx nyanc orv, hopv diuv fai zoux haaix nyungc nduov meih mbuo nyei gorx-youz baamz zuiz.*

b. Sienx fim nyei eix-leiz 14:22-23

1) Sienx fim henv nyei 14:22

*Naaiv buoqv sic meih mbuo hnangv haaix nor sienx, meih mbuo ganh caux Tin-Hungh oix zuqc hiuv hnangv. Haaix dauh dingc hnyouv hnangv haaix nor zoux, ninh zoux nyei ziangh hoc maiv haiz dorngec nor, wuov dauh njien-youh aqv.*

2) Sienx fim mau nyei 14:23

*Se gorngv nyanc nyei ziangh hoc haiz daah sih maiv dov nor, nyanc wuov zanc Tin-Hungh ziouc dingc ninh maaiah zuiz weic zuqc ninh maiv ei ninh sienx nyei nyanc. Se gorngv mbuo zoux haaix nyungc yaac maiv sienx dingc mbuo zoux duqv horpc nor, benx zuiz aqv*

Nyanc nyei ziangh hoc haiz hnyouv maiv longx corc zoux nor dorngec ganh nyei hnyouv hiuv nyei ziouc benx zuiz.

Nyungc-Nyungc mbuo zoux nyei se gorngv Ging-sou maiv gorngv mengh nyei nor mbuo ei Lomaa 14-15 caux 1 Ko^lin^to 8-10 naaic:

1. Yie qiemz zuqc nyei fai? Naaiv haih bun yie sienx fim ndortv nyei fai? Hipv^lu 12:1-2
2. Zoux naaiv se maaih haaix nyungc longx nyei cuotv daaih? 1 Ko^lin^to 6:12
3. Yesu hnangv naaiv zoux nyei fai? 1 Yo^han 2:6
4. Zouv naaiv tengx yie nyei zingh ginx fai hoic yie nyei zingh ginx? Ko^lo^si 4:5
5. Zoux naaiv ceix ganh dauh Giduc mienh nyei fai? 1 Ko^lin^to 10:23
6. Zoux naaiv bun Tin-Hungh duqv njang-laangc nyei fai? 1 Ko^lin^to 10:31
7. Zoux naaiv benx kuv nyungc zeiv ganh dauh Giduc mienh zuotc nyei fai? Lomaa 14:13

3. Sienx fim henv nyei mienh oix zuqc **tengx** sienx fim mau nyei mienh 15:1-6

a. Oix zuqc tengx 15:1-4

1) Gorngv nyei waac 15:1-2

a) Lengc jeiv nyei: daaix sienx maiv henv nyei mienh 15:1

*Mbuo sienx duqv henv nyei mienh oix zuqc daaix sienx maiv henv wuov deix. Maiv dungx kungx zoux horpc ganh nyei hnyouv hnangv*

b) Pou-tong nyei: Maiv zeiz weic zoux horpc ganh 15:2

*Mbuo dauh dauh mienh oix zuqc zoux horpc gorx-youz weic bun ninh duqv longx, yaac tengx ninh sienx henv jiez daaih.*

Gorngv nyei se hniev nyei bun sienx henv wuov dauh gorx-youz weic zuqc ninh gauh bieqc hnyouv deix sienx mau nyei mienh.

2) Yesu nyei nyungc zeiv 15:3-4

*Weic zuqc Giduc maiv zoux horpc ninh ganh nyei hnyouv. Hnangv Ging-Sou fiev jienv gorngv nor, "Mienh gorngv doqc meih mv baac ninh mbuo nyei waac gorngv zuqc yie." 4 Loz-hnoi fiev jienv Ging-Sou yietc zungv waac se fiev daaih njaaux mbuo, weic bun mbuo maaih noic yaac kuinx mbuo, mbuo cingx daaih maaih lamh hnamv dornx*

b. Daux Gaux 15:5-6

1) Gorngv nyei waac 15:5

*Tov Tin-Hungh, dongh bun mbuo maaih noic yaac orn mbuo nyei hnyouv wuov dauh, tengx mbuo zuotc Giduc Yesu nyei nyungc ziouc bun meih mbuo dongh diuc hnyouv.*

2) Mouz deic 15:6

*Hnangv naaic meih mbuo yietc zungv dongh diuc qiex ceng mbuo Ziouv Yesu Giduc nyei Die, Tin-Hungh.*

Zoux weic bun Tin-Hungh duqv njang-laangc

4. Duqv buatc Giduc nyei nyungc zeiv dongh ninh zipv Yiutai caux Janx biux mengh sienx Giduc mienh horpc zuqc lanh zipv lanh 15:7-13

a. Kuinx nyei waac 15:7a

*Hnangv naaic, laanh oix zuqc zipv laanh*

b. Nyungc zeiv 15:7b-12

1) Gorngv nyei 15:7b

*hnangv Giduc zipv meih mbuo nor weic bun mienh ceng Tin-Hungh*

2) Porv mengh nyei 15:8-12

a) Giduc fuh sux Yiutai miemh 15:8

*Yie mbuox meih mbuo, Yesu benx Yiutai Mienh nyei bou weic bun Tin-Hungh caux Yiutai Mienh nyei ong-taaix-ngaeqv laengz liuz wuov deix waac cuotv daaih zien. Ninh hnangv naaiv zoux biux mengh Tin-Hungh se ziepc zuoqv nyei.*

Giduc porv caux biux mengh Tin-Hungh laengz nyei waac bun Apc<sup>^</sup>laa<sup>^</sup>ham, I<sup>^</sup>sakc, caux Yaa<sup>^</sup>kopv.

b) Giduc zipv Janx 15:9-12

*Yesu yaac bun Janx ceng Tin-Hungh weic zuqc Tin-Hungh korh lienh ninh mbuo. Hnangv Ging-Sou gorngv nor, "Hnangv naaic, yie oix yiem Janx nyei mbu'ndongx ceng meih. Yie oix baaux nzung ceng meih nyei mbuox." 10 Ging-Sou yaac gorngv, "Janx aac, meih mbuo oix zuqc caux Tin-Hungh nyei baeqc fingx lomh nzoih njien-youh." 11 Ging-Sou aengx maaih joux waac, "Maanc fingx Janx aac, oix zuqc ceng Ziouv. Lugh ndiev mienh oix zuqc ceng ninh." 12 I<sup>^</sup>saa<sup>^</sup>yaa yaac gorngv, "Maaih dauh Jetc<sup>^</sup>si nyei douh zong nyei fun-faqv, ninh oix cuotv daaih gunv maanc fingx Janx. Janx ziouc weic ninh maaih lamh hnamv dorngrx aqv."*

1. Tin-Hungh korh lienh mienh

2. Giduc biux mengh loz-ngaengc waac

c) Daux gaux 15:13

*Tov Tin-Hungh, dongh bun meih mbuo maaih lamh hnamv wuov dauh, bun meih mbuo maaih njien-youh yaac maaih baengh orn taux daauh weic zuqc meih mbuo sienx ninh. Hnangv naaic, Singx Lingh nyei qaqv ziouc bun meih mbuo zanc-zanc maaih lamh hnamv aqv*



#### IV. SETV MUEIZ WAAC: Baulo zoux Giduc nyei bou weic janx; Ninh jangx taux ninh mbuo yaac maaih hnyouv oix mingh Lomaa zingh 15:14- 16:27

##### A. Baulo fiev naaiv zeiv fiensex weic biux mengh gorngv Tin-Hungh paaiv ninh zoux Gongzoh nyei gong weic Janx 15:14-21

###### 1. Hlo yiem Giduc 15:14

*Zuangx gorx-youz aac, yie hiuv dingc meih mbuo za'gengh longx haic. Meih mbuo yaac hiuv nzengc horpc zuqc hngv haaix nor zoux. Laanh yaac haih njaaux laanh.*

###### 2. Baulo zoux nyei gong 15:15-21

###### a. Ninh bungx laangc nyei fiev 15:15

*Mv baac naaiv zeiv fiensex maaih camv-diuc javv yie bungx laangc nyei fiev weic tengx meih mbuo jangx jienv. Yie hngv naaiv bungx laangc nyei fiev*

Bungx laangc nyei fiev maiv gunv maiv buac jhex

###### b. Tin-Hungh paiv ninh zunh kuv fiensex 15:16

###### 1) Zoux nyei 15:16a

*weic zuqc Tin-Hungh ceix en bun yie zoux Giduc Yesu nyei bou tengx Janx. Yie zoux hngv dauh sai mienh nor, zunh Tin-Hungh nyei kuv fiensex*

a) Gong nyei mengh hoc –hngv dauh sai-mienh

b) Gong nyei mouz deic – tengx janx

c) Gong nyei fiensex –kuv fiensex

###### 2) Mouz deic 15:16b

*weic bun Janx hngv ziec nyei ga'naaiv, dongh Singx Lingh fungx bun Tin-Hungh, Tin-Hungh ziouc a'hneiv zipv nyei ga'naaiv*

a) Horpc Tin-Hngh

b) Singx Lingh ginv daaih

###### c. Tin-Hungh paaiv ninh zoux ziangx nyei gong 15:17-21

###### 1) Ceng zoux nyei gong 15:17

*Weic naaiv, yie caux Giduc Yesu juangc maengc ziangh ziouc a'hneiv ceng yie weic Tin-Hungh zoux nyei gong.*

Ceng Tin-Hungh zoux nyei gong yiem ninh nyei maengc

###### 2) Weic haaix nyungc ceng 15:18-21

## a) Baulo zoux ziangx nyei gong 15:18-19a

*Yie oix bungx laangc nyei gorngv nduqc nyungc hnangv. Se Giduc longc yie dorh Janx daaih muangx Tin-Hungh nyei waac. Ninh longc yie gorngv nyei waac, zoux nyei sic, 19 longc maaih qaqv nyei jangx-hoc caux mbuoqc horngh nyei sic, yaac longc Singx Lingh nyei qaqv.*

Giduc nyei qaqv

## b) Ninh zoux gong nyei dorngx 15:19b

*Hnangv naaic, yiem Ye^lu^saa^lem Zingh mingh taux In^li^kum Guoqv feix coux zunh gormx, yie gorngv nzengc Giduc nyei kuv fiensex.*

## c) Ninh mingh mienh maiv haiz jiex kuv fiensex nyei dorngx zunh kuv fiensex 15:20-21

*Yie liepc dingc hnyouv kungx oix mingh mienh maiv haiz jiex Giduc nyei mbuox wuov deix dorngx zunh kuv fiensex hnangv. Yie maiv oix douh mienh zuangx jienv caa ziouc mingh bangc wuov gomv biau. 21 Hnangv Ging-Sou gorngv nor, “Dongh maiv duqv mienh mbuox jiex ninh nyei jauv-louc wuov deix oix duqv buatc. Maiv haiz jiex nyei mienh yaac oix mengh baeqc.”*

B. Baulo hnamv oix mingh Lomaa zingh, mv baac ninh oix zuqc mingh Ye^lu^saa^lem zingh ndangc, ninh zuqc dorh mienh gapv daaih nyei nyaanh mingh bun Ye^lu^saa^lem zingh jiu-baang. 15:22-33

1. Baulo hnamv oix mingh Lomaa zingh 15:22-24

a. Camv-nzunc oix mingh 15:22

*Weic naaiv, camv-nzunc yie oix mingh meih mbuo naaic mv baac maaih naaiv deix jauv zorv jienv, maiv duqv mingh.*

b. Ih zanc oix mingh 15:23-24

1) Gong 15:23a

*Mv baac ih zanc yiem naaiv deix deic-bung yie nyei gong zoux ziangx nzengc aqv.*

2) Maaih hnyouv oix mingh 15:23b

*Duqv ziex hnyangx yie oix mingh meih mbuo naaic*

3) Mingh 15:24

*ih zanc hnamv daaih duqv mingh aqv. Yie mingh Saaben Guoqv wuov zanc yie oix jiex meih mbuo naaic yiem caamx. Nziaauc gaux deix, oix bangc meih mbuo aengx tengx yie cuotv jauv mingh Saaben Guoqv.*

2. Ninh zuqc mingh Ye^lu^saa^lem zingh dorh gapv daaih nyei nyaanh bun ninh mbuo ndangc 15:25-29
- a. Mouz deic 15:25  
*Mv baac ih zanc yie oix mingh Ye^lu^saa^lem Zingh weic tengx wuov deix gorx-youz.*
- b. Buangh zuqc nyei sic 15:26-27
- 1) Siensex Giduc nyei Janx zoux 15:26  
*Weic zuqc yiem Maa^si^ndo^nie Saengv caux Aa^kaa^yaa Saengv nyei zuangx jiu-baang cuotv fim gapv nyaanh weic tengx yiem Ye^lu^saa^lem Zingh, ga'naanh wuov deix gorx-youz*
- 2) Siensex Giduc Janx mauv nyei se 15:27  
*Gapv nyaanh wuov deix ninh mbuo ganh cuotv fim zoux. Mv baac ninh mbuo gengh qiex wuov deix gorx-youz nyei zaeqv weic zuqc Yiutai Mienh duqv Singx Lingh bun nyei fuqv ziouc bun Janx yaac duqv buonc Singx Lingh nyei fuqv. Hnangv naaic, Janx maaih yungz maengc nyei ga'naav ziouc oix zuqc bun Yiutai Mienh duqv buonc*
- Janx gorngv nyei se: Tin-Hung h laengz waac bun Yiutai mienh, ih zanc mbuo duqv buonc fuqv weic Yiutai mienh, ih zanc mbuo horpc zuqc bun ninh mbuo juangc mbuo maaih nyei ga'naav.
- c. Nqa'haav hingv oix zoux/mingh nyei 15:28-29
- 1) Mingh Saaben 15:28  
*Zuov yie zoux ziangx naav deix gong, zorqv gapv daaih nyei nyaanh jiu sung ninh mbuo liuz, yie ziouc mingh Saaben Guoqv yangh meih mbuo naaic jiex.*
- 2) Ceix nyei fuqv 15:29  
*Mingh nyei ziangh hoc yie hiuv duqv Giduc oix ceix fuqv camv-camv nyei bun mbuo.*
3. Ninh oix Lomaa zingh mienh tengx ninh daux gaux, maiv zuqc maiv siensex nyei Yiutai mienh hoic ninh 15:30
- a. Mouz deic: tov 15:30a  
*Gorx-youz aac, mbuo siensex Ziouv Yesu Giduc, Singx Lingh yaac bun mbuo hnamv mienh, yie ziouc tov*
- Weic Yesu Giduc zoux Ziouv
- b. Jorm hnyouv juangc jienv daux gaux 15:30b  
*meih mbuo jorm hnyouv longc qaqv tengx yie daux gaux.*

c. Hnangv haaix nor daux gaux 15:31-32

- 1) 15:31a – *Tov Tin-Hungh goux yie, bun yie maiv zuqc Yu^ndie Deic-Bung maiv sienx nyei mienh zoux haaix nyungc Hoic yie..*

Oix Tin-Hungh njoux ninh maiv zuqc maiv sienx nyei Yiutai mienh hoic

- 2) 15:31b – *Yaac tov Tin-Hungh bun yie yiem Ye^lu^saa^lem Zingh mbenc nyei gong haih bun wuov deix sienx Yesu nyei gorx-youz buangv hnyouv*

Oix Sienx nyei Yiutai mienh zipv janx gapv daaih nyei nyaanh

- 3) 15:32 – *Hnangv naaic, se gornqv ei Tin-Hungh nyei za'eix yie ziouc njien-youh nyei mingh meih mbuo naaic duqv hitv douc.*

d. Setv mueiz waac 15:33

*Tov ceix baengh orn nyei Tin-Hungh caux meih mbuo zuangx mienh yiem. Aa^men*

C. Baulo jangx taux nyei mienh yiem Lomaa zingh caux gornqv waac nunz hnyouv 16:1-27

1. Ninh ceng Fe^mbi 16:1-2

- a. Gornqv muonc 16:1a

*Yie oix meih mbuo hiuv duqv mbuo nyei muoc Fe^mbi*

- b. Ninh zoux nyei 16:1b

*Ninh tengx Ken^ke^lie jiu-baang zoux gong*

- c. Weic haaix nyungc oix zuqc tengx 16:2b

*Ninh qiex zuqc haaix nyungc, tov meih mbuo tengx weic zuqc ninh tengx jiex mienh camv yaac liemh yie tengx.*

2. Ninh jangx taux ziex dauh gorx-youz 16:3-16

- a. Bite^sinx^laa caux Aa^ki^laa 16:3-5a

*Yie jangx taux Bite^sinx^laa caux Aa^ki^laa, caux yie juangc Giduc Yesu nyei gong zoux nyei mienh. 4 Ninh mbuo maiv longc maengc nyei njoux yie. Yie za'gengh laengz zingh ninh mbuo. Yaac maiv daan yie hnangv. Janx nyei zuangx jiu-baang yaac laengz zingh ninh mbuo. 5 Yie yaac jangx taux yiem ninh mbuo nyei biau v gapv zunv zoux leiz-baaix wuov norm jiu-baang.*

Gong-zoh 18:2 –

Gong-zoh 18:18 –  
 Gong-zoh 18:24-26 –  
 1 Ko^lin^to 16:19 –  
 Lomaa16:3-5 –  
 2 Ti^mo^tai 4:19 –

b. Camv dauh gorx-youz 16:5b-16

*Yaac jangx taux yie hnamv nyei doic E^be^ne^tatv. Yiem Esie Saengv ninh sienx Giduc ndaangc jiex. 6 Yie yaac jangx taux tengx meih mbuo zoux gong kouv nyei wuov dauh Maa^li^yaa. 7 Yie yaac jangx taux caux yie juangc Yiutai Fingx yaac caux yie zuqc wuonx jiex loh wuov deix An^ndo^ni^katv caux Yu^ni^atc. Zuangx gong-zoh hiuv duqv ninh mbuo mengh dauh longx nyei. Ninh mbuo sienx Giduc ndaangc yie. 8 Yie yaac jangx taux yie hnamv haic sienx Yesu nyei gorx-youz doic Am^paa^li^aa^tatv. 9 Yie yaac jangx taux U^mbaa^natv, caux mbuo juangc Giduc nyei gong zoux wuov dauh. Yaac jangx taux yie hnamv nyei gorx-youz Doic Saa^taa^kitv. 10 Yie yaac jangx taux zuqc seix jiex yaac zoux duqv horpc Giduc nyei hnyouv wuov dauh Aa^ben^letv. Yaac jangx taux Aa^litv^to^mbu^latv yietc biauv mienh. 11 Yie yaac jangx taux caux yie juangc Yiutai Fingx wuov dauh He^lo^ndi^on. Yaac jangx taux Naa^sitv^sac biauv zong sienx Yesu nyei gorx-youz. 12 Yie jangx taux qaqv tengx Ziouv Yesu zoux gong wuov deix i dauh m^sieqv dorn Di^fe^naa caux Di^fo^saax. Yaac jangx taux yie hnamv nyei doic Besitc, dongh tengx Giduc zoux gong kouv wuov dauh dorc. 13 Yie yaac jangx taux Ziouv Yesu lengc jeiv nyei gin v daaih zoux ninh nyei gong wuov dauh Lufatv, yaac jangx taux Lufatv nyei maa. Ninh goux yie hhangv goux ninh ganh nyei dorn nor. 14 Yie yaac jangx taux Aa^sinx^ki^tatv, Faa^le^gon, He^metv, Batc^lo^mbatc, He^maatv aengx caux ninh mbuo yiem yietc zungv gorx-youz. 15 Yie yaac jangx taux Fi^lo^lo^gatc, Yulie, Ne^le^atc caux ninh nyei muoc, yaac jangx taux O^lim^batc aengx caux ninh mbuo yiem yietc zungv sienx Yesu nyei mienh. 16 Meih mbuo oix zuqc zoux hnyouv cing-nzengc, laanh caux laanh longc zom hmien nyei leiz naaic baengh orn. Giduc nyei zuangx jiu-baang yaac jangx taux meih mbuo.*

3. Ninh heuc faix fim taux zunh jaav leiz nyei mienh 16:17-20

a. Gorngv heuc faix fim 16:17

*Gorx-youz aac, yie tov! meih mbuo mbungh jienv dongh nduov mienh bun nqoi doic wuov deix mienh. Ninh mbuo oix nduov meih mbuo hnyouv lunc, maiv doix meih mbuo hoqc jiex nyei leiz. Oix zuqc simv nqoi ninh mbuo,*

b. Weic haaix nyungc faix fim 16:18

*weic zuqc naaiv nyungc mienh maiv fuh sux mbuo nyei Ziouv Yesu Giduc. Ninh mbuo kungx douh ganh duqv longx hhangv. Ninh mbuo gorngv waac mbiaangc, waac gaam nduov zuqc hnyouv liangv nyei mienh.*

c. Weic haaix nyungc ceng 16:19

*Zuangx mienh haiz gorngv meih mbuo ei kuv fiex zoux, yie ziouc a^hneiv haic meih mbuo. Mv baac yie oix meih mbuo maaih cong-mengh hiuv duqv haaix nyungc longx. Waaic nyei, oix zuqc zoux hhangv mienh hngongx mienh*

d. Duqv hingh jiex 16:20

*Ceix baengh orn nyei Tin-Hungh siepv-siepv nyei oix ndamc Saadaan yiem meih mbuo nyei zaux-ndiev huv nzengc. Tov Ziouv Yesu Giduc zanc-zanc ceix en bun meih mbuo*

4. Caux Baulo juangc gong zoux nyei mienh juix waac 16:21-24

a. 16:21 – *Caux yie juangc gong zoux wuov dauh Ti^mo^tai yaac jangx taux meih mbuo. Caux yie juangc Yiutai Fingx wuov deix Lu^si^atc, Yaasonx caux So^si^baa^te yaac jangx taux meih mbuo.*

b. 16:22 – *Yie, Te^ti^atc, tengx Baulo fiev naaiv zeiv fienx. Mbuo lomh nzoih sienx Giduc, yie ziouc jangx taux meih mbuo*

c. 16:23 – *Gaai^atc yaac jangx taux meih mbuo. Gaai^atc dongh yie hitv wuov buonc mienh nyei ziouv. Zuangx jiu-baang yaac gapv zunv yiem ninh nyei biauv zoux leiz-baaix. Goux naaiv norm zingh nyei nyaanh wuov dauh E^latv^tatv caux mbuo nyei gorx-youz Kaan^tatv yaac jangx taux meih mbuo.*

d. Setv mueiz waac 16:24

*Tov mbuo nyei Ziouv Yesu Giduc zanc-zanc ceix en bun meih mbuo zuangx mienh. Aa^men.*

5. Setv mueiz Baulo ceng Tin-Hungh 16:25-27

*25 Mbuo oix zuqc lomh nzoih ceng Tin-Hungh. Yie zunh kuv fienx gorngv Yesu Giduc nyei jauv-louc. Ei naaiv kuv fienx, Tin-Hungh haih bun meih mbuo sienx duqv wuonv. Naaiv kuv fienx gem jienv ziex gitv lung ndiev, 26 mv baac ih zanc yietc liuz ziangh jienv nyei Tin-Hungh mbuox ninh nyei douc waac mienh fiev daaih gorngv mbiaangx yaangh nzengc bun maanc fingx hiuv. Hnangv naaic ninh mbuo haih sienx yaac haih ei jienv ninh nyei waac zoux. 27 Weic naaiv mbuo oix zuqc ceng cong-mengh jiex nyei nduqc dauh Tin-Hungh. Se Yesu Giduc bun mbuo yietc liuz ceng taux maanc gouv maanc doic. Aa^men.*